

Siunnersuummut oqaaseqaatit

Nalinginnaasumik oqaaseqaatit

1. Aallarniut

Siunnersuut kapitali 5 a-mik ilanngussinissamut Inatsisartut inatsisaannut nr. 1, 15. maj 2014-imeersumut unammilleqatigiinneq pillugu inatsimmi, immikkuullarissumik unammilleqatigiinnermik aqutsinermut atatillugu.

Malittarisassat atuuttut

Ullumikkut nalunaarasuartaaserinermi immikkuullarissumik unammilleqatigiinnermut tunngatillugu malittarisassaqaanngilaq. Tamanna ilaatigut unammilleqatigiinnermut inatsimmi aamma Nalunaarasuartaatitigut atassuteqarneq nalunaarasuartaatitigullu kifartuussinerit pillugit Inatsisartut peqqussutaat nr. 17, 20. november 2006-imeersukkut aqunneqarpoq.

Immikkuullarissumik unammilleqatigiinnermik aqutsinermut aalajangersakkanik ilanngussaqaarnermut atatillugu maanna pineqaatissiisarnermut aalajangersakkat atuuttuusut annertusineqarput, immikkuullarissumik unammilleqatigiinnermut aalajangersakkanik.

2. Siunnersuummi immikkoortut pingaarnertit

Siunertat

Siunnersuummi siunertaavoq pilersitsinissaq ammasumik aamma paasiuminartumik nalunaarasuartaaserinermi unammilleqatigiinnermut aqutsinermik, kiisalu pisortat sullissinerat eqaanneruleersillugu ataatsimut ingerlaarnermi aamma internetimut appakaaffissaqartitsinermi.

Siunnersuut pilersinneqarpoq pisortani naalakkersuinikkut ingerlatsinermik oqartussaasuniit nakkutilliisutut oqartussaasunut nuussinissamik kissaataasut tunngavigalugit. Tamannalu pissaaq niuerfimmik aqutsinerup nalunaarasuartaaserinermut peqqussummiit unammilleqatigiinnermut inatsisiliornermut nunneqarneratigut, taamalu aaqqissuussamik pisortani oqartussaassutsip periarfissaqartinneqalerneratigut.

Taamaattumik siunnersuummi ilaapput immikkoortut sammisat pingaarnertit niuerfimmik misissuisarneq (neqeroruteqartartunik niuerfimmi annertuumik tigumminnittuusussanik), internetimut appakaaffissaqartitsinermut peqqussuteqartarneq aamma ataatsimut ingerlaarneq (aaqqissuussinerit aamma atortussat) akerleriissutsinik immikkut aaqqiiviginnittarneq (isumaqatigiissitsiniartarneq) unammilleqatigiinnermut inatsimmi aqunneqartunngorlugit.

Siunnersuut aamma imaqarpoq ilaatigut sammisat pingaernerit, niuernikkut ammanerulersitsineq (siunnerfissanik piareersaasarneq) akuersissutit (koncession-it) (nakkutilliineq aamma siunnerfissanik piareersaasarneq), aamma pilersuisussaataaneq (nakkutilliineq aamma siunnerfissanik piareersaasarneq) nalunaarasuartaaserinermut peqqussummi aqunneqassasut.

Siunnersuummi siunertaavoq pilersitsinissaq aqqissuulluakkamik unammilleqatigiissitsiviusumillu niuerfimmik, attaveqatigiinnikkut aamma attaveqatigiinnermi kiffartuussinikkut, atuisartunut ersarinnerusumik allaaserineqartunik periarfissanik; atuisartut tamarmik taamatut kissaateqartut periarfissaqartilissallugit tunngaviusunik pilersuinnermi atugassarititaasunik, naammaginatunuk aamma akitigut, qularnaassallugulu atuisartunut tunngaviusut atugassarititaasut, isumaqatigiissuteqartarnertigut nioqqutinik tunniussisarnernut attaveqatigiinnermut aamma attaveqatigiinnermik kiffartuussissuteqarnernut atatillugu.

Immikkuullarissumik unammilleqatigiinnermik aqutsineq

Siunnersuutigineqarpoq pisussaaffiit ersarinnerusunik imarisassaasut pisussaaffiillu annertussusissaasut attaveqatigiinnermi nioqqutini annertuumik tigumminnittuusut ingerlatsivigisaanni niuernermut aalajangersagassat Atuisartoqarnermut Unammilleqatigiinnermullu Aqutsisoqarfimmit aalajangersarneqartassasut. Siunnersuummi siumoortumik akinik nakkutilliinissamik aqutsinissaq niuerfimmik annertuumik tigumminnittunut atatillugu aalajangersaavigineqanngilaq. Tamatumunnga taarsiullugu siunnersuutigineqarpoq inatsit imaqassasoq nalunaarsuinnermik isiginiagassanut killiliussassanullu tunngatillugu, Atuisartoqarnermut Unammilleqatigiinnermullu Aqutsisoqarfiup sulinissami tunngavigisassaanik, Atuisartoqarnermut Unammilleqatigiinnermullu Aqutsisoqarfiup akinut tunngatillugu nakkutilliinnermik ingerlatsinnermini tunngavigisassaanik. Aamma akinik nakkutillinnermi periaatsit atortinneqartussaasut inatsisissatut siunnersuut naapertorlugu Atuisartoqarnermut Unammilleqatigiinnermullu Aqutsisoqarfimmut suliassaatinneqassapput.

Nioqqutigineqartut pineqartussat taamaasilluni Atuisartoqarnermut Unammilleqatigiinnermullu Aqutsisoqarfimmit tigussaasumik aalajangersaavigineqartassapput, niuerfimmut atatillugu aalajangersakkani ataasiakkaani suliarineqartuni.

Taamaasillunilu malittarisassanik immikkuualuttortalersukkanik suliaqartoqarpoq, qanoq ittuni nakkutilliisutut oqartussaasut attaveqaasersuisartunut niuerfimmik annertuumik tigumiaqartunut pisussaaffiliisassanersut, ingerlatsinnermi immikkoortukkaartunik

aaqqissuussisarnerni. Ingerlatsinikkut immikkoortitsinertut paasineqassaaq suliffeqarfik ataatsimoortukkaaniq nioqqutiminik aamma ataasiakkaartukkaaniq nioqqutiminik immikkoortitsisimasoq, niuernikkut immikkoortunut arlariinnut. Piginnittuunermut tunngasunik allannguisoqassanngilaq.

Aningaasartuutit agguaanneri

Siunnersuummi siunnerfiuvoq aningaasartuutit agguaanneqartassasut ingerlatanut naapertuuttumik, allatut aningaasartuutiniq agguaassisinnaaneq inissaqartinniarlugu. Siunnersuummut tamatumunnga tunuliaqutaavoq, taamatut aaqqissuussinikkut akulerunneqarsinnaamat aningaasartuutiniq agguaassisarnissamik aaqqissuussineq toqqarneqarsimasoq, tassanilu unammillernermi ajornartorsiutit nalunaarsorneqartut unammillernermillu sunniisinnaasut sunaassusilerneqarsinnaammata niuerfiusuni pineqartuni, tamatumani aamma aalajangiinikkut, agguaassineq naligiimmik pisassasoq.

Ataatsimoorussamik ineqarfeqarneq atortorissaarutinillu ataatsimut iluaquteqarneq

Aalajangersagassatut siunnersuutaasut naapertorlugit Atuisartoqarnermut Unammilleqatigiinnermullu Aqutsisoqarfik periarfissaqassaaq ersarinnerusunik maleruagassiornissamat ataatsimut ineqatigiittarnernut tunngasuni, aammalu avatangiisinik ataatsimut iluaquteqartarnernut tunngasuni. Malittarisassat taakkua naapertorlugit elektroniskiusunik attaveqatigiinnermut attavinnik neqerooruteqartartut pisussaaffilerneqarsinnaapput, atortorissaarutit pineqartut ataatsimoorullugit iluaqutigineqassasut, elektroniskiusunik neqerooruteqartartut allat atuisinnaanngortinnerisigut. Peqqussuteqarneq pisassaaq avatangiisit, inuttaasut peqqissuunissaannut, inuiaqatigiinni sillimaniarnermut aamma illoqarfimmi nunamilu tamarmi pilersaarusiortarneq isiginiarlugit. Malittarisassat atortinneqassapput pisortanit inatsisinik pineqartunik atortitsisusunit.

Kiisalu siunnersuutigineqarpoq Atuisartoqarnermut Unammilleqatigiinnermullu Aqutsisoqarfik periarfissinneqassasoq malittarisassiorsinnaanermut illuutini pineqartunik ledninginut attaveqaatinut piginnittuusut peqquneqarsinnaasut attaveqaatit ataatsimoorulugit iluaqutigineqarnissaannut, tamatumani avatangiisinut, inuiaqatigiit peqqissusiannut, inuiaqatigiit sillimaniarnerannut aamma illoqarfimmut nunamullu tamarmut pilersaarusiorneq isiginiarlugit, kiisalu akilersinnaanngippat illuummi pineqartumi ledningit attaviasut marloriaatinngortinnissaat, imaluunniit tigussaasumik aaqqissuunneqarsinnaanngippat.

Kiisalu siunnersuutigineqarpoq Atuisartoqarnermut Unammilleqatigiinnermullu Aqutsisoqarfik pisinnaatitaaffilerneqassasoq paasissutissanik piniarsinnaanermut, atortut suunerinik, qanoq tikikkuminartiginerinik aamma sumi inissisimanerinik, aammalu

paasissutissat pineqartut taamaattut qanoq annertutigusumik tamanit pissarsiarineqarsinnaassasut.

Nunani avannarlerni unammilleqatigiinneq pillugu oqartussaasut nunat killeqarfii akimorlugit suleqatiginerat

Nunani avannarlerni unammilleqatigiinneq pillugu oqartussaasut kissaatigaat nunat killeqarfii akimorlugit suleqatigiissinnanissap periarfissaqarnissaa suliniutinik unammilleqatigiinnermut akornusiisunik naalagaaffinni ataasiakkaaniinnaanngitsoq, nunanili avannarlerni arlalinni, pisunik pinngitsoortitsineq anguniarlugu.

Atuisartoqarnermut Unammilleqatigiinnermullu Aqutsisoqarfiup inatsisit atuuttut nutarterneqarnissaat kissaatigaa, suleqatigiinnissamut tunngavigisat Kalaallit Nunaanni inatsisiliornermi inassisimassammata.

Sulinerup ingerlteqqinnera tassaassaq isumaqatigiissutip tunngavianik atsiortitsineq taamaalillunilu Kalaallit Nunaat unammilleqatigiinneq pillugu nammineq suliadini nunat killeqarfii akimorlugit sunniuteqartuni ikiorserneqarsinnaalissaaq aammalu unammilleqatigiinneq pillugu oqartussat allat ikiorsersinnaalissallugit suliani Kalaallit Nunaanni suliffeqarfinnik attuumassuteqartuni.

Maalaaruteqarnissamut periarfissanik erseqqissaanerit

Immikkuullarissumik unammilleqatigiinnermik aqutsineq pillugu aalajangersakkanik nutaanik atortuulersitsinermi Atuisartoqarnermut Unammilleqatigiinnermullu Aqutsisoqarfik aalajangiisarnissaminut piginnaatinneqarpoq. Piginnatitsineq taanna aamma taamatut Atuisartoqarnermut Unammilleqatigiinnermullu Aqutsisoqarfimmut tunniunneqarpoq 2014-imi kattunnernik nakkutilliineq pillugu aalajangiinerit atortuulersinneqarmata.

Atuisartoqarnermut Unammilleqatigiinnermullu Aqutsisoqarfiup aalajangigaanik atortuulersitsinermi aalajangikkat Inuusutissarsiornermut, Suliffeqarnermut, Niuernermit Nukiissiuuteqarnermullu Naalakkersuisoqarfimmut maalaarutiginiisaannut periarfissiisoqarnissaa eqqarsaatigineqanngimmat § 35, imm. 1-imi naleqqussaasoqarpoq, imaalerluni taanna aamma Atuisartoqarnermut Unammilleqatigiinnermullu Aqutsisoqarfiup aalajangigaanut atuuttuussasoq, Unammilleqatigiinnermi Ataatsimiititaliap aalajangigaanuinnanngitsoq.

Pineqaatissiissutitut akiligassat annertussusissaannut tunngaviusut

Unammilleqatigiinnermut inatsimmi suliassaqarfiit aalajangersimasut inatsisiliuunnerisa ilanngunneqarnerannut atatillugu unammilleqatigiinnermut inatsimmi § 38-mi suliassaqarfiit

aalajangersimasut inatsisiliunnerannut tunngatillugu unioqutitsinernut pineqaatissiinernik piginnaatitsineq ilanngunneqarpoq.

§ 38 ataatsimut isigalugu unammilleqatigiinnermut inatsimmi § 38 atuuttup ingerlateqqinneraa. Nutaanik oqaasertaliuussami nr. 8 aamma nr. 9 imm. 1-imi nutaat § 23 c-mik aamma § 23 i-mik unioqutitsinernut tunngasut ilanngunneqarput. Tamatumunnga ilanngunneqarpoq imm. 8 nutaajusoq tassanilu allattorsimapput tunngaviusut suut atorneqassanersut suliffeqarfinnut pineqaatissiissutitut akiligassat annertussusissaat nalilerneqalerpata.

Imm. 8-p nutaajusup kingunerissavaa suliffeqarfiit pineqaatissiissutitut akiliutissaasa uuttortarneqarneranni suliffeqarfiup aningaasaqarnikkut iluanaarutai anguneqarsimasut imaluunniit anguniarneqartut, aammalu unioqutitsinerup annertussusaa, sivirususaa suliffeqarfiullu kaaviiartitai aallaavigineqassasut.

Aamma taamatut oqaaseqaatini pineqaatissiissutitut akiligassiissutit annertussusaat unnerluussisut pineqaatissiissutissatut piumasaqaatigisinnaasassaattut ilimagisat allanneqarsimapput.

Inatsisissatut siunnersuut, Inatsisartut inatsisaannut atuuttumut sanilliullugu	
<i>Oqaasertat atuuttut</i>	<i>Inatsisissatut siunnersuut</i>
	<p>§ 1 Unammilleqatigiinneq pillugu Inatsisartut inatsisaanni nr. 1, ulloq 15. maj 2014 – imeersumi (unammilleqatigiinnermut inatsit) imaattunik allannguuteqartitsisoqassaaq:</p>
	<p>§ 23-<i>ip</i> kingorna ikkunneqassaaq:</p> <p style="text-align: center;">”Kapitali 5a <i>Suliaqarfiit aalajangersimasut siunnerfigalugit elektroniskiusunik attaveqaqatigiinnermut aamma kiffartuussinermut atatillugu unammilleqatigiinnermik aqutsineq</i></p> <p style="text-align: center;"><i>Internetimut appakaaffissaqartitsineq aamma peqatigiilluni ataatsimut atuisitsisinnaatitsineq pillugit ataatsimut</i></p>

aalajangersakkat

§ 23 a. Attaveqaqatigiissutini imaluunniit kiffartuussissutini elektroniskiusunik ataqatigiissaakkanik kikkunnut tamanut neqerooruteqartartut peqatigiillutik ataatsimut atuisitsisinnaatitsineq pillugu akunnerminni isumaqatigiissusiornissaq pisussaaffigaat attaveqaqatigiissutit elektroniskiusut kikkunnut tamanut neqeroorutigineqarsinnaanissaat siunertaralugu, taamaalilluni kiffartuussissutit taamaattut Kalaallit Nunaanni tamarmi neqeroorutigisinnaaqullugit aamma unammilleqatigiit neqeroorutigisaat suleqatigiissinnaaqullugit.

Imm. 2. Atuisartoqarnermut

Unammilleqatigiinnermullu Aqutsisoqarfik pisussaaffiliisinnaavoq, tamanna pisariaqaraangat, atuisut attaveqaqatigiissutini ataasiakkaani atassuserneqarnissaannik qularnaarukkumallugit imaluunniit attaveqaqatigiissutini imaluunniit kiffartuussissutini elektroniskiusunik ataqatigiissaakkanik neqerooruteqartartunut, atuisup ataatsip amerlanerusulluunniit iserfigineqarsinnaanerannik paarsisuusunut, ilanngullugu unammilleqatigiit ataqatigiissaarutaasa ataatsimut suleqatigiissinnaalersinnissaat, unammilleqatigiit neqeroorutigisaasa suleqatigiissinneqarnissaat qularnaarumallugit.

§ 23 b. Internetimut appakaaffissaqartitsineq aamma

	<p>peqatigiilluni ataatsimut atuisitsisinnaatitsineq isumaqatigiissutit imminut akilersinnaasunik atugassarititaasut iluanni aalajangersarneqartassapput.</p> <p><i>Imm. 2.</i> Naak imm. 1 atuukkaluartoq attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut, § 23 a, imm. 2 imaluunniit § 23 i naapertorlugit pisussaaffilerneqarsimasut, attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut allat internetimut appakaaffissaqartitsinermik aamma peqatigiilluni ataatsimut atuisitsisinnaatitsinermik neqerooruteqassapput naammassisassat piumasallu neqerooruteqartumut pisussaaffigineqarsimasunut naapertuuttunik.</p> <p>§ 23 c. Attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik neqerooruteqartartut internetimut appakaaffissaqartitsineq imaluunniit peqatigiilluni ataatsimut atuisitsisinnaatitsineq pillugit isumaqatigiinniarnert sioqqullugit, ingerlanneranni kingornaluunniit attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik neqerooruteqartartunit allanit paasissutissanik tigusaqartut taamaallaat paasissutissat pissarsiarisani siunertaasumut tunniunneqarnerat naapertorlugu atorsinnaavai, aammalu sukkulluunniit paasissutissat taakkua</p>
--	--

tigusimasani isertuuttussaallugit.

Imm. 2. Paasissutissat tigusimasat allanut ingerlatseqqinneqassanngillat, taamaaliornikkut unammilleqatigiinnermi iluaqutissarsisinnaasumut, tamatumani aamma immikkoortortanut allanut, ingerlatseqatigiiffinnut allequtaasunut imaluunniit piginneqatigisanut.

*Internetimut appakaaffissaqartitsinnermi
teknikkikkut aqutsineq*

§ 23 d. Naalackersuisut

Atuisartoqarnermut

Unammilleqatigiinnermullu Aqutsisoqarfik oqaaseqartereerlugu ersarinnerusunik malittarisassiorsinnaapput, attaveqaasersuisartut niuerfimmi annerpaamik tigummisuusut, internetimut appakaaffissaqartitsinissamik pisussaaffiligaasut, takuuk § 23 j, aamma attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut internetimut appakaaffissamik taamaattumik atuisuusut, ingerlatsinnermut atatillugu teknikkikkulluunniit piumasaqaatinik naammassinnittassapput, tamanna pisariaqaraangat attaviit ingerlanneqarnerisa nalinginnaasuunissaasa qularnaarneqarnissaannut.

*Unammillernermi atugassarititaasunik
misissuisarnerit*

§ 23 e. Atuisartoqarnermut

Unammilleqatigiinnermullu

	<p>Aqutsisoqarfiup akuttoqatigiissaakkamik nalunaarasuartaateqarnermi unammilleqatigiinnermi pissutsit misissuiffigisarpai (niuerfimmi misissuineq), pisariaqartitsineq nalilersorsinnaajumallugu, § 23 i-lu naapertorlugu pisussaaffiliinissamut pisariaqartitsineq nalilersorsinnaajumallugu.</p> <p><i>Imm. 2.</i> Atuisartoqarnermut Unammilleqatigiinnermullu Aqutsisoqarfiup niuerfimmi misissuinerusimasut nutarsartarpai, niuerfiusuni pissutsinilu atuuttuni pisariaqarneranik nalileereernermi.</p> <p><i>Imm. 3.</i> Neqerooruteqartartut niuerfimmi annerpaamik tigummisuusut pisussaaffiligaasullu, takuuk § 23 i, aaqqissuussaannikkut allannguinerit pisussaaffiliunneqarsimasunut annertuumik pingaaruteqartut pillugit Atuisartoqarnermut Unammilleqatigiinnermullu Aqutsisoqarfik ilisimatittassavaat.</p> <p style="text-align: center;"><i>Niuerfiusunik killilersuisarneq</i></p> <p>§ 23 f. Niuerfiusunik misissuisarnernut atatillugu, takuuk § 23 e, Atuisartoqarnermut Unammilleqatigiinnermullu Aqutsisoqarfiup niuerfiusut killissaat nalunaarsortassavai, nunarsuarmit akornanni periaatsit pitsaasut tunngavigalugit, kalaallini pissutsinut naleqqussarlugit.</p> <p style="text-align: center;"><i>Niuerfinnik misissuineq</i></p> <p>§ 23 g. Niuerfinnik misissuisarnernut atatillugu, takuuk § 23 e,</p>
--	---

	<p>Atuisartoqarnermut Unammilleqatigiinnermullu Aqutsisoqarfiup niuerfinnik nalilersuineq ingerlattarpaa, § 23 f-imut naapertuuttumik killiligaasoq, nalilersorsinnaajumallugu niuerfinni taakkunani piviusumik unammilleqatigiittoqarnersoq. <i>Neqerooruteqartartumik niuerfimmi annerpaamik tigummisumik toqqaaneq</i></p> <p>§ 23 h. Niuerfimmik misissuinerup, takuuk § 23 g, ersersippagu piviusumik niuerfiusumi unammilleqatigiittoqanngitsoq, taava Atuisartoqarnermut Unammilleqatigiinnermullu Aqutsisoqarfiup niuerfimmi pineqartumi annerpaamik tigumminnittumik attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq ataaseq amerlanerusulluunniit toqqassavaa imaluunniit toqqassavai. <i>Imm. 2.</i> Niuerfimmi ingerlatsisuusoq annertuumik ingerlatsivimmi tigumminnittuusutut isigineqassaaq, imm. 1 naapertorlugu, neqerooruteqartartoq annertuumik tigumminnittoq kisimiilluni imaluunniit neqerooruteqartartut allat peqatigalugit, aningaasaqarnikkut ima nukittutigisumik inissisimaguni unammillertit allat kiffartuussallu apeqqutaatinnagit iliuuseqarsinnaassuseqarluni. <i>Imm. 3.</i> Niuerfimmi aalajangersimasumi neqerooruteqartartoq imaluunniit niuerfimmi neqerooruteqartartutut</p>
--	--

	<p>annerpaamik tigumminittutut toqqarneqarpat, takuuk imm. 1, Atuisartoqarnermut Unammilleqatigiinnermullu Aqutsisoqarfik tamatumaa ilutigisaanik neqerooruteqartartoq taanna niuerfimmi assingusumi annerpaamik neqerooruteqartartussatut toqqarsinnaavaa, niuerfimmi ataatsimi inissisimaneq niuerfiup aappaanut nuunneqarsinnaara niuerfiusut taakkua marluk imminnut attaveqarnerisa periarfissaqartippagu, taamalu neqerooruteqartartup taassumap niuerfinni inissisimaneq annertusaqqissinnaallugu nukittorsaqqillugulu.</p> <p><i>Imm. 4.</i> Niuerfimmik misissuinerup, takuuk § 23 g, ersersippagu niuerfimmi pineqartumi piviusumik unammilleqatigiittoqartoq, imaluunniit neqerooruteqartartoq niuerfimmi annerpaamik tigumminittuujunnaarsimappat, taava Atuisartoqarnermut Unammilleqatigiinnermullu Aqutsisoqarfiup pisussaaffiit tamaasa atorunnaarsissavai, immikkoortoq una naapertorlugu, imaluunniit immikkoortoq una naapertorlugu malittarisassiasut naapertorlugit niuerfimmik annerpaamik tigumminittuusimasumut pisussaaffiliunneqarsimasut, niuerfimmi pineqartumi annerpaamik tigumminittuusimaneranni pisussaaffiliussaasut aqunniarlugit.</p> <p style="text-align: center;"><i>Neqerooruteqartartut niuerfimmi annerpaamik tigummissuusut malittarisaliunneqarneranni pisussaaffiit</i></p>
--	--

Niuerfimmi aalajangiinerit

§ 23 i. Aalajangiinerni § 23 h, imm. 1 naapertorlugu, Atuisartoqarnermut Unammilleqatigiinnermullu Aqutsisoqarfik neqerooruteqartartut niuernermik annerpaamik tigumminnittuusut, takuuk § 23 h, ataatsimik arlaqartunilluunniit pisussaaffiliissaaq.

Imm. 2. Atuisartoqarnermut Unammilleqatigiinnermullu Aqutsisoqarfiup aalajangikkani ataasiakkaani pisussaaffiliunneqartuni annertussusiusussanik aamma taakkua imarisassaannik aalajangersaasassaaq. Pisussaaffinnut imm. 1-imi pineqartunut ilaasinnaapput:

- 1) Internetimut appakaaffissaqartitsineq, takuuk § 23 j.
- 2) Assigiinngisitsinnginnissaaq, takuuk § 23 k.
- 3) Akimut ersittuutitsinissaaq, takuuk § 23 l.
- 4) Naatsorsuutit immikkoortukkuutaartumik aaqqissuusaanissaat, takuuk § 23 m.
- 5) Akinik nakkutilliineq, takuuk § 23 n.
- 6) Aaqqissuussamik immikkoortitseqqanissaaq, takuuk § 23 o.

Imm. 3. Atuisartoqarnermut Unammilleqatigiinnermullu Aqutsisoqarfik pisuni immikkut ittuni niuerfimmik annerpaamik tigumminnittunut allanik pisussaaffiliisinnaavoq, imm. 2-mi pineqartut saniatigut.

Imm. 4. Imm. 3 apeqqutaatinnagu Atuisartoqarnermut Unammilleqatigiinnermullu Aqutsisoqarfik neqerooruteqartartut niuerfimmi

	<p>annerpaamik tigumminnittut ingerlatsiviisa annikitsut malittarisaliuunneranni pisussaaffinnik allanik atugassiissuteqarsinnaavoq, pisussaaffiit imm. 2-mi eqqaaneqartut unammilleqatigiinnermi ajornartorsiummik § 23 g naapertorlugu paasineqartumik aaqqiinissamut naleqqutinngitsutut nalilerpagu.</p> <p><i>Imm. 5.</i> Aalajangiinnermi imm. 1, 3 imaluunniit 4-mi pineqartumut atatillugu Atuisartoqarnermut Unammilleqatigiinnermullu Aqutsisoqarfiup aalajangissavaa attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut tamatumunnga kalluarneqartut qanoq ilisimatinneqassanersut. Neqerooruteqartartut taakkua piffissaagallartillugu piffissaqarluartumik tamanna pillugu ilisimatinneqartassapput.</p> <p><i>Internetimut appakaaffissaqartitsinermik pisussaaffeqarneq</i></p> <p>§ 23 j. Internetimut appakaaffissaqartitsinermik pisussaaffeqarneq ima paasineqassaaq neqerooruteqartartut niuerfimmi annerpaamik tigumminnitsuusut internetimut appakaaffissaqartitsinermik piviusumik imaluunniit takorluukkamik neqerooruteqartartup internetimi immikkoortuinut, kiffartuussinerinut assigisaannillu ingerlataanut neqerooruteqartassasut. Tassunga atatillugu neqerooruteqartartoq Atuisartoqarnermut</p>
--	--

	<p>Unammilleqatigiinnermullu Aqutsisoqarfimmit internetimut appakaaffissaqartitsinissaq taamaattulluunniit pillugit isumaqatigiissutit allannguuteqartinnissaannik noqqaassutit naleqquttut akuerinissaannut pisussaaffilerneqarsinnaavoq. Pisussaaffik ilaatigut makkuninnga imaqarsinnaavoq:</p> <ol style="list-style-type: none"> 1) Internetimi immikkoortunut ingerlatanullu, ilanngullugit internetimi immikkoortunut atunngitsunut, atuisartuutit attaviinut qilertaanngitsumik pisinnaaneq aamma atuisartuutit attaviinik tuniniaaqqissinnaanermik neqerooruteqarsinnaanermik pisinnaatitsineq. 2) Attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartatut atuisinnaanermut qinnuteqartut pimoorussillutik isumaqatiginninniaqatigisassagaat. 3) Atortorissaarutinut siusinnerusukkut attaviliivigineqarsimasunut attavinnik atortitsiinnarnissanut. 4) Kiffartuussinernik assigiinngitsunik annertuukkaartumik pingajuusunut neqerooruteqartarneq niuerutigeqqitassatut. 5) Teknikkikkut saqqumisup ilusaanut, protokollinut imaluunniit teknikkikkut atortorissaarutinut allanut killeqanngitsumik attaveqarnissanut neqerooruteqartarneq, kiffartuussissutaasut imaluunniit takorluukkamik kiffartuussissutaasunut unammilleqatigiit neqeroorutigisaat suleqatigiissinnaanissaannut pingaaruteqartunut. 6) Ataatsimut ineqarnissamik neqerooruteqarneq, ataatsimut ineqarnertut
--	--

	<p>takorluukkamik imaluunniit allatigut ataatsimut atortorissaarutunik atueqatigiinnissamik neqerooruteqarnerit, tamatumani aamma illuutunik ataatsimoorussilluni atuinissamik, illunut aqqutunik ataatsimut atuinissamik, illuni kabelinik, napparutunik, antenninik, napasulianik, allanillu iluaqusersuutunik, kabelit ledningillu aqquataannik kabelinullu itersalianik aamma skavinnik atueqatigiinnissamik neqerooruteqartarnerit. 7) Kiffartuussinernik aalajangersimasunik neqerooruteqartarnissaq, atuisartut akornanni internetip attaviullu suleqatigiissinnaanissaasa qularnaarnissaannut pisariaqartunik, tamatumani aamma internetikkut kiffartuussissutit silatuut imaluunniit mobile netikkut atuisuuffigisap isumaqatigiissuteqarfigisimasaasa attaveqaataasa aqquataannik atuinernik. 8) Ingerlatsinernut ikorfartuutaasunik aaqqissuussinernik software-nilluunniit assigisaannik atuinissamut neqerooruteqartassalluni, unammilleqatigiinnermik piviusumik ingerlatsinissamut pisariaqartunik. 9) Attaveqaatit assigiinngitsut imaluunniit internetikkut ingerlatsiviit tigussaasunik isumaliortaatsikkulluunniit naleqquttunik ataatsimut kattunneqarnissaannik neqerooruteqassalluni. 10) Kiffartuussinernik attuumassuteqartunik atuisinnaanermut neqerooruteqassalluni, soorlu kinaassutsimut, nunap immikkoortuani sumiinnermik peqataanermillu takutitsinnaasunut. <i>Imm. 2. Internetimut</i> appakaaffissaqartitsinermut pisussaaffinnik</p>
--	--

	<p>aalajangersaasarnerni Atuisartoqarnermut Unammilleqatigiinnermullu Aqutsisoqarfiup ingammik isiginiassavai;</p> <p>1) niuerfimmi ineriartornerup ingerlasup teknikkikkut aningaasarsiornikkullu ingerlatsiviit imminnut unammillertut atornissai imaluunniit ikkunnissai ajornartinnginneraa, internetimut appakaaffissaqartitsinermik aamma peqatigiilluni ataatsimut atuisitsisinnaatitsinermut aaqqiissutit qanoq ittuunerat qajassuullugu,</p> <p>2) internetimut appakaaffissaqartitsineq neqeroortigineqartoq tigussaasumik periarfissaqarnersoq tigusisinnaassuseq pigineqartoq eqqarsaatigalugu,</p> <p>3) ingerlatsivimmik piginnittup pilersitsinissamut aningaasaliissutinik qanoq annertutigisunik aallarniuteqartariaqarnersoq, pisortat aningaasaliissutigisimasaannut aamma nalorninaatinut tamatumunnga atasunut sanilliullugu,</p> <p>4) ungasinnerusoq eqqarsaatigalugu killilersugaanngitsumik unammilleqatigiinnerup qularnaarneqarnissaanut pisariaqartitsineq, ingammik nunap iluani atortorissaarutit aningaasarsiornikkut akilersinnaasumik unammilleqatigiinnermik tunngaveqartoq, aamma</p> <p>5) pisinnaatitaaffiusinnaasut naleqquttut silatuumillu aaqqissuussat nunarsuarmiullu kiffartuussinertigut neqeroorutaat.</p> <p><i>Assigiinnngisitsinninnissamut pisussaaffik</i></p> <p>§ 23 k. Assigiinnngisitsinninnissamut pisussaaffittut paasineqassaaq</p>
--	--

	<p>neqeroorutinin annerpaanik tigummisuusut qularnaassagaat pisussaaffiit, pissutsit assigisaanni attaveqaqatigiissutinin imaluunniit kiffartuussissutinin elektroniskiusunik ataqatigiissaakkanik kikkunnut tamanut neqerooruteqartartut allat neqeroorutaasartut assigisaannik niueruteqartut, atugassarititaasut assigisaasa iluanni aamma akit assigisaasa iluanni, aammalu kiffartuussinernik neqerooruteqartassasut atugassarititaasut assigisaasa iluanni, akit pitsaassutillu assigisaannik, kiffartuussinertut neqerooruteqartartumit allamit atortinneqartutulli, taassuma ataaniittut ingerlatseqatigiiffiutaanut imaluunniit suleqataanut aamma.</p> <p><i>Imm. 2.</i> Imm. 1-imi pisussaaffimmut aamma ilaapput pisut, kiffartuussinernik niuerfimmi annerpaamik tigummisuusup, imminut neqeroorutigisaani, ingerlatseqatigiiffimmut allequtaasut pigisaminut suleqatigisaminulluunniit neqeroorutigisaani, nioqqutinit assigiinngitsunit katitigaasuni, aamma pisuni kiffartuussinernit assingusut neqeroorutigineqarfigisaanni pineqartunut atatillugu, imaluunniit nioqqutini assigiinngitsuni immikkuualuttortaasutut ilaaffigisaanni.</p> <p><i>Imm. 3.</i> Neqerooruteqartartoq annerpaamik tigummisuusoq akimut ersittuutitsinissamik pisussaaffilerneqarsimasuni, neqerooruteqartartoq pisussaaffigiligaalluni nioqqutissanik nutaanik, pioreersunillu allannguiumaarnissamik tamanut paasissutissiissuteqartarnissamik, takuuk § 23 1, taava Atuisartogarnermut</p>
--	---

	<p>Unammilleqatigiinnermullu Aqutsisoqarfik niuernermit tunngatillugu aalajangiinnermini piunasaqarsinnaavoq nioqqut ataatsimoortoq nutaaq imaluunniit allangortinneqartoq, internetimut appakaaffissaqartitsinermik pisussaaffilikkamut ilaasoq, takuuk § 23, j, piffissami aalajangersimasumi suleqatit akornanni avammulluunniit nioqqutigineqassanngitsaq.</p> <p><i>Akimut ersittuutitsinissamut pisussaaffik</i></p> <p>§ 23 l. Akimut ersittumik ingerlatsinissamut pisussaaffeqarneq paasineqassaaq neqerooruteqartartut annerpaamik tigummisuusut paasissutissanik aalajangersimasunik tamanut saqqummiussaqaqartartussaanerattut.</p> <p><i>Imm. 2.</i> Neqerooruteqartartoq annerpaamik tigummisuusoq assigiingisitsinnginnissamik pisussaaffiligaaasimappat, takuuk § 23 k, Atuisartoqarnermut</p> <p>Unammilleqatigiinnermullu Aqutsisoqarfiup neqerooruteqartartoq peqqusinnavaa neqeroorummik nalinginnaasumik taaneqartumik tamanut saqqummiinissamik, naammaginartumik ima qilertaanngitsigissaaq attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut allat ingerlatsivinnik internetimut appakaaffissaqartitsinermut kissaatigineqartumut pisariaqanngitsunik akiliisariaqannginnissaannik qularnaarnissaanut, tamanullu saqqummiussami</p>
--	--

	<p>nalunaarsorneqarsimassallutik kiffartuussissutit ataasiakkaat, taakkunungalugu tunngatillugu atugassarititaasut piunasaqaatillu, tamatumani aamma akigititat.</p> <p><i>Imm. 3.</i> Neqerooruteqartartoq annerpaamik tigumminnittoq pisussaaffilerneqarsimappat § 23 j, imm. 1, nr. 1-imi pineqartutut, atuisut atassutaannit qilertaanngitsut atorlugit internetimut appakaaffissaqartitsilerluni, tamanna pillugu neqeroorut nalinginnaasoq kikkunnut tamanut saqqummiunneqassaaq.</p> <p><i>Imm. 4.</i> Neqerooruteqartartut annerpaamik tigummisaqartut neqeroorutiminnik nalinginnaasunik tamanut saqqummiussisarnissamik pisussaaffiligaasut imm. 2-mi aamma 3-mi nalunaarneqartutut, kingusinnerpaamik tamanut saqqummiussinermut atatillugu neqeroorut nalinginnaasoq Atuisartoqarnermut Unammilleqatigiinnermullu Aqutsisoqarfimmut nassiutissavaa.</p> <p><i>Imm. 5.</i> Neqeroorut nalinginnaasoq taamaattoq minnerpaamik niuerfimmi aalajangiinerni pissutsit pillugit aalajangikkanik imaqassaaq, tak. § 23 i.</p> <p><i>Naatsorsuutini immikkoortitsisarnissamut pisussaaffik</i></p> <p>§ 23 m. Naatsorsuutitsigut immikkoortukkaartumik aaqqissuussinissamut pisussaaffeqarneq paasineqassaaq neqerooruteqartartut annerpaamik tigumminnittuusut internetimut appakaaffissaqartitsinermut tunngatillugu suliat aalajangersimasut</p>
--	--

	<p>immikkut naatsorsuusiornissai pisussaaffigaa.</p> <p><i>Imm. 2.</i> Nipangiussisussaaitaanermik malittarisassat, pisortani sulianik ingerlatsisarnermut inatsit aamma inummut tunngasunik paasissutissanut inatsit unioqqutinnagit Atuisartoqarnermut Unammilleqatigiinnermullu Aqutsisoqarfik naatsorsuutitut tunngasunik paasissutissat, tamatumani aamma isertitat, tamanut takusassiarisinnaavai.</p> <p><i>Akinik nakkutilliinermut pisussaaffik</i></p> <p>§ 23 n. Akinik nakkutillisussaanermik pisussaaffittut paasineqassaaq pisussaaffik neqerooruteqartut annerpaamik tigumminittuusut akinik aalajangersaasarnissamut piunasaqaatinik naammassinnittassat, § 23 i, imm. 1 naapertorlugu niuerfimmuut tunngatillugu aalajangigaq tunngavigalugu.</p> <p><i>Imm. 2.</i> Pisussaaffik imm. 1-imi eqqaaneqartut ittoq atortussannagortinneqarsinnaavoq niuerfiusunik misissuinerup ersersippagu neqerooruteqartartoq unammillernerup amigarnernik pissuteqartumik annerpaamik tigummisuusup akigititani piviusorsiunngitsumik qaffasissusillit atortiinnarsinnaagai, imaluunniit atuisartunut akornusiisumik akigititanik ”qerititsisimaguni”.</p> <p><i>Imm. 3.</i> Piunasaqaatinik aaqqissuussisarnerni imm. 1 naapertorlugu, neqerooruteqartup pisussaaffeqartup aningaasaliissutai isiginiarneqassapput, naammaginatumillu aningaasaliissutaanik erniortitsisoqarnissaa akuersaarneqassalluni,</p>
--	--

	<p>aningsaliinermi nalorninaatit ilaasut isiginiarlugit.</p> <p><i>Imm. 4.</i> Pisussaaffiliinermi imm. 1-imi eqqaaneqartutut ittuni qularnaarneqassaaq, aningaasartuutit matussusernissaannut isiginiagassat periaatsilluunniit akit aalajangersarnissaannut atorneqarsinnaasut naammassisaqarluarnissamik siunnerfeqassasut, aamma attanneqarsinnaasumik unammillertoqarnissaanik pilersitsissasut, atuisunullu amerlanerusunik iluaqutissarsisitsissasut.</p> <p><i>Imm. 5.</i> Elektroniskiusumik attaveqaqatigiissutit ataatsikkut aqqutinut kiffartuussinernut arlaqarnerusunut atorneqarpata, immikkoortukkaartumik isigalugit tamarmik ataasiakkaarlutik elektroniskiusumik attaveqaqatigiissutinut aningaasartuutaasunik taakkualuunniit ilaannik matussusiisussasut, taava Atuisartoqarnermut Unammilleqatigiinnermullu Aqutsisoqarfiup nioqqutit internetimut appakaaffissaqartitsissutaasut akissaannik aalajangiisarnermi, arlariinnit atorneqaraangata aningaasartuutaasut naapertuuttumik agguarneqartarnissaat isumagisassavaa, atorneqarneranut attuumassuteqartuni, nioqqutinik internetimut appakaaffissaqartitsissutaasunik neqerooruteqartartut akornanni.</p> <p><i>Imm. 6.</i> Neqerooruteqartartoq annerpaamik tigummisuusooq pisussaaffiligaappat akinik nakkutilliinissamut, takuuk imm. 1, neqerooruteqartartoq tamatumunnga atatillugu pisussaaffilerneqarsinnaavoq</p>
--	---

	<p> aningsartuutaasunik naatsorsuusiortarnermik atuinissaanik, akinik nakkutiginninnermut tapertatut. Tamatumunngalu atatillugu piumasaqaateqartoqarsinnaavoq neqerooruteqartartup aningaasartuutissanut naatsorsuusiortarneq atorineqartoq allaaserissagaa, tassanilu minnerpaatut aningsartuutininik immikkoortut pingaarnert arlariit aningsartuutininut katersuiffiusut ersersinneqassasut, aamma aningsartuutit agguarneqarneranni malittarisassat tunngaviusut, kikkunnit tamanit atorineqarsinnaalersillugit. <i>Imm. 7.</i> Neqerooruteqartoq annerpaamik tigummisuusooq neqerooruteqartartumut atasuunngitsumik pingajuusumik nakkutilliisitsissaaq aningsartuutaasunut naatsorsuusiat imm. 6 naapertorlugu suliarineqarsimasut, pisussaaffiliussaasimasut naapertorlugit suliaasut, taakkualu naapertuunnerat pillugu oqaaseqaateqassalluni. Atuisartoqarnermut Unammilleqatigiinnermullu Aqutsisoqarfiup naapertuuttuunerinut uppernarsaatit ukiumoortumik tamanut takusassiarisassavai. <i>Imm. 8.</i> Atuisartoqarnermut Unammilleqatigiinnermullu Aqutsisoqarfiup niuerfimmi aalajangiinerni tak. § 23 i maleruagassiussavai akinik nakkutilliinermi aqqissuussinerit periaaserineqartussat qanoq ittut atorineqassanersut. <p style="text-align: center;"><i>Aqqissuussamik immikkoortitseqqanissamut pisussaaffik</i></p> <p>§ 23 o. Aqqissuussamik</p> </p>
--	---

	<p>immikkoortitsinertut paasineqassaaq neqerooruteqartartoq annerpaamik tigummisuusoq nioqqutissiornermilu imaluunniit agguaaassisarfinni assigiinngitsut iluanni isumaginnittuusoq, niuerfiusumi nioqquit internetimut appakaaffissaqartitsissutaasut tulluartut amerlasuukkuutaarlugit tuniniarnerannut atatillugu ingerlatsivimmut arlaannaannulluunniit attuumassuteqanngitsumut isumagisassanngortissagaa.</p> <p><i>Imm. 2. Atuisartoqarnermut</i> Unammilleqatigiinnermullu Aqutsisoqarfik taamaallaat immikkut ittutigut neqerooruteqartartut annerpaamik tigumminnittuusunut suliat immikkoortisimaneqarnissaannik pisussaaffiliisinnaavoq, imaappat:</p> <p>1) Atuisartoqarnermut Unammilleqatigiinnermullu Aqutsisoqarfiup nalilersuinermit atatillugu, takuuk § 23, g, paasippagu nioqquit internetimut appakaaffissaqartitsissutaasut tulluartut amerlasuukkuutaarlugit tuniniarnerannut atatillugu pingaaruteqartunik ataavartunillu unammilleqatigiinnermi ajornartorsiuteqartoq imaluunniit niuerfimmi ajutoortoqartoq, aamma</p> <p>2) Atuisartoqarnermut Unammilleqatigiinnermullu Aqutsisoqarfiup nalilerpagu pisussaaffiit § 23 i, imm. 2, nr. 1-5 naapertorlugit tunniunneqarsimasut unammilleqatigiinnermik naammaginartumik pilersitsisimanngitsut.</p> <p><i>Imm. 3. Ingerlatsinerit</i> immikkoortisimaneqarnissaannut</p>
--	---

	<p>pisussaaffik makkuninnga imaqarsinnaavoq:</p> <ol style="list-style-type: none"> 1) Immikkoortortoqarfinnik naleqquttunik ingerlatsivittut namminersortunngortillugit immikkoortitsineq. 2) Ingerlatsiviup ingerlataanik aamma nioqqutaanik imaluunniit kiffartuussinerinik ingerlatsivimmit tassannga isumagineqartussanik immikkoortitsineq. 3) Tigussaasumik sulisunik aamma pisortanik sulisut pisortallu sinneriniit immikkoortitsineq. 4) Ingerlatap iluani nakkutilliissutinik aaqqissuussanik pilersitsineq, ingerlatseqatigiiffiup immikkoortitsisumik ingerlatsinnginnissaanut anguniagaasunik isumaginnittussanik. 5) Aaqqissuussaannikkut iliuusissanik pilersitsineq, ingerlatsivimmi immikkoortitami sulisuusut pituttorsimannginnissaannik qularnaarisussamik, aaqqissuussaanerlu kajujuummisitsisussaq tassunga tulluarsagaq. 6) Pisussaaffiit naammassineqarnissaannut qularnaarisussanik illup iluani atugassamik ilitsersuusiorneq. 7) Ingerlatsinerit akimut ersittuunissaannik qularnaarisumik illup iluani atugassamik ilitsersuusiorneq, minnerunngitsumik soqutiginnitsinut allanut atatillugu. <p style="text-align: center;"><i>Nakkutilliineq il.il.</i></p> <p>§ 23 p. Atuisartoqarnermut Unammilleqatigiinnermullu Aqutsisoqarfik nakkutilliisuvoq malittarisassat kapitalimi uani pineqartut eqqortinneqarnissaannut, aamma malittarisassat kapitali una naapertorlugu suliaasut</p>
--	---

	<p>eqqortinneqartarnissaannut.</p> <p><i>Internetimut appakaaffissaqartitsinissamik noqqaassutit naleqquttut aamma peqatigiilluni ataatsimut atuisitsisinnaatitsineq</i></p> <p>§ 23 q. Atuisartoqarnermut Unammilleqatigiinnermullu Aqutsisoqarfik aalajangiisinaavoq pisumi aalajangersimasumi naleqquttumik internetimut appakaaffissaqartitsinissamik imaluunniit peqatigiilluni ataatsimut atuisitsisinnaatitsinissamik imaluunniit atuuttup allanngortinnissaanut noqqaasoqarnermaq pillugu, § 23 a, imm. 2 imaluunniit § 23 i naapertorlugu.</p> <p><i>Imm. 2.</i> Qinnuteqaat attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartumit tunniunneqarsimassaaq, § 23 b, imm. 2-mi pineqartuni piunnaqarsinnaasumit imaluunniit ilaasumit.</p> <p><i>Imm. 3.</i> Atuisartoqarnermut Unammilleqatigiinnermullu Aqutsisoqarfiup imm. 1 tunngavigalugu aalajangiineri sapinngisamik sukkanerpaamik pisassapput, sapinngisamillu kingusinnerpaamik qaammatit sisamat qaangiunneranni, attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartup suliasamik Atuisartoqarnermut Unammilleqatigiinnermullu Aqutsisoqarfimmut</p>
--	--

	<p>suliassanngortitsineraniit, imaluunniit suliap allatigut akerleriissutaasunik suliaqartarnermut imm. 4 naapertorlugu suliassanngortinneqarneraniit.</p> <p><i>Imm. 4.</i> Atuisartoqarnermut Unammilleqatigiinnermullu Aqutsisoqarfik imm. 1 naapertorlugu aalajangiinissamut taarsiullugu aalajangersinnaavoq internetimut appakaaffissaqartitsinissamik aamma peqatigiilluni ataatsimut atuisitsisinnaatitsinissamik isumaqatigiissuteqarnissamut imaluunniit allannguinnissamut naleqquttumik noqqaassuteqarnerusoq pillugit pisuni aalajangersimasuni suliap, allatigut akerleriissutaasut suliarineqartarnerinut malittarisassat naapertorlugit suliassanngortinneqassasoq, nalilerneqarpat akerleriissutaasup aaqqiissutissarsinissaanut tamanna naleqqunnerusoq. Naalakkersuisut akerleriissutaasut suliarineqartarneri pillugit ersarinnerisunik malittarisassiussapput.</p> <p><i>Imm. 5.</i> Suliami imm. 1-imi ilaasumi imm. 3-lu naapertorlugu akerleriissutaasut suliarineqartarnerannut malittarisassat naapertorlugit suliassanngortinneqarsimasumi attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut ilaat ataatsip peqataasup noqqaassutigippagu</p> <p>Atuisartoqarnermut Unammilleqatigiinnermullu Aqutsisoqarfiup imm. 1 naapertorlugu suliaq aalajangiiffigissavaa.</p> <p style="text-align: center;"><i>Aalajangiigallarnerit il.il.</i></p>
--	--

	<p>§ 23 r. Atuisartoqarnermut Unammilleqatigiinnermullu Aqutsisoqarfik kapitali una imaluunniit malittarisassiat taanna naapertorlugu suliamik ingerlatsinermini paasissutissanik atortussanilluunniit piumasarisimasaminik tigusinngikkuni, takuuk § 30, taava paasissutissat pigineqartut tunngavigalugit aalajangiisinnaavoq.</p> <p><i>Imm. 2.</i> Atuisartoqarnermut Unammilleqatigiinnermullu Aqutsisoqarfik suliamik attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnet tamanut neqerooruteqartartut akornanni internetimut appakaaffissaqartitsinissaq aamma peqatigiilluni ataatsimut atuisitsisinnaatitsinissaq pillugu ingerlatsinerminut atatillugu suliami akuusut susassaqartut arlaanniit qinnuteqartoqarnera tunngavigalugu aalajangiiffigisinnaavaa: internetimut appakaaffissaqartitsinissaq imaluunniit peqatigiilluni ataatsimut atuisitsisinnaatitsinissaq aallartinneqarallassoq, ingerlanneqaannassoq imaluunniit aallarteqqinneqassasoq, kiisalu atugassarititaagallartussanik aamma akiusussanik aalajangiilluni.</p> <p><i>Imm. 3.</i> Atuisartoqarnermut Unammilleqatigiinnermullu Aqutsisoqarfiup imm. 2 naapertorlugu aalajangiigallarnej allanngortissinnaavaa.</p> <p><i>Imm. 4.</i> Inaarutaasumik isumaqatigiissutaasussamik isumaqatigiissuteqartoqarpat, aalajangiigallarnej atorunnaassaaq, isumaqatigiissutip atortuulerfianiit.</p>
--	---

	<p><i>Imm. 5.</i> Inaarutaasumik aalangiisoqarpat, akiusut imm. 2 aamma 3 naapertorlugit aalajangerneqarsimasut iluarsiivigineqassapput, taamaasilluni attaveqaatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut ima atugassaqartinneqalissallutik inaarutaasumik aalajangiineq aalajangiigallarnerup atortuulerneraniit atortinneqalissalluni. Akiusunik kingumoortumik iluarsiiisuteqarnermi erniatigut annaasat annikinngitsut ilanngullugit isiginiarneqarsinnaapput.</p> <p><i>Imm. 6.</i> Attaveqaatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq uppersaatissanik naammattunik saqqummiisimangippat, taamaattumillu aalajangiinerugallartumik aalajangiisoqartariaqarsimappat, takuuk imm. 2, imaluunniit pissutsit atuuttut tunngavigalugit aalajangiisoqarsimappat, takuuk, imm. 1, imm. 5 apequtaatinnagu akiusunik kingumoortumik aaqqiissuteqartoqassaaq, kingumoortumik aaqqiissuteqarneq suliaqartuni pingajuusumut iluaqtissaappat”.</p>
<p>§ 30. Unammilleqatigiinnermut Ataatsimiititaliap paasissutissat pissutsit Inatsisartut inatsisaanni aalajangersakkani pineqartunut ilaanersut naliliinissamut pisariaqartut tamaasa piumasarisinnaavai.</p> <p><i>Imm. 2.</i> Unammilleqatigiinnermut Ataatsimiititaliap ilanngullugu naatsorsuutit, naatsorsuutininut najoqqutassat, atuakkanit</p>	<p>2. § 30-mi <i>imm. 3</i>-nngorlugu ikkunneqassaaq:</p> <p>”<i>Imm. 3.</i> Imm. 1-imi paasissutissat taaneqartut Atuisartoqarnermut Unammilleqatigiinnermullu Aqutsisoqarfiup Sverigemi, Norgemi, Islandimi, Finlandimi, Savalimmiuni Danmarkimilu unammilleqatigiinnermik</p>

<p>pappialanngortitat, niuernermi pappiaqqat allat aamma nalunaarsuutit elektroniskimik toqqortarineqartut saqqummiunneqarnissaat piumasarisinnaavaa.</p>	<p>oqartussanut ikiuinermini atornissai aamma piumasarineqarsinnaapput, oqartussat taakku namminneq nunaminni unammilleqatigiinneq pillugu malittarisassanik atuinissaat siunertaralugu.”</p>
<p>§ 31. Atuisartoqarnermut Unammilleqatigiinnermullu Aqutsisoqarfik Unammilleqatigiinnermut Ataatsimiititaliap suliaqarneranut atugassanik nakkutiginnilluni misissuisinnaavoq, Atuisartoqarnermut Unammilleqatigiinnermullu Aqutsisoqarfiup suliffeqarfiup imaluunniit kattuffiup inaataannut aamma assartuussissutaanut paasissutissanik sunilluunniit ilisimannilernissaq imaluunniit assilinerinik tigusinissaq siunertaralugu isersinnaalernissamik kinguneqartumik, ilanngullugit naatsorsuutit, naatsorsuutinut najoqqutassat, atuakkat allallu niuernermi pappiaqqat, paasissutissanut saqqummersitsiviusup ilusaa apeqqutaatinnagu. Nakkutiginnilluni misissuinermit atatillugu Atuisartoqarnermut Unammilleqatigiinnermullu Aqutsisoqarfiup ilisimannilernissaa aammalu pisariaqarpat taakkua assilinerinik tigusisinnaanissaa siunertaralugu, Atuisartoqarnermut Unammilleqatigiinnermullu Aqutsisoqarfiup oqaasiinnartigut nassuiaanissaq piumasarisinnaavaa, kiisalu inuit nakkutiginnilluni misissuinermi pineqartunut ilaasut kaasarfimmik, taskimik ilaalu ilanngullugit imaani takutitsinissai piumasarisinnaallugu. <i>Imm. 2.</i> Suliffeqarfiup imaluunniit kattuffiup paasissutissaatai avataani</p>	<p>3. § 31-mi <i>imm. 3</i>-ip kingorna nutaatut ikkunneqassaaq: ”<i>Imm. 4.</i> Atuisartoqarnermut Unammilleqatigiinnermullu Aqutsisoqarfik Sverigemi, Norgemi, Islandimi, Finlandimi, Savalimmiuni Danmarkimilu unammilleqatigiinnermik oqartussanut ikiuiniarluni nakkutilliilluni misissuisinnaavoq, oqartussat taakku namminneq nunaminni unammilleqatigiinneq pillugu malittarisassanik atuinissaannut tunngatillugu. Taamatuttaaq § 32-imi malittarisassat atortinneqassapput.” <i>Imm. 4 imm. 5</i>-inngortinneqassaaq.</p>

<p>qarasaasiamik suliaqartartumi paarineqarpata imaluunniit suliarineqarlutik, Atuisartoqarnermut Unammilleqatigiinnermullu Aqutsisoqarfik paasissutissanik ilisimannilernissaq aammalu assilinerinik tigusinissaq siunertaralugu avataaneersumut qarasaasiamik suliaqartartumut isersinnaalersinnaavoq. Iisersinnaalernissamut tunngaviussaaq Atuisartoqarnermut Unammilleqatigiinnermullu Aqutsisoqarfik paasissutissanik pineqartunit toqqaannartumik suliffeqarfimmit imaluunniit kattuffimmit nakkutiginnilluni misissuiffigineqartunit pissarsisinaanera ajornartoq. <i>Imm. 3.</i> Imm. 1 malillugu misissuiner mut atatillugu paasissutissanik sunilluunniit ilisimannilernissaq aammalu assilinerinik tigusinissaq siunertaralugu Atuisartoqarnermut Unammilleqatigiinnermullu Aqutsisoqarfik sulisut namminneerlutik angerlarsimaffiini misissuiniarluni isersinnaalersinnaavoq, ilanngullugit naatsorsuutit, naatsorsuutinut najoqqutassat, atuakkat allallu niuerner mi pappiaqqat, paasissutissanut saqqummersitsiviusup ilusaa apeqquataatinnagu. <i>Imm. 4.</i> Atuisartoqarnermut Unammilleqatigiinnermullu Aqutsisoqarfiup imm. 1-3 malillugit nakkutilliilluni misissuineri taamaallaat Kalaallit Nunaanni Eqqartuussivinnit eqqartuussinermi aalajangiinermik piniareernerup kingorna aammalu peqqissaartumik kinaassutsimut uppersaammik takutitsilluni pisinnaavoq.</p>	
	<p>4. § 33 ima oqaasertalerneqassaaq:</p>

<p>§ 33. Politiit Atuisartoqarnermut Unammilleqatigiinnermullu Aqutsisoqarfik § 31, imm. 1-3 aamma § 32, imm. 1-3-mi pisinnaatitsissutit naapertorlugit suliaqarnerani ikiortassavaat.</p>	<p>” Politiit Atuisartoqarnermut Unammilleqatigiinnermullu Aqutsisoqarfik § 31, imm. 1-3 aamma § 32, imm. 1-4-mi pisinnaatitsissutit naapertorlugit suliaqarnerani ikiortassavaat.”</p>
<p>§ 35. Unammilleqatigiinnermut Ataatsimiititaliap Inatsisartut inatsisaat malillugu aalajangiineri allaffissornikkut oqartussaasumut allamut suliakkiissutigineqarsinnaanngillat. <i>Imm. 2.</i> Unammilleqatigiinnermut Ataatsimiititaliap Inatsisartut inatsisaat malillugu aalajangiineri Kalaallit Nunaata Eqqartuussivianut siullertut oqartussaasumut suliakkiissutigineqarsinnaapput. <i>Imm. 3.</i> § 24, imm. 4 malillugu aalajangiinerit suliakkiissutigineqarneri, kinguartitsinermik sunniuteqassapput. Aalajangiinernik allanik suliakkiissuteqarnerit Unammilleqatigiinnermut Ataatsimiititaliamit imaluunniit Kalaallit Nunaata Eqqartuussivianit kinguartitsinermik sunniuteqartinneqarsinnaapput.</p>	<p>5. § 35, imm. <i>Ima oqaasertalerneqassaaq:</i> ”Unammilleqatigiinnermi Ataatsimiititaliap aamma Atuisartoqarnermut Unammilleqatigiinnermullu Aqutsisoqarfiup Inatsisartut inatsisaat malillugu aalajangiineri allaffissornikkut oqartussaasumut allamut suliakkiissutigineqarsinnaanngillat.”</p>
<p>§ 38. Akileeqquisissummik pineqaatissinneqarsinnaavoq piaaraluni imaluunniit sakkortuumik mianersuaalliorluni: 1) § 6, imm. 1-imik unioqqutitsisoq, 2) piumasamik § 8, imm. 3, oqaaseqatigiit pingajuat naapertorlugit nalunaarutigineqartumik unioqqutitsisoq imaluunniit malinninngitsoq, 3) § 11, imm. 1-imik unioqqutitsisoq, 4) § 12, imm. 1 naapertorlugu peqqusissummik unioqqutitsisoq imaluunniit</p>	<p>6. § 38 ima oqaasertalerneqassaaq: ” Piaarinaatsoorluni imaluunniit mianersuaalliorujussuarluni ukunuunatigut unioqqutitsisoq akiliisitaasinneqarsinnaavoq: § 6, imm. 1-imik unioqqutitsisoq, piumasamik § 8, imm. 3, imm. 3-at naapertorlugu nalunaarutigineqartumik unioqqutitsisoq imaluunniit naalanngitsoq, § 11, im. 1-imik unioqqutitsisoq, § 12, imm. 1 naapertorlugu peqqusissummik unioqqutitsisoq imaluunniit naalanngitsoq,</p>

<p>malinninngitsoq, 5) § 13, imm. 1 naapertorlugu inerteqquteqarnermik eqqortitsinngitsoq, 6) § 17, imm. 1 naapertorlugu kattunermik nalunaarutiginninngitsoq, 7) § 19, imm. 2 naapertorlugu kattunnissamut inerteqqusineq eqqortinnagu kattunermik piviusunngortitsisoq, § 19, imm. 5, imm. 1-at naapertorlugu kattunnissap akuerineqannginnerani piviusunngortinnissaanut inerteqqummik unioqutitsisoq, § 19, imm. 6, imaluunniit § 21, imm. 1 imaluunniit imm. 3 naapertorlugu piumasamik imaluunniit peqqusummik naalanngitsoq, imaluunniit § 23 naapertorlugu peqqusummik naalanngitsoq, 8) § 28 malillugu peqqusissummik unioqutitsisoq imaluunniit malinninngitsoortoq, 9) neriorsuummik § 29, imm. 1 malillugu saneqqunneqarsinnaanngitsinneqartumik unioqutitsisoq imaluunniit malinninngitsoortoq, 10) § 29, imm. 2 malillugu peqqusissummik unioqutitsisoq imaluunniit malinninngitsoortoq, 11) § 30 malillugu piunasaqaammik malinninngitsoortoq, imaluunniit 12) paasissutissanik eqqunngitsunik imaluunniit uukapaatitsisunik Unammilleqatigiinnermut Ataatsimiititaliamut imaluunniit Atuisartoqarnermut Unammilleqatigiinnermullu Aqutsisoqarfimmut tunniussisoq imaluunniit paasissutissanik suliamut paasissutissanik piniarfigineqarsimasumut pingaaruteqartunik nipangiussiinnartoq. Imm. 2. Imm. 1, nr. 1, piffissamit</p>	<p>§ 13, imm. 1 naapertorlugu inerteqqummik eqqortitsinngitsoq, § 17, imm. 1 naapertorlugu kattunermik nalunaarutiginninngitsoq, § 19, imm. 2 naapertorlugu kattunnissamut inerteqqusineq eqqortinnagu kattunermik piviusunngortitsisoq, § 19, imm. 5, imm. 1-at naapertorlugu kattunnissap akuerineqannginnerani piviusunngortinnissaanut inerteqqummik unioqutitsisoq, § 19, imm. 6, imaluunniit § 21, imm. 1 imaluunniit imm. 3 naapertorlugu piumasamik imaluunniit peqqusummik naalanngitsoq, imaluunniit § 23 naapertorlugu peqqusummik naalanngitsoq, § 23 c-mik unioqutitsisoq, § 23 i, imm. 2, nr. 2 aamma 3-mi allassimasutut pisussaaffimmik § 23 i, imm. 1 naapertorlugu aalajangerneqarsimasoq naapertorlugu neqerooruteqartartumut pisussaaffiliunneqarsimasumik malinninngitsoq,) § 28 naapertorlugu peqqusummik unioqutitsisoq imaluunniit naalanngitsoq,) neriorsuummik § 29, imm. 1 naapertorlugu unioqutinneqassanngitsumik unioqutitsisoq imaluunniit naalanngitsoq,) § 29, imm. 2 naapertorlugu peqqusummik unioqutitsisoq imaluunniit naalanngitsoq,) § 30 naapertorlugu piunasaqaammik naalanngitsoq, imaluunniit) Unammilleqatigiinnermut ataatsimiititaliamut imaluunniit Atuisartoqarnermut Unammilleqatigiinnermullu Aqutsisoqarfimmut paasissutissanik eqqunngitsunik imaluunniit tammartitsisunik tunniussaartoq</p>
--	---

<p>isumaqatigiissutip, suliffeqarfiit kattuffiata iluani akuersinerup imaluunniit suleriaatsip ataqatigiissitap § 8, imm. 1 imaluunniit imm. 4 malillugit Unammilleqatigiinnermut Ataatsimiititaliamut nalunaarutigineqarneranit, aammalu Unammilleqatigiinnermut Ataatsimiititaliap § 8, imm. 1 imaluunniit imm. 4 malillugit aalajangiinnerminik nalunaaruteqarnissaa tikillugu atuutissanngilaq.</p> <p><i>Imm. 3.</i> Peqqussutini Inatsisartut inatsisaat manna malillugu aalajangersarneqartuni iliuusissanik aalajangersaasoqarsinnaavoq Kalaallit Nunaanni pinerluttulerinermut inatsit malillugu akileeqqusissutitut iluseqartunik.</p> <p><i>Imm. 4.</i> Inatsisartut inatsisaat imaluunniit peqqussutit Inatsisartut inatsisaat malillugu aalajangersarneqartut akileeqqusissummik aalajangersaanissamik tunngavissaqartitsippata, akileeqqusissut Kalaallit Nunaanni pinerluttulerinermut inatsimmi maleruagassat malillugit pisussaataasooq pisinnaatitaasorlu akileeqqusissummik pisussaaffilerneqarsinnaavoq.</p> <p><i>Imm. 5.</i> Akileeqqusissutit imm. 1 aamma imm. 3-4 malillugit pisussaaffiliunneqartut Nunap karsianut tutsinneqassapput.</p> <p><i>Imm. 6.</i> Unioqqutitsineq piaarineruppat aammalu pingaartumik unioqqutitsinerup annertussusaa imaluunniit ajoqusii sumik sunniuteqarnera malitseqarsinnaasoq tunngavigalugit sakkortuumik iliorneruppat, § 6, imm. 1-imut akerliusumik niuernikkut unammilleqatigiinnermik annikillisitsisumik isumaqatigiissuteqartumut iliuusissat Kalaallit Nunaanni pinerluttulerinermut inatsit malillugu</p>	<p>imaluunniit suliamut paasissutissarsiorfigisamut paasissutissat pingaartut nipangiunneqarpata.</p> <p><i>Imm. 2.</i> Imm. 1, nr. 1, isumaqatigiissuteqarnermiit, suliffeqarfiit kattunnerisa imaluunniit sulisaatsit ataatsimut aaqqissuunnerisa akuerineqarneranniit § 8, imm. 1, imaluunniit imm. 4 naapertorlugu Unammilleqatigiinnermut ataatsimiititaliamut nalunaarutigineqarneraniit Unammilleqatigiinnermullu ataatsimiititaliap § 8, imm. 1, imaluunniit imm. 4 naapertorlugu aalajangiinissaata tungaanut atortinneqassanngilaq.</p> <p><i>Imm. 3.</i> Inatsisartut inatsisaat manna naapertorlugu najoqqutassiani Kalaallit Nunaanni pinerluttulerinermut inatsit naapertorlugu akiliisitsisoqarsinnaavoq.</p> <p><i>Imm. 4.</i> Inatsisartut inatsisaat imaluunniit Inatsisartut inatsisaat naapertorlugu najoqqutassiani akiliisitsinissamik tunngavissaqartitsippat akiliisitsineq Kalaallit Nunaanni pinerluttulerinermut inatsimmi malittarisassat naapertorlugit inatsisitigut inuttut naatsorsuussamut akiligassanngortinneqarsinnaavoq.</p> <p><i>Imm. 5.</i> Imm. 1 aamma imm. 3-4 naapertorlugit akiliisitsinerit Landskarsimut nakkartinneqassapput.</p> <p><i>Imm. 6.</i> Kalaallit Nunaanni pinerluttulerinermut inatsit naapertorlugu pineqaatissiisoqarsinnaavoq § 6, imm. 1-imut akerliusumik unammilleqatigiinneq millisillugu niuernikkut isumaqatigiissuteqartoqarpat, unioqqutitsineq siunertaqartumik pisimappat ingasallunilu, ingammik</p>
---	---

<p>aalajangersarneqarsinnaapput.</p> <p>Oqaaseqatigiit siulliit malillugit niuernikkut unammilleqatigiinnermik annikillisitsisumik isumaqatigiissuteqarneq paasineqassaaq tassaasoq isumaqatigiissut, suleriaaseq ataqatigiissitaq imaluunniit suliffeqarfiit assigiimmik kaaviiartitatigut inissisimasut akornanni akuersinerit makkua pillugit:</p> <ol style="list-style-type: none"> 1) tunisinermit imaluunniit nioqqutissanik imaluunniit kiffartuussissutinik tuniseqqinnermi akiusut, iluanaarutit assigisaalluunniit, 2) tunisassiornermi imaluunniit tunisinermi killilersuutaasut, 3) niuerfinnik imaluunniit sullitanik agguluineq, imaluunniit 4) neqeroorutinik ataqatigiissaarineq. <p><i>Imm. 7. § 6, imm. 1-imut akerliusumik, immikkut sukannersunik pisoqartillugu immikkut annertussuseqartumik niuernikkut unammilleqatigiinnermik annikillisitsisumik isumaqatigiissuteqartut, Kalaallit Nunaanni pinerluttulerinermit inatsit malillugu iliuseqarfigineqarsinnaapput. Immikkut sukannersumik pisoqarneri pingaartumik unioqqutitsineq annertoorujussuarmik annertussuseqarluni imaluunniit annertoorujussuarmik ajoqusiinermik malitseqarsinnaalluni pisutut isigineqarpoq.</i></p>	<p>unioqqutitsinerup annertussusia imaluunniit ajoqusiinerit kingunerisinnaasai peqqutigalugit. Imm. 1 naapertorlugu unammilleqatigiinneq millisillugu niuernikkut isumaqatigiissuteqarneq paasineqassaaq isumaqatigiissut, sulisaatsit ataatsimut aaqqissuunneri imaluunniit suliffeqarfiit akornanni kaaviiartitaqarfimmi assigiinni makku pillugit akuersineq:</p> <p>akit, iluanaarutit assigisaalluunniit nioqqutit kiffartuussissutilluunniit tunineqarnerannit imaluunniit tuneqqinneqarnerannit pisut, nioqqutissiornerup tunisaqarnerulluunniit killilersorneri, niuerfinnik atuisunilluunniit immikkoortiterineq, imaluunniit neqeroorutinik ataqatigiissaarineq.</p> <p><i>Imm. 7. § 6, imm. 1-imut akerliusumik pissutsit immikkut sakkortunerusut atorlugit unammilleqatigiinneq millisillugu niuernikkut immikkut ingasaassamik isumaqatigiissuteqartoq Kalaallit Nunaanni pinerluttulerinermit inatsit naapertorlugu pineqaatissinneqarsinnaavoq. Pissutsinut immikkut sakkortunerusunut ingammik ilaatinneqarpoq unioqqutitsineq annertoq imaluunniit annertuumik ajoqusiinermik kinguneqartitsisinnaasoq.”</i></p> <p><i>Imm.8. Suliffeqarfinnut pineqaatissiissutitut akiliisitsissutit annertussusilerinerini uku aallaavigineqassapput:</i></p> <ol style="list-style-type: none"> 1) aningaasaqarnikkut iluanaarutit anguneqarsimasut imaluunniit anguniarneqartut, taakku naatsorsorneqarsinnaappata, 2) unioqqutitsinerup annertussusaa, 3) unioqqutitsinerup sivisussusaa aamma
--	--

	4) suliffeqarfiup kaaviiartitai.”
<p style="text-align: center;"><i>Attaveqaatinik ataatsumut atuineq</i></p> <p>§ 6. Naalakkersuisut akuersissummik pigisaqartup kiffartuussissutinik tuniniagaqartunit attaveqaatinik ataatsimut atuinissamik qinnuteqaatinik naammaginatunik tamanik akuersissuteqartussaaitaananut maleruagassiorsinnaapput. Attaveqaatinik ataatsimut atuinertut isigineqartut ilaatigut tassaapput:</p> <p>1) Akuersissummik pigisaqartup attaveqaatit kiffartuussinerillu pigisai atorlugit attaveqaqatigiinneq.</p> <p>2) Attaveqarnernik aqqusaartunik allat attaveqaataannut kiffartuussinerinullu ingerlatitseqqittarnerit.</p> <p>3) ataatsimut atuinissamut piunasaqaatit immikkut ittut tunngavigalugit akuersissummik pigisaqartup attaveqaataanik pingaarnermik atuineq.</p> <p>4) ataatsimut atuinermut atatillugu akuersissummik pigisaqartup illuutaanut iserneq.</p> <p>Imm. 2. Ataatsimut atuinissamik isumaqatigiissutit niuernerpalaartumik isumaqatigiissutitut suliamut akuusut akornanni isumaqatigiissutigineqartassapput. Isumaqatigiissutit immikkoortitsiviussanngillat. Isumaqatigiissutit tamanut ammasumik saqqummiunneqassapput.</p> <p>Imm. 3. Suleqataasuni minnerpaamik ataatsip qinnuteqarneratigut ataatsimut atuinissamik qinnuteqaat naammaginarsorq, aammalu</p>	<p style="text-align: center;">§ 2</p> <p>Nalunaarasuartaatitsigut atassuteqarneq nalunaarasuartaatitsigullu kiffartuussinerit pillugit Inatsisartut peqqussutaanni nr .17, 20. november 2006-imeersumi imaattunik allannguuteqartitsisoqassaaq:</p> <p>§ 6 atorunnaarsinneqassaaq</p>

<p>akuersissummit pigisaqartumit akuerineqarsinnaanersoq nalunaarasuartaateqarnermi aqutsisunit aalajangerneqassaaq. Nalunaarasuartaateqarnermi aqutsisut illuatungeriit isumaqatigiisummik niuerpalaartumik isumaqatigiissuteqarsinnaanngippata imaluunniit akit piumasaqaatillu isumaqatigiissutigineqartut naammaginatutut isigineqanngippata akinik piumasaqaatinillu aalajangersaasinnaapput. Imm. 4. Naalackersuisut akuersissummik pigisaqartup attaveqaatinik ataatsimut atuinermik sullissinermik killilersuisinnaaneranut imaluunniit kipititsisinnaaneranut maleruagassiorsinnaapput, tassunga ilanngullugu nalunaarasuartaatitigut aqutsisut akuersiteqqaarnagit kipititsisinnaannginneq. Imm. 5. Attaveqaatinik ataatsimut atuinissamut isumaqatigiissut killilerneqarsinnaavoq kipitinneqarsinnaallunuunniit, ingerlatsinermi akornusersuinernik imaluunniit upalungaarsimanermik pisoqarpat.</p>	
<p><i>Nalunaarasuartaateqarnermi aqutsisut</i> <i>Nalunaarasuartaateqarnermi aqutsisunik</i> <i>(Telestyrelsen) pilersitsineq aqutsisullu</i> <i>suliassaat</i> § 11. Naalackersuisut nalunaarasuartaateqarnermi aqutsisunik pilersitsisinnaapput, aammalu nalunaarasuartaateqarnermi aqutsisunut</p>	<p>§ 11, imm. 2, nr. 5 aamma 6 atorunnaarsinneqarput Nr. 7-9 taamaasillutik tassaalissapput nr. 5- 7.</p>

suliassanngortitassat pillugit aalajangersaasinnaallutik.

Imm. 2. Nalunaarasuartaateqarnermi aqutsisut nalunaarasuartaatitigut atassuteqarnermi ilaatigut suliassaraat:

1) Naalackersuisunut siunnersuisarneq.
2) Ineriartornermik nakkutilliineq, tassunga ilanngullugu kisitsisitigut paasissutissanik katersineq.

3) Inatsisissanik siunnersuusiorneq.

4) Piumasaqaatissanik akinillu siunnersuusiorneq.

5) Akuersissummik pigisaqartup, pilersuisussaataanerup iluani kiffartuussissutitik sullissisup kiisalu nalunaarasuartaateqarnermi sullissisut aalajangiineri pillugit maalaarutitik suliaqarneq.

6) Attaveqaatinik ataatsimut atuinissamik isumaqatigiissutini piumasaqaatit akillu pillugit suliaqarneq, tak. § 6.

7) Akuersissummik, pilersuisussaataanermik sullissisunillu allanik nakkutilliineq.

8) Peqqussut taannalu naapertorlugu maleruagassatut piumasaqaatitullu aalajangersakkat malinneqarnissaannik nakkutilliineq.

9) Nunani tamalaani aaqjissuussanut atassuteqarnernik isumagisaqarneq.

Imm. 3. Aammattaaq nalunaarasuartaateqarnermi aqutsisut radiukkut atassuteqarneq ingerlatarissavaat.

Imm. 4. Nalunaarasuartaateqarnermi aqutsisut imm. 2, nr. 5 aamma 6 naapertorlugu aalajangigaat Naalackersuisunut

suliakkiissutigineqarsinnaanngillat.

Imm. 5. Naalackersuisut suliassat imm. 2-mi

<p>3-milu taaneqartut saniatigut suliassanik allanik nalunaarasuartaateqarnermi aqutsisunut suliakkiisinnaapput.</p>	
<p><i>Naatsorsuutininut tunngasut</i> § 15. Naalakkersuisut aalajangersinnaapput akuersissummik pigisaqartup suliassat ingerlatseqatigiiffimmi eqqartuussisutigoortumik attuumassuteqanngitsumik sularineqaraluarpata naatsorsuusiornissamut piunasaqaatit assinginik piunasaqaateqarfiusumik suliassanut nalunaarasuartaatigut kiffartuussinernik tuniniagaqarnermut attuumassuteqartunut immikkut naatsorsuusiussanersut. <i>Imm. 2.</i> Naalakkersuisut imm. 1 naapertorlugu naatsorsuutininik saqqummiussisarneq pillugu maleruagassiorsinnaapput.</p>	<p>§ 15 atorunnaarsinneqarpoq</p>
	<p>§ 3 Inatsisartut inatsisaat atortuulissaaq ulloq 1. januaari 2018.</p>

3. Pisortanut aningaasaqarnikkut allaffissornikkullu kingunerisassai

Siunnersuut Atuisartoqarnermut Unammilleqatigiinnermullu Aqutsisoqarfimmut atatillugu atortuulersitsinermit aningaasartuutitaqartussaavoq. Naatsorsuutigineqarpoq suliaraqfik taanna nutaaq Atuisartoqarnermut Unammilleqatigiinnermullu Aqutsisoqarfimmi inatsisilerituup ukiumut sularisinnaasaanik pisariaqartitsissasoq ilutigalugulu malittarisassat nutaat nalunaarasuartaatilerinermik suliallit unammilleqatigiinnermut tunngatillugu eqqartuussisarnikkut malittarisaliorneranni naammassiuminarsaneq qularnaassavaat, tamatumalu sulianik ingerlatsisarneq kinguneqarluarnerulersissavaa. Malittarisassat atulersinneqarnerannut atatillugu aningaasartuutissat kontomi pingaarnermi 62.30.01-imi

Atuisartoqarnermut Unammilleqatigiinnermullu Aqutsisoqarfimmut aningaasat akuersissutit killiligaasut iluannit akilerneqassapput.

4. Inuussutissarsiortunut aningaasarsiornikkut allaffissornikkullu kingunerisassai

Naatsorsuutigineqarpoq siunnersuut annertunngitsunik inuussutissarsiortunut aningaasarsiornikkut aamma allaffissornikkut kinguneqassasoq. Malittarisassat nalunaarasuartaateqarnermik peqqussummi atuuttumi peqatigiilluni ataatsimut atuisitsinnaatitsineq pillugu malittarisassat taarsissavai, suliaqarfimmik naammaginartumik aqutsisinnaasimannngitsutut paasineqarsimasut. Malittarisassat nutaat ingerlaatsinik naammassiuminarsaassapput, tamannalu inuussutissarsiutinik ingerlataqartunut oqinnerulersitsisinnaassangatinneqarluni.

Atuisartoqarnermut Unammilleqatigiinnermullu Aqutsisoqarfiup nalilerpagu, unammillernikkut ajornartorsiutaasoq niuerfimmi aalajangersimasumi aaqqiivigineqarsinnaannngitsoq pisussaaffilersuinikkut tunngaviusunik aalajangersakkanik, attaveqatigiinnermi niuerfimmik annertuumik tigumminnittunut atatillugu pisussaaffiliisunik, Atuisartoqarnermut Unammilleqatigiinnermullu Aqutsisoqarfiup inatsisissatut siunnersuut naapertorlugu, niuerfimmik tigumminnittumut ingerlatat avissaartisimanissaannut pisussaaffiliisinnaavoq. Allaffissornikkut aamma aningaasaqarnikkut nammatassat niuerfimmik tigumminnittumut qanoq annertutiginiisaannut apeqqutaassapput pisussaaffiliussat niuerfimmut tunngatillugu aalajangiinnermiittut. Imarisaat qanoq ittuunersut apeqqutaalluni tassaasinnaapput nuunnermut, ingerlatseqatigiiffimmik pilersitsinermut aammalu attaveqaasersuinermi atortorissaarusersuinermut nammagassat. Piumasaqaatinik aalajangersimasunik nalunaarsuisoqarpoq naammassineqartussanik, Atuisartoqarnermut Unammilleqatigiinnermullu Aqutsisoqarfiup ingerlatat avissaartisimanissaannik pisussaaffiliisinnaaneranut atatillugu. Taamaattumillu iliuusissat taamaattut taamaallaat pisuni immikkut ittuni atorneqarsinnaapput.

5. Avatangiisinut, pinngortitamut innuttaasullu peqqissusiannut kingunerisassai

Nalilerneqarpoq siunnersuut avatangiisinut, pinngortitamut aamma inuit peqqissusiannut kinguneqassannngitsoq.

6. Innuttaasunut kingunerisassai

Nalilerneqarpoq siunnersuut innuttaasunut kinguneqassannngitsoq.

7. Allatigut pingaarutilinnik kingunerisassai

Nalilerneqarpoq siunnersuut allatigut pingaaruteqartunik kinguneqassannngitsoq.

8. Pisortanik aamma kattuffinnik il.il. tusarniaaneq

Siunnersuut piffissami 23. marts – 27. April 2017 ukununnga tusarniaassutigineqarsimavoq:

Naalackersuisoqarfiit tamarmik, Kommuneqarfik Sermersooq, Kommune Kujalleq, Qeqqata Kommunia, Qaasuitsup kommunia, KANUKOKA, Sulisitsisut, Nuuk TV, GTV, Comby A/S, Inui:it A/S, TELE-POST.

Siunnersuut aamma Namminersornerullutik Oqartussat tusarniaanermut nittartagaatigut kikkunnut tamanut tusarniaassutigineqarsimavoq.

Tusarniaaneq sioqqullugu allaqqaagaq branchiamut tusarniaassutigineqarpoq, ukununnga: TELE-POST, Inui:IT A/S, GVT, Nuuk TV aamma Sulisitsisut.

Branchiamut tusarniaanermut atatillugu branchiami suliaqartartut pingaarnerit siunnersuut pillugu ataatsimeeqatigineqarput. Tassani peqataapput TELE-POST, Inui:IT A/S, GVT, Nuuk TV aamma Sulisitsisut.

Ukununnga tusarniaanermut akissutit tiguneqarput:

Ilaqutariinnut, Naligiissitaanermut Isumaginninnermullu Naalackersuisoqarfik, Kommuneqarfik Sermersooq, Aningaasaqarnermut Akileraartarnermullu Naalackersuisoqarfik, Peqqissutsimut Naalackersuisoqarfik, Aatsitassanut Naalackersuisoqarfik, Sulisitsisut, KANUKOKA, TELE-POST aamma Qeqqata Kommunia.

Tulliuttumi tusarniaanermut akissutit sammineqassapput aamma tusarniaanerup nalaani allannguutissatut siunnersuutigineqartut. Malugineqassaaq tusarniaanermut akissutit, uingasumik allanneqartut, pingaarnersiuneq najoqqutaralugu oqaatigineqartut pingaarnerit kisiisa issuarneqartassammata.

Tusarniaanermut akissutit tamarmik oqaasertai ilanngarneqaratik Inatsisartut ataanni ataatsimiititaliamut suliamik suliarinnittumut ilanngullugit ingerlatinneqarput.

Ilaqutariinnut, Naligiissitaanermut Isumaginninnermullu Naalackersuisoqarfik tusarniaanermut oqaaseqaatissaqanngilaq.

Aatsitassanut Naalackersuisoqarfik nassiunneqartunut pingaartunik oqaaseqaatissaqanngilaq.

Peqqinnissamut Naalackersuisoqarfiup oqaatigaa inatsisip oqaasertaani § 23 i, imm. 2-mi akunnermik amigaateqartoq.

Tamanna aalajangersakkami tulluurtumik ilanngunneqarpoq.

Kommuneqarfik Sermersooq (KS) tusarniaanermut akissuteqarsinnaanerminut qujavoq.

KS-ip siunnersuutigaa § 38 naapertorlugu unioqqutitsinikkut akiligassiisernerup annertussusia pilersuisartup taggillugit iluanaarutigisai imaluunniit iluanaarutigisinnaasai tunngavigalugit aalajangersarneqassasoq.

Oqaaseqaatinut immikkut ittunut ilanngunneqarpoq akiligassiisernerup annertussusissaanik aalajangernermi suliffeqarfiup kaaviiartitai eqqarsaatigineqassasut. Taamaalilluni akiligassiisoqassatillugu kaaviiartitai sillimaffigineqarput. Akiligassiinerup annertussusilernerani iluanaarutit tunngavigineqannginnerannut peqquataavoq suliffeqarfiup iluanaarutaasa naatsorsornissai ajornartinneqarmat.

KS-ip aamma siunnersuutigaa nalunaarasuartaateqarnerup tamanut ammaanneqarnissaanut atatillugu inatsimmi kukkunersiuisartunut piunasaqaammik ilanngussisoqassasoq, inatsisit allanngornerisa qanoq kinguneqarneri nalilerneqarsinnaaqullugit.

Nalunaarasuartaateqarnerup tamanut ammaanneqarnera Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut peqqussutaanni nr. 17, 20. november 2006-imeersumi malittarisassaqqarpoq, taamaammallu aamma Unammilleqatigiinneq pillugu Inatsisartut inatsisaanni nr. 1-imi, 15. maj 2014-imeersumi (unammilleqatigiinnermut inatsit) malittarisassaqqarsinnaanani. Taamaammatt nalunaarasuartaateqarnerup tamanut ammaanneqarnissaa inatsisissatut siunnersuummut matumunnga ilaanngilaq.

KS-ip § 23 l, imm. 3-mut oqaatigaa isumaqatigiissut nalinginnaasoq kikkunnut tamanut tusarniaassutigineqartariaqartoq, paasisimasallit avataaniittut isumaqatigiissummut nalinginnaasumut naliliinertik saqqummiuffissaqartinniassagamikku.

Atuisartoqarnermut Unammilleqatigiinnermullu Aqutsisoqarfiup neqerooruteqartartoq namminersortoq peqqusinnaanngilaa isumaqatigiissut nalinginnaasoq, neqerooruteqartartup aamma pilersuisup akornanni, tusarniaassutigeqqullugu. Unammilleqatigiinnermut ataatsimiititaliap isumaqatigiissutit nalinginnaasut taamaattut sunik imaqtarnissaat malittarisassaqtippaat, taamaammallu Unammilleqatigiinnermut ataatsimiititaliaq inuit paasisimasallit atornissaannut periarfissaqqarpoq isumaqatigiissutit nalinginnaasut malittarisassaat suliarineqaraangata. Tassuunakkut isumaqatigiissutit nalinginnaasut nalunaarasuartaateqarnermi piunasaqaatinut immikkut ittunut naapertuunnerat qularnaarneqarpoq.

KS-ip § 23 n, imm.7-imut siunnersuutigaa peqataasut pingajuata allanut attuumassuteqanngitsup naatsorsuutinin kukknersiuisartuunissaa piumasagaatigineqassasoq.

Naatsorsuutinin kukknersiuisartuunissaanik piumasagarnerup kingunerisinnaavaa pilersuisartut amerlanerusunik aningaasartuuteqalernerat, taannalu pissutigalugu aalajangersakkap maanna oqaasertarisai nikisinneqanngillat.

KS oqaatigaa inatsisissatut siunnersuummi ilaatigut atorreqarmat „attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut”, ilaatigullu ”attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik neqerooruteqartartut”. KS-ip siunnersuutigaa inatsisissatut siunnersuut naallugu taaguut ataaseq atorreqassasoq.

Taaguutit marluk immikkoortinnerannut peqqutaavoq attaveqaqatigiissutinik elektroniskiusunik peqarsinnaammat kikkunnut tamanut atugassiaanngitsunik. Taamaammat siunnersuummi oqatsit maanna atorreqartutut attanneqarput.

KS-ip § 23 q, imm. 3-mut oqaatigaa qaammatinik 4-nik piffissaliineq inatsisiliornikkut pisariitsuinnaanngitsoq piukkunnartumik aalajangiiffiginissaanut sivikippallaarsoralugu.

Qaammatit 4 naatinnagit aalajangiisoqarnissaa pinngitsoornagu piumasarineqanngilaq. Aalajangersakkami aalajangersarneqarpoq aalajangiineq sapinngisaq naapertorlugu suliasap tigungneraniit qaammatit 4 qaangiutsinnagit naammassineqartassasoq. Piffissaq sivilunerusoq pisariaqartinneqassappat aatsaat suliap suliarineqarnerata naammassinerani aalajangerneq pissaaq. Aamma imaakkaluarpat suliap tigungneraniit qaammatit 4 sinnerlugit ingerlareeraluartut. Piffissaliussaq ikkunneqarpoq suliami peqataasut pilertortumik sullinneqarnissaat qularnaarniarlugu.

KS-ip § 23 r-imut oqaatigaa Atuisartoqarnermut Unammilleqatigiinnermullu Aqutsisoqarfiup aalajangiigallarsinnaanermik periarfissinneqartariaqartoq qaammatinik 4-nik piffissaliussaq unioqqutinneqassappat. KS-ip isumaa malillugu tamanna aporfissartaqarpoq, tassa suliamut takussutissat imaluunniit inatsisitigut toqqammaviusut suli aalajangerneqarsimatinnagit aalajangiisoqassammat.

Aalajangiigallarnerit qaammatinik 4-nik piffissaliussap unioqqutinneqarneranik peqquteqartumik aalajangiinerussanngillat. Aalajangiigallarnerit toqqammaviit pigineqartut tunngavigalugit pisinnaapput Atuisartoqarnermut Unammilleqatigiinnermullu

Aqutsisoqarfiup paasissutissat aqutsisoqarfiup noqqaassutigisimasai suliami peqataasunit tigusimangippagit. § 23 r aalajangersagaavoq pisariaqartumik aalajangiisoqarsinnaaneranik qulakkeerisoq, aamma peqataasut ilaat ataaseq najoqqutassat inatsit naapertorlugu tunniuttussaasatik tunniussimangikkunigit. Taamaaliornikkut suliaq maangaannaq unitsinneqassanngilaq suliami peqataasut ilaata ataatsip aalajangiisoqarnissaanut akerliunera pissutigalugu. Suliami paasissutissanik nutaanik saqqummertoqarpat Atuisartoqarnermut Unammilleqatigiinnermullu Aqutsisoqarfiup suliamik suliaqarnera ingerlateqqissinnaavaa taamaaliornikkullu inaarutaasumik aalajangiiffigisinnaallugu.

Aningaasaqarnermut Akileraartarnermullu Naalakkersuisoqarfiup kissaatigaa Atuisartoqarnermut Unammilleqatigiinnermullu Aqutsisoqarfiup atortuulersitsinermut aningaasartuutai annertussusilikkamik tagginneqassasut.

Immikkoortoq taanna ilaneqarpoq atortuulersitsinermi aningaasartuutit ilimagineqartut ikkunneqarlutik.

Aamma Aningaasaqarnermut Akileraartarnermullu Naalakkersuisoqarfiup kissaatigaa aningaasaqarnikkut allaffissornikkullu inuussutissarsiutilinnut nammakkiutaasussat nassuiarnerat sukumiinerusumik pissasoq, qanoq annertutigisinnaanerat paasiuminaammat.

Immikkoortoq taanna ilaneqarpoq aningaasaqarnikkut allaffissornikkullu inuussutissarsiortunut nammakkiussassat ilimagineqartut ikkunneqarlutik.

Sulisitsisut (GE) siunnersuutip saqqummiunneqarneranut ilalersuinini saqqummiuppa, Sulisitsisut isumaat naapertorlugu unammilleqatigiinneq atuisartunut kiffartuussinermik pitsaanerusumik akinillu akikinnerusunik pilersitsissammat.

Sulisitsisut oqaatigaa § 23 h, imm. 3 naapertorlugu toqqaaneq tapiissutinut allamit pisunut tunngassuteqartoq.

§ 23 h, imm. 3-mi tapiissutit allamit pisut pineqanngillat kisiannili unammilleqatigiinneq eqqarsaatigalugu niuerfiit assingusut.

Niuerfimmi ataatsimi annerpaatut inissisimanerup nassatarisinnaavaa suliffeqarfiup aamma niuerfimmi assingusumi allami annerpaatut inissisimaneranik naliliineq, niuerfimmik siullermi annerpaatut inissisimamera pissutigalugu. Assersuutigalugu taamaassorineqarsinnaavoq niuerfinni imminnut assut eqqaanartuni, nioqqutigineqartullu niuerfiit akornanni annerusumik minnerusumilluunniit taartigiinnermik pisoqarfiusartut. Aamma taamaassorineqarsinnaavoq niuerfimmi ataatsimi, suliffeqarfiup annerpaatut

inissisimaffigisaani, kiffartuussissutit niuerfimmut eqqaanartumut isumassarsiatut ator neqarpata.

Tapiissutit allamit pisut niuerfinnut eqqaanartunut attuumassuteqartariaqanngillat. Assersuutigalugu taamaappoq suliffeqarfik niuerfimmit akuersissuteqarfiusumit (unammillerfiunngitsumit) sinneqartoorutini niuerfimmi tamanut ammasumi (unammillerfiusumi) akinik appasissunik piviusorsiuunngitsunik akeqartitsippat. Taamaaliornikkut suliffeqarfik taamaattoq naligiissumik suliffeqarfinnut allanut niuerfimmi tassaniittunut unammillertutut inissisimangilaq, kisiannili aningaasat niuerfimmit ataatsimiit pisut allamut tapiissutigalugit.

Sulisitsisut oqaatigaat § 23 o, imm. 2 atornissamut tulluarsakkamik immikkortitsineq pillugu niuerfimmi peqataasut minnerit ingammillu nutaat ipisissinnaagai aalajangersagaq taamaallaat pisuni immikkut ittuni ator neqartassappat.

Atuisartoqarnermut Unammilleqatigiinnermullu Aqutsisoqarfiup naliliinera naapertorlugu atornissamut tulluarsakkamik immikkoortitsineq § 23 o naapertorlugu suliffeqarfimmut annerpaamik tigumminnittumut peqqussutaasinnaasoq aatsaat pisuni immikkut ittuni pisassasoq. Taamaaliorneq suliffeqarfimmut pineqaatissiineruvoq sakkortoq, taamaattumillu atornissaa sianigisariaqarluni.

Atuisartoqarnermut Unammilleqatigiinnermullu Aqutsisoqarfik aalajangersakkani siulianiittuni unammillernernik annikillilerisut pakkersimaarnissaannut allanik periarfissaqarput, periarfissallu sakkukinnerusut taamaattut siulliullutik ator neqartariaqarput. Tassa imaappoq § 23 o naapertorlugu atornissamut tulluarsakkamik immikkoortitsineq tassaavoq pineqaatissiinerit kingulliit ilaattut ator neqartussa.

Sulisitsisut oqaatigaat § 23 c, imm. 2-mi paasissutissanik ingerlatitseqqiinissamut inerteqqussut aatsaat atortinneqartassasoq peqataasup ingerlatitseqqiisup aamma tiguisup akornanni unammilleqatigiittoqarpat.

Aalajangersakkap siunertaa tassaavoq paasissutissat suliffeqarfiup annertuunik tunisaqartarfianut unammillertaasumit tunniunneqartut (niuerfimmi peqataasunik allanik niueqateqartartoq) suliffeqarfiup nalinginnaasumik pisisartuisa immikkoortortaarfianut ingerlateqqinneqarsinnaassanngitsut (immikkoortortaarfik unammillerteqarluni pisisartunut nioqqutinik neqeroorteqartartoq).

Tassa imaattariaqanngilaq immikkoortortaarfiit ataasiakkaat imminnut unammillertuunissaat. Pingaarluinnartoq tassaavoq immikkoortortaarfiup ataatsip

annertuunik pisisartooq isumaqatiginninniaqatigereerlugu paasissutissat pigilersimasai immikkoortortaqarfimmut allamut ingerlateqqissanngikkai, taamaalioralaruni unammillertip niuffaffimmi periaasiinik ilisimanninneq nammineq iluaqutigilersinnaagaluarmagit.

Sulisitsisut oqaatigaat § 23 h, imm. 4-mi pisussaaffinnik atorunnaarsitsineq aatsaat pisassammat pisussaaffiit piviusorsiortumik unammilleqatigiinnermut tunngaviunngippata.

Pisussaaffiit aatsaat atorunnaarsinneqassapput niuerfimmi piviusumik unammilleqatigiinnermik ingerlasoqarpat. Pisussaaffiit atuuttuaannassapput suliffeqarfik ataaseq niuerfimmi annerpaamik tigumminnittuuppat.

Sulisitsisut oqaatigaat § 23 i, imm. 3 pisariaqanngitsutut isigalugu.

Assigiinnngissutaasoq tassaavoq § 23 i, imm. 2 aamma 3 niuerfimmut tamarmut tunngammata, akerlianillu § 23 i, imm. 4 taamaallaat annikitsunik niuerfiusumut tunngalluni. Taamaalilluni § 23 i, imm.2 pisussaaffinnut allatorneqartunut tunngavoq taavalu § 23 i, imm. 3 pisunut immikkut ittunut imm. 2-mi allatorneqartunit allaanerusunut pisussaaffiliunneqarsinnaallutik.

Sulisitsisut § 23 j, imm. 2-mi qajassuuttariaqartutut taaneqartut qanoq pingaarnersiorneqassanersut apequtigaa.

Atuisartoqarnermut Unammilleqatigiinnermullu Aqutsisoqarfik § 23 j, imm. 2-mi qajassuuttariaqartutut taaneqartut tamarmik qajassuunnarpai, qajassuuttariaqartullu pingaarnersiorneqassanngillat tamarmik pingaartuummata.

Sulisitsisut oqaatigaat neqerooruteqartut neqeroorut nalinginnaasoq tamatigut tamanut saqqummiunneqarnissaanut pisussaaffilertariaqartoq.

Suut tamarmik nalinginnaasumik neqeroorusiortassagaanni naleqqiussinertaqassanngilaq. Taamaammat naliliineq piviusooq ingerlanneqassaaq. Internetimut appakaaffissaqartitsinermik pisussaaffik aaqqinneqarsinnaavoq neqeroorusiornikkut, neqeroorullu pilersuisunut aaqqiissutinik immikkut ittunik imaqarsinnaalluni. Suut tamarmik nalinginnaasumik neqeroorusiorfigisassagaanni pilersuisunut ataasiakkaanut naleqqussakkamik neqeroorusiornissaq una periarfissaassanngikkaluarpoq, tamannalu unammillernermut ajoqutaassalluni.

Sulisitsisut apequtigaa neqerooruteqartut akii § 23 n, imm. 2 naapertorlugu pissusissamisuunngitsumik qaffasippallaarnerat qanoq nalilerneqartarnersoq.

Naliliinermi suut tunngavigineqassanersut aalajangersakkami imm. 8 naapertorlugu aalajangerneqassapput, taakkulu tamanut tusarniaassutigineqassapput. Naliliinermi suut tunngavigineqassanersut assersuutigalugu tassaasinnaapput piffissami sivisuumi nikingassutit aningaasartuutaat agguaqatigiissitat, pereersuni aningaasartuutit, pisisartup akiliutissaa ilanngaatit peereerlugit kiisalu akit atuuttut attatiinnarneqarnissaat.

Sulisitsisut apeqqutigaat § 23 n, imm. 3-mi eqqarsaatigisassatut taagorneqartut qanoq annertutigissanersut.

Aalajangersakkami imm. 8-mi takuneqarsinnaasutut malittarisassat sukumiinerusut Atuisartoqarnermut Unammilleqatigiinnermullu Aqutsisoqarfimmit aalajangersarneqassapput. Tass piumasaaqatit nalunaarsorneranni suut eqqarsaatigisariaqarnersut kingusinnerusukkut aalajangerneqassapput tamanullu tusarniaassutigineqassallutik.

KANUKOKA-p nalunaarasuartaatitigut atassuteqarneq nalunaarasuartaatitigullu kiffartuussinerit neqeroorutigineqartarneranni niuffaffiup unammilleqatigiiffiusup ingerlalluartullu pilersinnissaa tapersorsorjaa.

KANUKOKA-p innersuussutigaa kikkunnet tamanut ammaassineq oqaaseqaatini itisilerneqassasoq, nalunaarasuartaatitigut atassuteqarneq nalunaarasuartaatitigullu kiffartuussinerit (nalunaarasuartaatit pillugit peqqussut) pillugit Inatsisartut peqqussutaat nr. 17, 20. november 2006-imeersoq attatiinnarneqartussaammat.

Nalunaarasuartaateqarnerup tamanut ammaanneqarnissaa Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut peqqussutaat nr. 17, 20. november 2006-imeersumi malittarisassaqqarpoq, unammilleqatigiinnermullu inatsimmi malittarisassiuunneqarani.

Aalajangersakkat unammilleqatigiinnermut inatsimmut ilanngunneqartut taamaallaat nalunaarasuartaateqarnermi unammilleqatigiinnerup malittarisaliuunnissaanut attuumassuteqarput. Aalajangersakkat nalunaarasuartaatit pillugit peqqussummi atorunnaarsinneqartussat tassaapput aalajangersakkat peqatigiilluni ataatsimut atuisitsisinnaatitsinermut, atuisartuni nalunaarasuartaatit pillugit naammagittaalliutinut taavalu naatsorsuutinik immikkoortitsinermut tunngasut, tamakku allangortitsinissamut siunnersuummi unammilleqatigiinnermut inatsimmut ilanngunneqassagamik.

Nalunaarasuartaateqarnermut peqqussummi allannguutit, taamalu pissutsit nalunaarasuartaateqarnerup tamanut ammaanneqarnissaanut tunngasut, Kommuninut, Nunaqarfinnut, Isorliunerusunut, Attaveqarnermut Ineqarnermullu Naalakkersuisoqarfiup

ataaniipput. Naatsorsuutigineqarpoq Kommunitut, Nunaqarfinnut, Isorliunerusunut, Attaveqarnermut Ineqarnermullu Naalakkersuisup nalunaarasuartaatit pillugit peqqussummut allannguutissanut siunnersuummik immikkoortumik siunnersuuteqassasoq, ilanngullugit tamanut ammaassinissaq pillugu malittarisassat nutaat, akuersissuteqartarnermut aamma nalunaarasuartaateqarnermi kisermaassinermut, UKA2017-imut suliarisassatut.

KANUKOKA-p oqaatigaa § 23 m, imm. 2 nipangiussisussaataitanermut malittarisassanut aamma suliasat suliarineqartarnerat pillugu inatsimmut ataatsikkut innersuussisoq. KANUKOKA-p innersuussutigaa ersarinnerussasoq suliasat suliarineqartarnerat pillugu inatsisip avataani nipangiussisussaataitanermut malittarisassanut innersuussisoqarmat.

Oqaasertaliussatut qinerneqarsimasut taakkua atoraanni ataatsikkut suliasat suliarineqartarnerat pillugu inatsimmi aamma suliasat suliarineqartarnerat pillugu inatsisip avataani nipangiussisussaataitanermut malittarisassat pineqarput. Ilutigalugu erseqqissarneqarpoq malittarisassat tamarmik suliasat suliarineqartarnerat pillugu inatsimmiittut eqqarsaatigineqarmata, suliasat suliarineqartarnerat pillugu inatsimmi nipangiussisussaataaneq kisiat pineqarnani.

Taamaalilluni aalajangersakkap suliasaqarfiit ataasiakkaat naammattumik sammivai.

TELE-POST (TP)-ip siunnersuutip siunertaa, tassa oqartussaasut suliasaasa politikkimik aamma inatsimmik piareersaaffimmut kiisalu nakkutilliinermik oqartussanut immikkoortinneqarnerat tapersersorpaa.

TP-ip oqaatigaa Atuisartoqarnermut Unammilleqatigiinnermullu Aqutsisoqarfiup nalunaarasuartaateqarnermut tunngatillugu aningaasartuutini nalunaarasuartaateqarnermik inuussutissarsiutilinnit aningaasalersorneqarnissaanut piginnaatitsissummik ersittoqanngittoq.

Inatsisissatut siunnersuut maanna naapertorlugu oqartussat suliasaat Atuisartoqarnermut Unammilleqatigiinnermullu Aqutsisoqarfiup Aningaasanut Inatsimmi ingerlatsinissamut akuersissutaanit matuneqassapput.

TP-ip oqaatigaa siunnersuut naapertorlugu nalunaarasuartaateqarnermut tunngasut maanna niuffaffinngorsimasoq tamanut ammasoq, akuersissummillu tunineqarsimasoq maanna tassaalersimasoq neqerooruteqartartoq niuffaffimmi annerpaamik tigungminnittoq.

Siunnersuut naapertorlugu nalunaarasuartaateqarnermut tunngasut niuffaffittut tamanut ammasutut isumaqarfigineqanngilaq. Nalunaarasuartaateqarnermik inuussutissarsiutilinni

tamanut ammassinissap unitsikkallarnera pillugu Inatsisartut aalajangernerat tunngavigalugu (UA2016/imm. 119) attaveqaatit niuffaffiini kisermaassiffiusuni taamaallutillu ingerlaannartussani naammassiuminarsagaanerumik malittarisaliuunnissaasa pilersinneqarnissaat pisariaqartutut nalilernerqarpoq. Taamaattumik siunnersuummi salliutillugu siunnerfigineqarpoq attaveqaatit niuffaffii akuersissummik tunineqarsimasut malittarisaliuutissallugit (internetimut appakaaffissaqartitsineq), ilutigalugulu pilersuisut tamarmik akornanni peqatigiilluni ataatsimut atuisitsisinnaatitsinermut pitsaanerumik periarfissaqalernissaq qularnaarlugu. Pineqartut tassaapput nalunaarasuartaateqarnermut tunngasuni kisermaassiffiusut aamma tamanut ammaassiffigineqarsimasut. Aamma niuerneramik tunngaveqartumik isumaqatigiissutaasimasut nalunaarasuartaateqarnermik peqqussut naapertorlugu aalajangersimasumik nassuiarneqartarput, tassani imaakkami peqatigiilluni ataatsimut atuisitsisinnaatitsinermik isumaqatigiissutit peqataasut akornanni niuerneramik tunngaveqartumik isumaqatigiissutigineqartussaallutik – aamma nalunaarasuartaatitigut attaviini tamanut ammagaasimannigitsuni peqatigiilluni ataatsimut atuisitsisinnaatitsineq pineqaraangat.

Siunnersuummi unammilleqatigiinneq aamma tamanut ammaassineq eqqarsaatigalugit nassuiarnissai pillugit nutaartaqanngilaq. Nalunaarasuartaateqarnermut tunngasut niuerfimmi annerpaatut inissisimanerup atornerlunneqannginnissaa pillugu unammilleqatigiinnermut inatsimmi § 11-mi ilaajuaannarsimavoq, taamaammallu niuerfimmi akuersissummik peqartoq niuerfimmi annerpaatut inissisimasutut naatsorsuunneqartariaqarnera paasinninnerunngilaq nutaaq. Minnerunngitsumik niuerfimmi taama annertutigisumik kisermaassiffiusumi.

Unammilleqatigiinnermit isigalugu kisermaassisoqarnera tamatigut akimmiffiusassaaq, taamaattoqarnerata unammillerteqarnissaq mattukkamiuk. Pilersuisut arlaqartut akornanni unammilleqatigiinneq piviusoq nalunaarasuartaateqarnermut tunngasuni akinik appasinnerusunik kinguneqartitsissaaq atuisartunut iluaqutaasussamik.

TP-ip oqaatigaa kalaallit nalunaarasuartaatit pillugit niuffaffiat pissusissamisoortumik kisermaassiffiummat tamannalu tulluartuusoq ilaatigut nunap pissusia, inuttussuseq aamma niuffaffimmi tunngaviusut pissutigalugit.

Siunnersuummi matumani pineqarpoq nalunaarasuartaateqarnermut tunngasut tamanut ammaanpeqarnissaat. Isuma aallaaviusoq tassaavoq unammilleqatigiinneq atuisartut iluaqutigissagaat, akit appasinnerusut aamma nioqquit pitsaanerusut eqqarsaatigineqarlutik. Unammilleqatigiinnermit isigalugu kisermaassisoq suliffeqarfittut annerpaamik tigumminnittutut naatsorsuunneqassaaq, siunnersuummilu periarfissat arlaqartut saqqummiunneqarput suliffeqarfiup kisermaassisuusup unammilleqatigiinnermut sunniuteqarluffigisinnaasai pakkersimaarnissaannut.

TP-ip oqaatigaa Kalaallit Nunaanni siunissami nunap tamarmiusup attaveqarneranut tunngatillugu aamma akuersissummik peqartoqassammat peqatigiilluni ataatsimut atuisitsisinnaatitsinermik neqerooruteqarnissamut pisussaaffiligaasumik.

Peqatigiilluni ataatsimut atuisitsisinnaatitsinermik pisussaaffik nalunaarasuartaateqarnermik peqqussut naapertorlugu ullummikkut atuutereerpoq. Akuersissummik pigisaqartutut, taamalu suliffeqarfittut annerpaamik tigumminittutut, TELE-POST niuffaffimmi pilersuisut allat internetimut appakaaffissaqartitsinissaannut peqqunneqarsinnaavoq.

Akerlianilli peqatigiilluni ataatsimut atuisitsisinnaatitsineq pilersuisut tamarmiusut akornanni niueqatigiinnermi pissutsit tunngavigalugit isumaqatigiissutigineqarsinnaavoq.

Soorlu ilaatigut Unammilleqatigiinnermut ataatsimiititaliap aalajangiinerinit takuneqarsinnaasoq akuersissummik pigisaqartoq tamatigut pisisartuminut naligiissumik atugaqartitsilluni attaveqaatiminut akuersissuteqarfigisaminut appakaaffissaqartitsinermut pisussaaffini naammatsittarsimangilaa. Akimmiffiit taamaattut ilaatigut kingunerisimavaat siunnersuummi matumani unammilleqatigiinneq pillugu inatsisiliornermi suliaqarfinnut aalajangersimasunut tunngatitani erseqqissaaneq ilanngunneqarsimammat.

TP-ip oqaatigaa Inatsisartut UA2016-imi imm. 119-imut aalajangererat eqqaamasariaqartoq, taamaassappallu taanna nalunaarasuartaateqarnermik peqqussutip allanngortinneranut ilannguttariaqartoq.

UA2016-imi imm. 119 pillugu aalajangerneq nalunaarasuartaateqarnermik peqqussutip allanngortinneranut pingaaruteqarpoq, kisianni siunnersuummi matumani aalajangersakkanut atorunnaarsinneqartunut pinnani. Siunnersuummi matumani peqatigiilluni ataatsimut atuisitsisinnaatitsinermut, atuisartunut tunngasuni nalunaarasuartaatit pillugit naammagittaalliutinut aamma naatsorsuutit immikkoortinneqarnerannut aalajangersakkat atorunnaarsinneqassapput. Tamanna pivoq suliaqarfiit taakkua siunnersuut manna naapertorlugu unammilleqatigiinnermut inatsimmi malittarisassaliuunneqassagamik.

Nalunaarasuartaateqarnermut peqqussummi allannguutit, taamalu pissutsit nalunaarasuartaateqarnerup tamanut ammaanneqarnissaanut tunngasut, Kommuninut, Nunaqarfinnut, Isorliunerusunut, Attaveqarnermut Ineqarnermullu Naalakkersuisoqarfiup ataaniipput. Naatsorsuutigineqarpoq Kommuninut, Nunaqarfinnut, Isorliunerusunut, Attaveqarnermut Ineqarnermullu Naalakkersuisup nalunaarasuartaatit pillugit peqqussummut allannguutissanut siunnersuummik immikkoortumik siunnersuuteqassasoq, ilanngullugit

tamanut ammaassinissaq pillugu malittarisassat nutaat, akuersissuteqartarnermut aamma nalunaarasuartaateqarnermi kisermaassinermut, UKA2017-imut suliarisassatut.

TP-ip oqaatigaa annikitsumik unioqqutitsisoqarsimatillugu akiliisitsisarnissat annertussusaat pineqaatissinertut naleqquttutut taaneqarsinnaanaviannngitsut, assersuutinillu taasaqarluni ikkussuisartup nioqqutip piareersimaneranik kukkusumik nalunaartumik.

§ 38-imi piaaraluni imaluunniit sakkortuumik mianersuaalliorluni unioqqutitsisoqaraangat malittarisassaqarput. Tassa imaappoq kukkunerit aalajangersakkamut ilaangvivipput.

Akiliisitsinerit naleqquttuutinneqartut tassaapput annertussutsit unammilleqatigiinnermik inatsimmik unioqqutitsinissamut pinaveersaartitsinissamik sunniutaqartut.

TP-ip oqaatigaa siunnersuummi takuneqarsinnaanngitsoq akiliisitsinerit annertusineqarnerat § 38-mut tamarmut atuutissanersoq imaluunniit normut ilanngunneqartut nutaat kisiisa pineqarnerlutik.

Tamanna erseqqinnerulersikkumallugu siunnersuummi aaqiissuteqarpoq, imaalersillugu § 38 tamakkiisoq ilanngunneqarluni. Taamaalilluni erseqqilluinnartumik takuneqarsinnaalerpoq akiliisitsinerit annertussusii aalajangersakkamut tamarmut atuuttuusut.

TP-ip oqaatigaa § 23 q, imm. 1-imi § 49-mut innersuussineq kukkunerusimassasoq, siunnersuut aamma unammilleqatigiinnermut inatsit § 49-ertaqanngimmata.

§ 49-mut innersuussineq kukkullugu ilanngunneqarsimavoq maannalu naleqquttumik siunnersuut naallugu peerneqarluni.

TP-ip oqaatigaa § 23 r, imm. 6-imi taaguut „peqataasut pingajuat“ innersuunneqarmat, oqaatigalugulu taanna tamatigut peqataasumut naammaginartumik takussutissanik tunniussaqaarsimannngitsumut illua'tungiliuttuusooq.

Pisuni ima pisoqartarsinnaassaaq aalajangiineq peqataasut pingajuannut iluaqutinngorluni, assersuutigalugu pilersuisooq alla niuffaffimmi pingajuusoq suliannngortitsisimannngitsorlu, taamaammallu taaguut attatiinnarneqarpoq.

Qeqqata Kommuniata (QK) oqaatigaa Naalakkersuisut nalunaarasuartaatikkut atassuteqarnerup suliaqarfiani peqatigiilluni ataatsimut atuisitsisinnaatitsinerup ammanerusumik paasiuminarnerusumillu siunnefeqarnera tusarluarnartuusooq, taamalu suliaqarfimmi tassani oqartussat suliassanik suliaqartarnerat naammassiuminarsagaasoq.

QK-ip unammilleqatigiinnerup aamma atugassatut toqqammavigitinneqartut pillugit nalorninerup qitiutillugit ukkinneqarnerulernerat illoqarfiit amerlanerit nunaqarfiillu tamarmik ajornerusumik kiffartuunneqarnerulernerannik kinguneqarsinnaasoq ernummatigaa. QK-p oqaatigaa immakut kabelip avannamut annertusineqarnissaa kinguartinneqarmat atugassatut toqqammavigitinneqartut nalornissutigineqarnerisa kingunerisaannik.

Inatsimmik allangortitsinerup siunertai tassaapput aallutaqartut tamaasa pitsaanerusunik atugassaqartinniassallugit aammalu nalunaarasuartaateqarnermut tunngasuni unammilleqatigiinnermik killilersuinerit pinaveersaartinniarlugit.

Neqerooruteqartartut akornanni unammilleqatigiinnerup annertunerusup atuisartunut kingunerissavaa niuffaffimmi tamanut ammaassimasumi tamarmi akit appasinnerusut. Neqerooruteqartartoq annerpaamik tigungminnittoq aalajangersakkat nutaat toqqammavigalugit malittarisassaqaartinneqassaaq, aallutaqartut allat appasinnerusunik akeqartitsillutik niuffaffimmut neqeroorsinnaatilersillugit atuisartut iluaqutigisassaannik.

Unammilleqatigiinnermit isigalugu atugassatut toqqammavigitinneqartut nalorninermik pilersitsinngillat. Nalunaarasuartaatinik niuffaffiusoq aamma siunnersuut manna sioqqullugu unammilleqatigiinnikkut malittarisassaqaarsimavoq. Inatsisissatut siunnersuummi matumani nalunaarasuartaateqarnermi niuffaffiit suut tamanut ammaanmaqassanersut malittarisaliuunneqanngillat, kisianni qularnaartussaavaa nalunaarasuartaatinut attaveqaatinut nukiit niuffaffinni kisermaassiffiusuni ittut (akuersissummik piginnittoq annerpaamik tigungminnitsuusoq) inuiaqatigiit aningaasaqarniarnerannut sapinngisamik pitsaanerpaamik atorneqassasut. Niuffaffiit suut tamanut ammaanmaqarsinnaanersut allangortinneqarani suli nalunaarasuartaateqarnermik peqqussummi malittarisassaqaarpoq.

Siunnersuummi aalajangersakkanut ataasiakkaanut oqaaseqaatit

§ 1-imut

Nr. 1-imut

Kapitali 5a imaqarpoq immikkuullarissumik nalunaarasuartaaserinermi unammilleqatigiinnerup aqunneqarneranut aalajangersakkanik.

Malittarisassat siullertut siunertaqarput ilaatigut qularnaassallugu elektroniskiusunik attaveqaqatigiinnermut aqputinik aamma kiffartuussinernik ingerlatsisuusut akornanni peqatigiilluni ataatsimut atuisitsisinnaatitsinermut isumaqatigiissuteqartarnissanik, elektroniskiusunik attaveqaqatigiinnermi ingerlatsiviusunik kiffartuussinernillu ingerlatsisuusut akornanni, atuisartut attaveqaatinut assigiinngitsunut atassuteqartuusut imminut attaveqarsinnaaqullugit, ilaatigullu aamma elektroniskiusunik attaveqaqatigiinnermik imaluunniit kiffartuussinermik neqerooruteqartartut peqatigiilluni ataatsimut atuisitsisinnaatitsisarnissamut imaluunniit internetimut appakaaffissaqartitsinermik isumaqatigiissuteqarnissanut peqataasut, imaluunniit attaveqaataatillit paasisutissaatiminnik neqerooruteqartartunut allanut tunniunneqartunik isumaqatigiinniarnernut atatillugu atornerluiffigineqannginnissaat, imaluunniit eqqunngitsumik paasisutissat susassaqanngitsunut ingerlatseqqinneqartannginnissaat qularnaarumallugu.

Aappaattullu malittarisassat siunertaqarput qularnaassallugu ileqqussat – niuerfimmik misissuinerit aqputigalugit, - unammilleqatigiinnermi ajornartorsiutaasut suuneri paasisassallugit, - aaqqissuussinernillu pilersitsissalluni Atuisartoqarnermut Unammilleqatigiinnermullu Aqutsisoqarfiup atorsinnaasaanik, unammilleqatigiinnermi ajornartorsiutaasut paasineqarsimasut aaqqiivigisarnissaannut.

Nalunaarasuartaaserinermut niuerfiup aqunneqarnerani siunertaavoq niuerfimmi unammilleqatigiinnerup nukittorsarneqarnissaa.

§ 23 a pillugu

Imm. 1-imut

Soorlu aalajangersagassatut siunnersuummi ersittoq, pisussaaffimmut tassunga atatillugu attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut peqatigiilluni ataatsimut atuisitsisinnaatitsineq pillugu isumaqatigiinniartoqartarnissaa pisussaaffittut aalajangersaavigaa.

Attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut tamarmik pisussaaffeqarput

peqatigiilluni ataatsimut atuisitsisinnaatitsisarnissaminnut. Tamatumalu saniatigut pisortat elektroniskiusunik attaveqaataannik imaluunniit kiffartuussinerinik neqerooruteqartartut, niuerfimmi misissuinerit naapertorlugit niuerfimmik annertuumik tigungminnittuusut kinaassusersineqartut, pisussaaffilerneqarsinnaapput internetimut appakaaffissaqartitsinissamik. Pisussaaffiusup ilaatut attaveqaatinik neqerooruteqartartoq niuerfimmik annertuumik tigungminnittuusooq pisussaaffilerneqarsinnaavoq internetimut appakaaffissaqartitsinissamut peqatigiilluni ataatsimut atuisitsisinnaatitsinertut ilusilimmik, atugassarititaasut ersarinnerusumik aalajangersagaasut iluanni, peqatigiilluni ataatsimut atuisitsisinnaatitsineq pisussaaffioreersup avataasigut attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut tamarmik pisussaaffigeriigaasa saniatigut.

Isumaqatigiinniarnertit malittarisassaasussatut siunnersuutigineqartutut ingerlatsinissamut piviusunik siunnerfeqartumik ingerlanneqartassapput. Tamatumaniippoq attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartumut allamut ataatsimut atuisitsisinnaatitsinermik illuinnaasiortumik atugassarititaasut iluanni neqerooruteqarsimappat, naatsorsuutigineqassasoq peqatigiilluni ataatsimut atuisitsisinnaatitsinermik isumaqatigiinniarnerni atugassarititaasut naammassineqarsimanngitsut. Tamanna minnerunngitsumik pisimassaaq, illuinnaasiortumik atugassarititaasut niuerfiusumik immikkuualuttortalimmik ineriartortitsinissamik akornusiippat, kiffartuussinernik neqeroortup sullitaasa atuisinnaanissaannut.

§ 23 a, imm. 2-mut

Aalajangersakkat siunnersuutigineqartut pisussaaffiliipput atuisartunut attaveqaasersuinissamut. Pisussaaffik taanna, peqqussutigineqarsinnaasoq, killiligaanngilaq pisussaaffinnut, attaveqaatinik nioqquteqartartunut niuerfimmik annertuumik tigungminnittunut, inatsisissatut siunnersuummi § 23 i-mi pineqartunut. Taamaasilluni aalajangersagassatut siunnersuutigineqartoq naapertorlugu pisussaaffiliisoqarsinnaavoq suleqatigiissinnaanerup qularnaarnissaannut.

Aalajangersagassatut siunnersuutaasup Atuisartoqarnermut Unammilleqatigiinnermullu Aqutsisoqarfik periarfissippaa elektroniskiusunik attaveqaatinik kiffartuussinernillu neqerooruteqartartut pisussaaffilersinnaaneritut, atuisartut imminnut attaveqaqatigiissinnaanissaannut imaluunniit atortorissaarutit nutaat imminnut suleqatigiissinnaanissaannut tamanna pisariaqarpat.

Atuisartoqarnermut Unammilleqatigiinnermullu Aqutsisoqarfik akulerussinnaavoq elektroniskiusunik attaveqaatinik imaluunniit kiffartuussinernik neqerooruteqartartumit kissaateqartoqarneratigut, imaluunniit aamma nammineeirluni, isumaqatigiissuteqartoqarsimangippat.

Pissutissaqartoqartillugu Atuisartoqarnermut Unammilleqatigiinnermullu Aqutsisoqarfiup neqerooruteqartartunut pisussaaffiliussinnaavaa attaveqaatit imminnut atassuserneqarnissaat. Attaveqaatit aqputaannik imminnut atassusiisarnernik pisussaaffiliisarneq kiffartuussinerit ilagiinnarpaat nalunaarsorneqarsimasut tamakkiisuunngitsumik, internetimut appakaaffissaqartitsinernik pilersuisut niuerfimmik annertuumik tigumiaqartut pisussaaffigisaat inatsisissatut siunnersuummi § 23 j naapertorlugu. Kiisalu pisussaaffiit allat annertuumik akulerunnerunngitsut aamma pisussaaffiliunneqarsinnaapput. Assersuutitut taaneqarsinnaavoq pisussaaffik imaluunniit piumasaqaat standardinik aalajangersumasunik atassuserneqarsinnaanissaq assigisaanilluunniit atuisuusut akornanni attaviit taakkualu imminnut suleqatigiissinnaasuunissaat qularnaarumallugit.

§ 23 b-mut

Imm. 1-imut

Tunnngaviusumik aallaaviusut isumaqatigiissuteqarnissanut imaluunniit isumaqatigiissutinik allannguinnissanut internetimut appakaaffissaqartitsinernik aamma peqatigiilluni ataatsimut atuisitsisinnaatitsinermut atatillugu, tassaavoq illuatungeriit isumaqatigiinniartarneri aamma isumaqatigiissuteqartarneri internetimut appakaaffissaqartitsinernik aamma peqatigiilluni ataatsimut atuisitsisinnaatitsinernik aningaasarsiorfiusumik. Aalajangersakkap erseqqissassavaa atuinerit aqunneqarnerannut tamanna aallaavioq.

Tunnngaviusup ilaatigut kinguneraa isumaqatigiissuteqartarnerni, imaluunniit isumaqatigiissutaasut allanngortinniarlugit isumaqatigiinniartarnerni, attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut aallaavittut illuatungeriit akornanni aningaasarsiornermik tunnngavilimmik isumaqatigiinniarnikkut aalajangiiffigineqartarnissaat.

Imm. 2-mut

Aalajangersakkatut siunnersuutigineqartumi aalajangiunneqarpoq attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut aallaavittut atugassarititaasunik akinillu neqerooruteqartassasut pisussaaffiliunneqarsimasunut naapertuuttunik. Taamaasilluni allanngortinneqassaaq iliuusaasusaaq pisussaaffiusoq, pisussaaffiusup annertussusissaaniit pisussaaffimmut pinngitsoorani naammassisassamut. Neqerooruteqartussaannermut pisussaaffik pisussaaffiliunneqarsimasut iluanni atortuulissaaq attaveqaqatigiissutinik imaluunniit

kiffartuussissutinik elektroniskiusunik ataqatigiissaakkanik kikkunntut tamanut neqerooruteqartartuq naleqquttuq tamatumunnga piumasaqarpat. Kiisalu aalajangersaasoqarsinnaavoq pisussaaffiusussanik, piumasqaataasut naleqquttut akuerisarnissaannut.

Aalajangersagaq siunnersuutigineqartuq tassaavoq aallaavimmut allannguutaavoq imminut akilersinnaasumik isumaqatigiissutaasunut. Nalunaarasuartaaserinermi niuerfik ataatsimut isigalugu oqalutuarisaanerup ingerlarnganit simerneqarsimalluni aqqissugaavoq, tassanilu puujaasat torluisutullusooq ittunik kigaallasaatinik arlalinnik, unammilleqatigiinnermilu ajornartorsiutaasinnaasunik peqarluni annertuunik malunnaatilinnillu ajornartorsiortitsiviusartunik, attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunntut tamanut neqerooruteqartartut imminut akilersinnaasumik ingerlatsineranni pitsaaneqqusaannerat eqqarsaatigalugit.

Unammilleqatigiinnermi ajornartorsiutit nalunaarasuartaaserinermi piusut sunaassusersineqarsinnaasut iliuuseqarfiginiarlugit, pisussaaffilersuisoqarpoq arlalinnik, annerusumik ”illuatungiusut sanngiinnerit” isumaqatigiinniartarnerni naligiinnerusumik inissisimasinnaanerannut aqutissiuussisussanik.

Aalajangersagassatut siunnersuutaasup aalajangiuppaa imm. 1-imut ilassutitut, attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunntut tamanut neqerooruteqartartut, inatsisissatut siunnersuummi § 23 a, imm. 2 imaluunniit § 23 naapertorlugu pisussaaffiligaasut internetimut appakaaffissaqartitsisarnissamut, imaluunniit peqatigiilluni ataatsimut atuisitsisinnaatitsinissanut, isumaqatigiissuteqartarnernut kiffaanngissuseqartitsinissamut aallaaviusut apeqqutaatinnagit, pisussaaffeqartut piumasaqartoqarnera tunngavigalugu neqerooruteqartussaannermut internetimut appakaaffissaqartitsinissanut aamma peqatigiilluni ataatsimut atuisitsisinnaatitsinermut, siunnersuutip aalajangersagai naapertorlugit atugassarititat akillu atortillugit, kiisalu pisussaaffinnik aalajangersimasunik pisussaaffilerneqarlutik, tamanna naapertorlugu aalajangersagaasunik.

Attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunntut tamanut neqerooruteqartartup pisussaaffiligaasup qanoq ittunik neqerooruteqartarnissaa, aalajangersaavigineqassaaq pisussaaffittut tunniunneqartussanik. Assersuutigalugu pineqarsinnaavoq pisussaaffiliineq ataatsimoortumik internetimut appakaaffissaqartitsinermik ineqartitsinissamut, atugassarititaasut ersarinnerusumik aalajangersagaasut iluanni, aammalu pisariaqarpat atugassarititaasut pineqartut tamanut saqqummiunneqarnerannik kinguneqartumik. Tassani tunngaviusutut inissisimavoq neqerooruteqartartuusooq pisussaaffiligaasup neqerooruteqartarnissanut,

Attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq neqerooruteqartassasoq. Tunngaviusumik tassaniippoq neqerooruteqartoq pisussaaffiligaasoq attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartunut piginnaassuseqartitaasunut neqeruussasoq neqeroorutaasut akuerisinnaallugit, neqerooruteqartorlu pisussaatitaasoq taamaasilluni pisussaassasoq isumaqatigiissuteqarnissamut, pissutsit malittarisassiuunneqarsimasut eqqarsaatigalugit.

Siunnersuummi § 23a, imm. 2 imaluunniit § 23 naapertorlugu pisussaaffik aamma pisussaaffeqarsinnaavoq internetimut appakaaffissaqartitsinermik imaluunniit peqatigiilluni ataatsimut atuisitsinnaatitsinermik isumaqatigiissuteqarnissamut imaluunniit isumaqatigiissummik allannguinnissamut.

Suna piunasaqaataanersoq naammaginarloq neqerooruteqartup akuerisassaa pisuni ataasiakkaani pisussaaffinnik naliliinermik tunngaveqartassaaq, neqerooruteqartup pineqartup pisussaaffigisassaatur nalilerneqarsimanersoq inatsit naapertorlugu, aammalu niuernermit tunngasumik aalajangiinermi pisussaaffiliunneqarsimasut apeqqutaallutik.

§ 23 c-mut

Imm. 1-imut

Paasissutissat tiguneqartut taamaallaat atorveqarsinnaapput tiguneqarnerminnut atatillugu siunertaasumut. Assersuutigalugu paasissutissat akiligassiissummik fakturamik nioqqummut atatillugu tiguneqarsimappata, taava paasissutissat siunertanut allanut atorveqarsinnaanngillat.

Paasissutissat tiguneqartut allanut ingerlatseqqeqqusaanngillat, paasissutissat aqutigalugit unammillernerminni iluaqutissarsisinnaasunut. Tassanilu pineqartup suliamiit suliamut pisunik naliliisarnissat.

Aalajangersagaq siunnersuutigineqartoq tamatumunnga naapertuuttumik paasineqassaaq.

Aalajangersagaq siunnersuutigineqartoq taamaasilluni illuatungaatigit periarfissaqartitsissaaq paasissutissanik paarlaasseqatigiittarnissanut, elektroniskiusunik attaveqaatinik atuinermit atatillugu, pisariaqartinneqartunik elektroniskiusunik attaveqaatinik neqerooruteqartartut arlaqartut paasissutissanik paarlaasseqatigiittarnissaanni ingerlatsinerminni, tamatumani aamma akigititanut atatillugu tulluurtumik akimullu ersittumik ingerlatsinissamut, illuatigullu akornusiisussaallutik paasissutissat pineqartut elektroniskiusumik attaveqaatinik atuinermit atatillugu tiguisumiit atorveqannginnissaannut unammillernerminni iluaqutissarsisinnaanerannut, imaluunniit paasissutissat allanut ingerlatseqqinneqannginnissaat, unammillernerminni iluaqutissarsissutigisinnaasaannik.

Piomasagaat paasissutissat nassiunneqartut paarineqarnissaannut, imaluunniit isortuussat atorneqarnissaannut pissusilersorfigineqarnissaannullu kinguneqarpoq paasissutissanik tigumiartup paasissutissanik illersuisumik (isortuussanik) pissusilersortussaananeramik, paasissutissat susassaqaanngitsunit pissarsiarineqannginnissaat siunertaralugu.

Imm. 2-mut

Unammillernermi iluaqutissarsisoqarsimanersoq pisumi pineqartumi aalajangerneqassaaq. Naliliinermilu ilaatigut ilanngunneqassaaq paasissutissat atorneqarsinnaanersut ingerlatsinermi, paasissutissanik tiguisup paasissutissanik peqanngitsumut sanilliullugu imaluunniit paasissutissanik peqartumut sanilliullugu iluaqutissarsisinnaanersoq. Piomasagaataanngilaq tigussaasumik pisumi pineqartumi aalajangerneqassasoq paasissutissat atorneqarlunneqarsimaneri, imaluunniit tiguisumut unammillernermi iluaqutissarsissutaasimanersut.

§ 23 d-mut

Internetimut appakaaffissaqartitsinerup imaluunniit peqatigiilluni ataatsimut atuisitsinnaatitsinerup unitsinneqarsinnaanera peqatigiilluni ataatsimut atuisitsinnaatitsinermik itigartitsisarneq attaveerutitsisarnerlu pillugit Namminersorlutik Oqartussat nalunaarutaat nr. 11, 4. november 2013-imeersumi aalajangersakkat naapertorlugit pisarpoq, aammalu peqatigiilluni ataatsimut atuisitsinnaatitsinerup internetimullu appakaaffissaqartitsinerup nammineq pissusianiilluni. Peqatigiilluni ataatsimut atuisitsinnaatitsinerup imaluunniit internetimut appakaaffissaqartitsinerup atorunnaarsinneqarsinnaanera pissusissamisoorneruvoq suliarissallugu Atuisartoqarnermut Unammilleqatigiinnermullu Aqutsisoqarfiup inatsisissatut siunnersuummi § 23 p naapertorlugu nakkutilliineratigut.

Taamaasilluni peqatigiilluni ataatsimut atuisitsinnaatitsinermik aamma internetimut appakaaffissaqartitsiunnaarneq pillugu aalajangersakkanik atorunnaarsitsinikkut siunnerfiunngilaq niuerfimmi annertuumik tigungminntuusup periarfissaasa annikinnerulersinneqarnissaat.

Aalajangersagassatut siunnersuutaasumi piginnaatitsisoqarpoq internetimut appakaaffissaqartitsinermik pilersuisartut niuerfimmi annertuumik tigungminntut internetimut appakaaffissaqartitsinermut pissusaaffiligaasut, kiisalu attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut, tamatumunnga pisinnaatitaasut internetimut appakaaffissaqartitsinernut pissusaaffiliussakkut, naammassissassagaat piomasagaataasut teknikkikkumut

ingerlatsinermulluunniit tunngasuusut. Aalajangersakkallu ilaatigut siunertaraa qularnaassallugu atuisut ataasiakkaat aamma attaveqaatit akornanni attaviit atassuteqarnissaat.

§ 23 e-imut

Imm. 1-imut

Niuerfimmik misissuinerit ataatsimut taaguutaavoq nalilersuisarnernut Atuisartoqarnermut Unammilleqatigiinnermullu Aqutsisoqarfiup sularisartagassanut, niuerfiusut suussusilersortarnerini sumiiffilersortarnerinilu, niuerfiusuni naleqquttuni, siunnersuummi § 23 f-imi, (niuerfimmik killilersuineq), niuerfimmik misissuineq siunnersuummi § 23 g naapertorlugu, niuerfimmik annertuumik tiggumminittut § 23 h-tut siunnersuutaasumi, kiisalu pisussaaffiliisarneq siunnersuummi § 23 e naapertorlugu (niuerfimmik misissuineq).

Niuerfimmik misissuisarnerit unammilleqatigiinnermut sammivilimmik aqutsinerup aqqissuunneqarnerani iliuutsit pingaartut siulliit ilagaat, tassanilu pisussaaffiliisoqarsinnaalluni elektroniskiusunik attaveqaqatigiinnermut atortorissaarutininik imaluunniit kiffartuussinernik neqerooruteqartartut ilaannut siunissamut sammisunik. Iliuutsit aappaat tassaavoq pisussaaffiit pineqartut eqqortinneqarnerinik nakkutilliineq.

Niuerfimmik misissuinerit siunertaraat nalilersussallugu suliassaqarfiit sua tungaanni aamma qanoq annertutigusumik unammilleqatigiinneq aalluunneqassanersoq siuarsarneqassanersorlu, neqerooruteqartartut niuerfiusuni pissusilersortarnerisa aqqissuussivigineqarnerisugut, suliassaqarfimmi tassani pisussaaffilersuinikkut (malittarisassat "ex ante-regler" taaneqartut atorlugit), qularnaarisussanik neqerooruteqartartut niuerfimmik annertuumik tiggummisuusut unammillernermik killilersuinnginnissaat imaluunniit equngatitsilinnginnissaat.

Aalajangersagassatut siunnersuutaasumi tunngaviuvoq Atuisartoqarnermut Unammilleqatigiinnermullu Aqutsisoqarfiup pisariaqartumik nalilersuisarnermik atuinissaa, tassanilu ilanngunneqassat inissaminiittut (aningaasarsiornermut, teknikkimut, pissusiviusunut aamma inatsisinik eqqortitsinerimut) isiginiagassat, niuerfimmik misissuisarnernut atatillugu nalilersorneqartartussat.

Imm. 2-mut

Atuisartoqarnermut Unammilleqatigiinnermullu Aqutsisoqarfik niuerfimmik misissuisarnerit ingerlanneqartartut paasisutissartaat pisunut kingullernut naapertuuttumik malinnaatissassavai, nalilersuisoqaraangat niuerfiusuni annertuutigut allannguuteqartoqarsimasoq, imaluunniit teknikkikkut ineriartortoqartoq assigisaanilluunniit pissutsinik atuuttoqartoq, pissutissaqartitsisunik niuerfiusunik misissuisarnerit nutarterneqarnissaannik.

Niuerfiusuni allannguutit imaluunniit pissusiviusut niuerfinnut tunngasunik aalajangiisarnernut pingaaruteqartut assersuutigalugit tassaasinnaapput neqerooruteqartartup niuerfinnik misissuineramik tunngavilimmik niuerfimmi annertuumik tigungminnituusussatut toqqarneqarsimasoq attaveqaatit ilaannik allanut tunisisoq imaluunniit piginneqatigiiffissuup ataaniittumik piginneqatigiiffimmik allanut tunisisoq, imaluunniit ingerlatsiviit iluanni allangortitserisoq, iliuusaasut sanilliunneqarsinnaalerlutik tigussaasumik avissaartitsinernut, takuuk siunnersuummi § 23 o. Atuisartoqarnermut Unammilleqatigiinnermullu Aqutsisoqarfiup pisuni pineqartutut ittuni nalilersortassavaa pisussaaffiliussaasut naammannersut pisut nutaat naammassiniarnissaannut, imaluunniit pisussaaffiit nutaamik sanilliussilluni nalilersuineq tunngavigalugu nalequttutut nalilerneqarsinnaanersut.

Atuisartoqarnermut Unammilleqatigiinnermullu Aqutsisoqarfiup nalilersorsinnaavaa niuerfimmi misissuineq malinnaatitaq pisariaqarnerisoq, nammineq suliarissallugu imaluunniit attaveqaatigiissutinik imaluunniit kiffartuussissutinik elektroniskiusunik ataqatigiissaakkanik kikkunntut tamanut neqerooruteqartartumit tunngavilersukkamik takussutissaqartumillu niuerfimmi pineqartumi soqutigisaqartuusumit piunasaqaat tunngavigalugu.

Atuisartoqarnermut Unammilleqatigiinnermullu Aqutsisoqarfiup nalilerpagu niuerfiusuni pissutsit allannguutaasa pisariaqartileraat pisussaaffilersuinerit nalilersoqqinneqarnissaat, tassani aalajangerneqassaaq nalilersueqqinneq suliaareersumik nutarterinikkut ingerlanneqassanersoq, imaluunniit imm. 1 naapertorlugu niuerfimmi misissuisitsinermik nutaamik suliaqartoqassanersoq.

Niuerfimmi misissuinerusimasoq pissutsinut malinnaatillugu suliarineqaqqissappat, niuerfiusumi allannguutinik pissusiviusunilluunniit tunngavilimmik, kisitsisit paasissutissat misissuisimanermi tunngaviusimasut suli pissutsinut atuuttunut naapertuuttuussapput, aamma pissusiviusunik ersersitsisuullutik.

Niuerfimmi pissutsinik misissuisimanermik nutarteraluni suliaqarniarnermi nalilersorneqassaaq niuerfiusumi pissutsinik tulluurtumik nutarterineq ersersitsissanersoq, pingaarnertut piffisalersuineramik aamma nukinnik inuussutissarsiummi tassani atuinissami pissutsit eqqarsaatigalugit, kiisalu Atuisartoqarnermut Unammilleqatigiinnermullu Aqutsisoqarfimmut, niuerfimmi misissuinermut atatillugu paasissutissanik nutaanik katersiniarneq eqqarsaatigalugu.

Imm. 3-mut

Aalajangersagassatut siunnersuut imaqarpoq neqerooruteqartartunut niuerfimmi annertuumik tigungminnituusunut pisussaaffimmik, inatsisissatut siunnersuumi § 23 i-mi

aalajangersarneqartumik, Atuisartoqarnermut Unammilleqatigiinnermullu Aqutsisoqarfimmut ilisimatitsisussaaneermik, ingerlatseqatigiiffimmut pisussaaffiliunneqarsimasunut sunniuteqartussat eqqarsaatigalugit.

Pisussaaffiit sunniuteqarsinnaasut pingaarutilimmik tassaasinnaapput aaqqissuussaaniikkut imaluunniit aaqqissuussinermi allanguinerit, assersuutigalugu pisiortorneq, ingerlatanik tunisineq imaluunniit ingerlatsivinnik attaveqaatinut tunngasunik immikkoortitsinerit.

Aalajangersakkap siunertaraa qularnaassallugu Atuisartoqarnermut Unammilleqatigiinnermullu Aqutsisoqarfiup ingerlaavartumik nalilersorsinnaassagaa niuerfimmik misissuineq nutarterneqassanersoq, imaluunniit nutaamik suliaqartoqassanersoq, pisussaaffinnik sakkortusaaniarluni imaluunniit pisussaaffinnik annikillisisiniarluni.

§ 23 f-imut

Niuerfimmik killilersuisarneq marlunnik immikkoortoqarpoq, nioqqutinik aamma nalunaarasuartaaserinermut ingerlatsivimmik, aammalu nunap immikkoortuinik immikkoortitserinermik.

§ 23 g-mut

Niuerfimmik misissuisarnerit ataasiakkaat siunertaraat nalilersussallugu piviusumik niuerfiusumi unammilleqatigiittoqarnerisq. Niuerfimmik misissuinnermi inerniliisoqarpat unammilleqatigiittoqanngitsq piviusumik, niuerfimmi pineqartumi, taava qulaajarneqassaaq: 1) Neqerooruteqartartoq (tut) kina (kikkut) niuerfimmik annertuumik tigumminnittuunersoq, inatsisissatut siunnersuummi § 23 h-mi pineqartutut, taamalu kina / kikkut attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik neqerooruteqartartut suliaqarfimmut aalajangersimasunut pisussaaffilerneqassanersoq / sut, aamma

2) niuerfimmi pissutsit tigussaasut suut aamma ajornartorsiutit suut ingammik aalajangiisuunersut piviusumik unammilleqatigiittoqannginneranik eqikkaanermut, taamalu sunaassusilerneqassalluni pisussaaffiit suut atortuulersissallugit inatsisissatut siunnersuummi § 23 i naapertorlugu, niuerfimmi pineqartumi unammillerneq perrassarniarlugu.

Soorlu aalajangersakkamut siunnersuummi oqaasertaliussami ersittoq, naatsorsuutigineqanngilaq Atuisartoqarnermut Unammilleqatigiinnermullu Aqutsisoqarfiup niuerfimmi nalilersuinnermi namminerim misissussagai pissutsit oqaaseqatigiinni siullerni aamma aappaanni pineqartut. Pissutsilli pineqartut taamaattoq qulaajarneqartussaapput Aqutsisoqarfiup nalilersuinnerani inatsisissatut siunnersuummi § 23 h naapertorlugu, aamma Aqutsisoqarfiup siunnersuummi § 23 i naapertorlugu aalajangiinnerani. Taamaattumilli amerlanertigut pissusissamisoortassaaq ataatsimoortumik paasissutissanik katersisarnissaq,

nalilersuisarnissarlu pissutsinik pineqartunik ataatsimoortunik, sukkanerusumik qulaarsinnaajumallugit neqerooruteqartartuni atugassarititaasut, niuerfimmi annertuumik tigungminnittuusussatut toqqarneqarsimasuni atuuttuusut.

Niuerfimmik misissuisarnerit ataasiakkaat annertussusissaat aamma imarisassaat, pissutsinut tigussaasunut ataasiakkaanut atatillugu aamma uuttuutaasussat il.il. Atuisartoqarnermut Unammilleqatigiinnermullu Aqutsisoqarfimmi nalilersorneqartassapput, tassanilu nalinginnaasumik apeqqutaasassalluni nalilersuineq unammillertoqarnerseq pillugu misissuinermit taamaallaat tunngatinneqarnerseq, imaluunniit ilutigisaanik misissuisoqassanersseq pissutsinik siuliani eqqartorneqartunik. Aallaavittulli nalinginnaasumik misissuinerup imarisassavai niuerfimmi qanoq annertutigusumik kikkut tigungmisuunerannik nalilersuineq, akit, niuerfimmi aporfissat, aningaasaqarnermut tunngasumik pissutsit aamma aaqjissuussaannermit tunngasumik pissutsit, kiisalu nioqqutinik qanoq piumaneq annertussuseqarnerseq. Atuisartoqarnermut Unammilleqatigiinnermullu Aqutsisoqarfiulli aamma misissuineq annikinnerusseq naammagalugu ingerlassinnaavaa.

Atuisartoqarnermut Unammilleqatigiinnermullu Aqutsisoqarfiup qularnaassavaa niuerfimmik misissuineq pissusissamisoorangut unammilleqatigiinnermut oqartussaasut peqatigalugit ingerlanneqartarnissaa.

§ 23 h-mut

Imm. 1-imut

Attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut nalilerneqarpat niuerfimmi annertuumik tigungminnittuusseq, aalajangersagassatut siunnersuutaasseq naapertorlugu, taava tamanna isumaqassaaq neqerooruteqartartoq piffissamut qaninnerusumut imaluunniit ungasinnerusumut periarfissaqartoq periarfissaqalissasorluunniit niuerfimmi nukittussuseqassalluni, neqerooruteqartartumut unammillertigisat, niuerfigisat taamalu naggataagut atuisartut apeqqutaatinnagit taakkununnгалu attuumassuteqanngitsumik iliorsinnaassuseqalissalluni, takuuk nassuiaatini imm. 2.

Imm. 2-mut

Attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq niuerfimmik annertuumik tigungiaqartuunersseq pillugu nalilersuisarneq nalunaarasuartaaserinermit inatsimmik tunngavilimmik, annertunerusuni pisarpoq unammilleqatigiinnermi taaguutaasseq ”annertuumik tigungminnittuusseq” tunngavigalugu.

Unammilleqatigiinnerup nalinginnaasumik aqunneqartarneranulli illuatungiusumik niuerfimmi annertuumik tigumminnitsuusup paasineqarnissaani siumut sammisumik aalajangiisarnissanut atasumik paasinnittoqartassaaq (ex ante-regulering). Taamaasilluni tassunga attuumanngilaq niuerfimmi annertuumik tigumminnitsuunermik atonerluisoqarsimanersoq paasinnittoqassappat. Taamaattumillu pisariaqartinneqarpoq ilaatigut aaqqissuussinissaq nalilersuisarnermik, niuerfimmi annertuumik tigumminnitsuqarnersoq pillugu, unammilleqatigiinnermut inatsisini tunngaviusunut sanilliussilluni (ex post). Atuisartoqarnermut Unammilleqatigiinnermullu Aqutsisoqarfik nalilersuigaangami attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunntu tamanut neqerooruteqartartoq ataaseq arlaqartulluunniit, maanna siunissamilu piffissap ilaani niuerfimmik annertuumik tigumminnitsuunersut eqqarsaatigalugu, niuerfimmi tamatumani pineqartumi, taava aqutsisoqarfiup tunngaviusumik naatsorsuutigisat allat unammilleqatigiinnermut oqartussaasut unammilleqatigiinnermut malittarisassat naapertorlugit atortagaanniit tunngavigisarpai, piffissami aalajangersimasumi suliffeqarfik niuerfimmi annertuumik tigumminnitsuusimanersoq eqqarsaatigalugu.

Attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunntu tamanut neqerooruteqartartoq niuerfimmik annertuumik tigumminnitsuusinnaavoq, taannalu allat peqatigalugit niuerfimmi annertuutut inissisimasuusinnaalluni. Ataatsimoorussamik niuerfimmi annertuumik inissisimanermik tigumminnitsuqarsinnaavoq, aningaasarsiornikkut immikkoortunit 2-nit arlariinnilluunniit, apeqqutaatinnagu taakkua inatsisitigut aamma aningaasarsiornikkut imminnut pitussimanersut imaluunniit taamaannginnersoq.

Attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunntu tamanut neqerooruteqartartut 2 arlaqartulluunniit, sullitaminnut unammillertiminnullu ilisaritsittarput suliffeqarfittut ataatsit, ilutigisaanillu taakkua akornanni piviusumik unammillerneqanngippat, taava taakkua ataatsimoorussamik niuerfimmi annertuumik tigumminnitsuupput. Unammillertoqannginnera tigussaasumik pissuteqarsinnaavoq neqerooruteqartartut taakkua imminnut attaveqaataannik. Attaveqaatilli taamaattut tunngaviunngillat aalajangiisarnerni ataatsimoorussamik niuerfimmi annertuumik tigumminnitsuqarneranik. Aalajangersagassatut siunnersuummi aamma ilaapput pisut niuerfiup pineqartup aaqqissuussaana nallirneqartoq ataqatigiissaarisooqarnissaanik pisariaqartitsisoqarneranik, taamalu ataatsikkut imaluunniit ilutigiiissumik unammillernermi killeqartumi pissusilersornissap aaqqissuunnissaanik, niuerfimmi ikittuinnaat peqataaffigisinnaasaanni.

Nalilersuineq, attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut 2 imaluunniit arlaqarnerusut ataatsimoorlutik niuerfimmi annertuumik tigungminnitsuunersut, ingerlanneqartassaaq inatsimmi kapitali 3-mi niuerfimmi annertuumik tigungminnitsuunermut aalajangersakkat naapertorlugit.

Imm. 3-mut

Aalajangersakkamut siunnersuut atorneqarsinnaavoq niuerfimmi attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq annertuumik tigungminnitsuusumut niuerfimmi ataatsimi, tamatumalu ilutigisaanik niuerfimmi assingusumi annertuumik tigungminnitsuusumut assersuunneqarsinnaasumik tigungminnitsuusumut ataatsimut isigaluni.

Niuerfimmi siullermi nukittuumik inissisimaneq tunngavigalugu, niuerfimmilu assingusumi nukittussusilimmik aamma inissisimaneq tunngavigalugu suliffeqarfiup nukittussutsi niuerfimmi siullermi iluaqutigisinnaavaa, ingerlatsillunilu niuerfiup appaani sullitaminut pitussimangitsumik. Pinngitsoorniarlugu niuerfiup aappaani annertuumik inissisimanerminik niuerfimmut allamut nuussisinaanera niuerfiup aappaani pisussaaffilerneqarsinnaavoq.

Niuerfiup aappaani annikinnerusumi peqataanera nalilersorniarlugu imm. 1 aamma 2 assigiimmik atortinneqassapput.

Niuerfimmi annertuumik imaluunniit nukittuumik tigungminnitsuup inissisimanerminik iluaquteqarniarluni atuisinnaanera niuerfinni assingusuni, amerlasuutigut niuerfinni assingusuni ingerlanneqarsinnaavoq, assersuutigalugu attaveqaqatigiinnermi niuerfimmi nukittuumik inissisimaffigisami kingunerisaanik kiffartuussinernik kinguneqartumik ingerlatsinikkut. Pisuni taamaattuni Atuisartoqarnermut Unammilleqatigiinnermullu Aqutsisoqarfiup niuertoq neqerooruteqartartuusoq toqqarsinnaavaa niuerfinni 2-ni pineqartuni annertuumik niuertutut inissisimasussanngorlugu.

Aalajangersagarli taamaattoq aamma atortinneqarsinnaavoq niuerfinni allani sanilliunneqarsinnaasuni. Niuerfinni sanilliunneqarsinnaasuni aalajangiisuussaaq niuerfiit pineqartut 2 arlaatigut imminnut attaveqartuunersut, kinguneqartumik suliffeqarfik niuerfimmi ataatsimi annertuumik niuernermik tigungminnitsuusoq, niuerfimmi sanilliunneqarsinnaasumi unammillertiminut atasuunngitsumik ingerlatsisinnaatinneqartumik. Taamatut attaveqarnerit malugineqarsinnaapput nioqquteqartut aamma atuisut niuerfimmi pineqartumi pissusilersortarnerisigut, imaluunniit nioqqutaasup imaluunniit amerlasuunngorlugit nioqqutit tunngavimmikkut assigiinnerisigut.

Atuisartoqarnermut Unammilleqatigiinnermullu Aqutsisoqarfiup aallaavittut niuerfinni assigiissaartuni ataatsimoortunilu akornusersinnaasassavaa neqerooruteqartartup niuerfimmik annertuumik tigumminnittuusup amerlasuunngorlugit niueruteqartartup niuerfimmi pineqartumi inissisimanerminik immikkut iluaquteqannginnissaa, neqerooruteqartartoq naapertuuttunik pisussaaffilerlugu, niuerfimmi pineqartumi inissisimaneranut atatillugu. Niuerfinni assigiissaartuni imminnullu atasuni aatsaat amerlasuukkaarlugit niuernermi pissusissamisoortumik unammillertoqanngineratigut Atuisartoqarnermut Unammilleqatigiinnermullu Aqutsisoqarfiup aalajangersagaq manna atorsinnaavaa, nioqquteqartup pineqartup annertuumik niuerfiusumi niuertutut toqqarneratigut, niuerfiusuni assingusuni, niuerfimmi pineqartumi pisussaaffilersorlugu.

Apeqqutaatinnaguli niuerfik pineqartoq sunaanersoq niuerfiit arlariit taakkua elektroniskiusunik attaveqaqatigiinnikkut ingerlatsissutaasunik inatsit naapertorlugu ilisarnaateqassapput nioqquteqartuusutut niuerfimmi annertuumik tigumminnittuusutut oqaatigineqarsinnaasutut.

Siunnerfiunngilaq aalajangersagaq atortinneqartassasoq niuerfimmi nukittussutsimut atatillugu, niuerfiusumi ”aqutaasumit” niuerfiusumut nutaamut ”aqutaanngitsumut” niuernermik nuussinerni. Pisuni taamaattuni niuerfimmi annertuumik niuertutut inissisimasuunermik atornerluineq iliuseqarfigineqartassaaq unammilleqatigiinnermut tunngatillugu malittarisassat nalinginnaasut naapertorlugit.

Imm. 4-mut

Atuisartoqarnermut Unammilleqatigiinnermullu Aqutsisoqarfiup niuerfimmik nalilersuilluni misissuisarnerisa ersersippagu piviusumik niuerfimmi pineqartumi unammillertoqartoq, taava Aqutsisoqarfik immikkut pineqartumi pisussaaffilersuisinnaanngilaq, aammalu Aqutsisoqarfiup atorunnaarsittussaavai immikkoortumi pineqartumi pisussaaffiliussorneqarsimasut neqerooruteqartartumut, pineqartup niuerfimmi pineqartumi annertuumik inissisimaneera aqqiiviginiarlugu. Niuerfiusorlu pineqartoq taanna tamatuma kingorna unammilleqatigiinnermut inatsisinit nalinginnaasunit aqunneqartunngussaaq.

Assigisaanillu pisussaaffiliussat tamarmik neqerooruteqartartumut niuerfiusumi pineqartumi tunniunneqarsimasut atorunnaarsinneqassapput, niuerfimmik misissuinerup ersersippagu neqerooruteqartartut niuerfimmi tassani annertuumik niuertutut inissisimajunnaarsimasut.

§ 23 i-mut

Imm. 1-imut

Aalajangersagassatut siunnersuutaasup siunertaraa Atuisartoqarnermut Unammilleqatigiinnermullu Aqutsisoqarfiup pisussaaffilernissaa aqutsisoqarfik aqqutigalugu

tigussaasunik aalajangiisarnertigut neqerooruteqartartut niuerfimmi annertuumik tigummissuusut niuerfimmi pineqartumi unammilleqatigiiffiusumik elektroniskiusunik attaveqaatini unammillertoqarnissaanut.

Atuisartoqarnermut Unammilleqatigiinnermullu Aqutsisoqarfiup aalajangiineri imaqarsinnaapput pisussaaffiliunneqareersimasunik attassiinnarnissanik, pisussaaffinnik allannguinnissanik, pisussaaffinnik atorunnaarsitsinissanik imaluunniit nutaanik pisussaaffiliinerusinnaallutik.

Pisussaaffiit Atuisartoqarnermut Unammilleqatigiinnermullu Aqutsisoqarfiup neqerooruteqartartunut niuerfimmik annertuumik tigumiaqartunut tunniuttagai niuerfiusumik pineqartumi atugassarititaasunut naleqqussarneqartassapput. Ilutigisaanillu pisussaaffiit tikkuartassavaat unammilleqatigiinnermi ajornartorsiutaasut, niuerfiusumi sunaassusersineqarsinnaasut, niuerfiusumik misissuinerigut, inatsisissatut siunnersuummi §§-ini 23 e – 23 g-mi pineqartut, unammilleqatigiinneq siuarsarniarlugu.

Pisussaaffiliussat aallaaveqartassapput niuerfiusumi pineqartumi unammilleqatigiinnikkut ajornartorsiutinik. Tamatuma kingunerissavaa unammilleqatigiinnermi ajornartorsiutaasut niuerfiusuni allani sunnuteqartinneqassanngitsut, niuerfimmi pineqartumi pisussaaffilersuinermi. Killormullu piumasaqaataanngilaq pisussaaffik niuerfimmi niuernermik annertuumik tigumminittuusumut taamaallaat tunngatinneqassasoq. Pisussaaffillu taamaasilluni atortussaatinneqarsinnaavoq niuerfimmi pineqartumi neqerooruteqartartumut imaluunniit neqerooruteqartartunut naleqquttunut, niuerfiusumi ingerlatsinerannut atatillugu, pisussaaffiup ajornartorsiummik atugaasumik aaqiissutaasinnaaffigisaani, niuerfimmi suussusersineqarsimasumut.

Piumasaqaammut pineqartumut assersuut tassaavoq isumaqatigiissummi aningaasaqarnikkut taarsiissutaasussat isumaqatigiissutaasimasumik naammassinninnginnermi minnerpaaffissaat, imaluunniit isumaqatigiissutaareersumik naammassinninnissaq, assersuutigalugu suliamik tunniussinermi.

Atuisartoqarnermut Unammilleqatigiinnermullu Aqutsisoqarfiup aalajangersinnaavaa pisussaaffiup ilaata atortuulersinneqarnera immikkut suliamut tunngasumik aalajangiisoqarnissaanut utaqqinneqarsinnaasoq. Assersuutigalugu tassaasinnaavoq akinik nakkutilliinermut atasumik aalajangiineq, imaluunniit naatsorsuuserinermi immikkoortukkaartitsinissamut tunngasumik ersarinnerusumik aalajangiineq.

Imm. 2-mut

Pisussaaffiit Atuisartoqarnermut Unammilleqatigiinnermullu Aqutsisoqarfiup isumagisassanngortissinnaasai inatsisissatut siunnersuummi § 23 i, imm. 2, nr. 1-6-imi ersipput, taamaattoq takuuk ilanngullugu imm. 3 aamma 4. Killiliussat suuneri erseqqinnerusumik nassuiarneqarput §§-ini 23 j – 23 o-mi, kiisalu niuerfinnut tunngasumik aalajangiinerni ataasiakkaani namminerni.

Pisussaaffiit ataasiakkaat nioqqutillu pisussaaffinnut atasuusut, aalajangersarneqassapput tigussaasumillu nassuiarneqarlutik niuerfinnut tunngasunik aalajangiinerni namminerni ataasiakkaani, aamma aqutsisoqarfiup aalajangiisarnernik ingerlatsinerini. Tamatumani siunertaavoq qularnaassallugu pisussaaffinnik atuinerup eqaatsuunissaa siunertaralugu Atuisartoqarnermut Unammilleqatigiinnermullu Aqutsisoqarfiup pisussaaffiit ataasiakkaat tigussaasut naleqqussarsinnaassammagit unammilleqatigiinnermi ajornartorsiutaasunut, nioqqutini kiffartuussinernilu namminerni pineqartuni.

Nioqqutinik killilersuineq, kiisalu pisussaaffiliunneqartut naapertuuttuutitsinermik aallaaveqassapput, niuerfiusunilu unammillernermi ajornartorsiutaasunik paasineqartunik tunngaveqassallutik.

Pisussaaffiliisinnaanermut pisinnaatitaanerup kinguneraa Atuisartoqarnermut Unammilleqatigiinnermullu Aqutsisoqarfiup tunngavilersussammagu aammalu allaaseralugu qanoq pisussaaffiup pineqartup ikiorsissanerai aaqiivigalugillu unammilleqatigiinnermi ajornartorsiutaasut pineqartut niuerfiusumiittut, aalajangersakkani allaaserineqartuni isiginiagassat tunngavigalugit.

Imm. 3-mut

Aalajangersakkatut siunnersuutigineqartup ersersippaa imm. 2 tamakkiisuunngitsoq, Atuisartoqarnermut Unammilleqatigiinnermullu Aqutsisoqarfiup niuerfiusumik annertuumik tigummisaqartoq pisussaaffilerniarpagu allanik, internetimut appakaaffissaqartitsinerup, assigiinngisitsinnginnissap, akimut ersittuutitsinissap, naatsorsuutitsigut immikkoortitsinissap, akinik nakkutilliinissap aamma ingerlatsinerup immikkoortisimanissaasa saniatigut.

Allanik pisussaaffiliisoqarsinnaavoq pisussaaffiit imm. 2-miittut siunertarineqartoq naammassisimangippassuk taamalu unammilleqatigiinnermut akornutaallutik.

Imm. 4-mut

Aalajangersakkatut siunnersuutaasoq saneqqutsineruvoq immikkut imm. 3-mi aalajangersakkamik, attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut

malittarisassaliorfiginerannut, niuertunut niuerfimmik annertuumik tigummisaqartunut annikitsukkuutaanik tunisiartunut tunngatillugu.

Aalajangersakkamik pingaarnermik saneqqutsineq pisussaaffinnik atuinissamut atatillugu, imm. 2-mi eqqaaneqartoq, naapertuuttumik pisinnaatitaanerussiaaq ajornartorsiutinut paasineqartunut atatillugu. Saneqqutsinerlu taamaallaat atortinneqassalluni Atuisartoqarnermut Unammilleqatigiinnermullu Aqutsisoqarfiup nalilerpagu imm. 2-mi eqqaaneqartut pisussaaffiit unammilleqatigiinnermi ajornartorsiutinik aaqqiissutiginiassallugit naleqqutinngitsut, inatsisissatut siunnersuummi § 23 g-mi pineqartut.

Imm. 5-imut

Neqerooruteqartartunut ilisimatitsineq pisussaaffinnik allannguinnermi imaluunniit atorunnaarsitsinnermi pissutsit atuuttut naapertorlugit pisinnaasassaaq Atuisartoqarnermut Unammilleqatigiinnermullu Aqutsisoqarfiup qppersagaatigut.

Atuisartoqarnermut Unammilleqatigiinnermullu Aqutsisoqarfiup qaqugu atortuulernissaanik aalajangiinissaa allannguinnermi, imaluunniit atorunnaarsitsinnermi pisassaaq isiginiaajutigaluni illuatungaatigut pisussaaffiup qanoq nammatassatut annertutigineranik, siusinersukkut neqerooruteqartuusimasumut, illuatungaatigullu naleqqussaanissamut periarfissat neqerooruteqartartunut, nioqqummik pineqartumik pisisartunut atugassarititaasut aqutat aamma akiusut naapertorlugit.

Oqariaatsimi ”attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut sunnerneqartut” paasineqassaaq Attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut, toqqaannartumik isumaqatigiissutaasoq atuuttoq naapertorlugu neqerooruteqartartumut, niuerfimmik annertuumik tigummisuusutut naatsorsuussaajunnaartumik, atugassarititaasunik imaluunniit akinik allangortinneqartunik eqqorneqartutut.

§ 23 j-imut

Aalajangersakkami siunertaavoq periarfissiissalluni eqaannerusumik pisussaaffinnik atuinissamut, niuerfiusunut ataasiakkaanut atatillugu immikkut iliuseqarnikkut.

Imm. 1-imut

Aalajangersakkatut siunnersuutigineqartumi sunaassusilerneqarpoq aamma killilerneqarpoq internetimut appakaaffissaqartitsinerup pisussaaffiusup suunera. Imm. 1, nr. 1 – 10-mi nalunaarsukkat tamakkiisuunnigillat, attaviit, kiffartuussinerit aamma assigisaat eqqarsaatigalugit, internetimut appakaaffissaqartitsinnermi pisussaaffimmut ilaasinnaasut.

Atuisartoqarnermut Unammilleqatigiinnermullu Aqutsisoqarfiup tigussaasumik nalilersuinernik tunngaveqartumik pissutsit allat ilanngussinnaavai attaveqaatinut, kiffartuussinernut assigisaannullu, tamanna suussusiinut aamma annertussusiinut atatillugu pissusissamisoortinneqarpat, unammilleqatigiinnermi ajornartorsiutaasunik aaqqiiniarnermut niuerfiusumi paasineqartunut atatillugu.

Aalajangersakkap kinguneraa, internetimut appakaaffissaqartitsinermik atuisinnaatitaasut internetimi immikkoortunut appakaaffissaqartitsinernut takorluukkanut pisinnaatinneqassasut, kiffartuussinernut aamma kiffartuussinernit assigisaannut periarfissinneqarsinnaassasut. Internetimut takorluukkamik appakaaffissaqartitsinerup siunertaraa pinngitsoorniassallugu attaveqaatinik niuertut niuerfimmik annertummik tigungminnittuusut inissisimanermikkut neqerooruteqartartunik allanik killiliisinnaaneri, Attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut allat internetimut appakaaffissaqartitsinermik iluaquteqarsinnaaneri eqqarsaatigalugit, taamalu pisussaaffiliisinnaaneq maangaannartinneqarluni.

Kiisalu internetimut takorluukkamik appakaaffissaqartitsinikkut qularnaarneqassaaq pisussaaffik internetimut appakaaffissaqartitsinernik atortorissaatunillu atuisinnaaneq, siusinnerusukkut tunniunneqareersimasoq, takuuk inatsisissatut siunnersuummi § 23 j, imm. 1 nr. 3, taassumalu kinguneqannginnissaa niuerfimmi annertuumik tigungminnittuusup internetimut appakaaffissaqartitsinermik peqartiinnarnissaa attaveqaatinut, kiffartuussinernut assigisaannullu aaqqissuussinernut nutaangilisimasunut. Atuisartoqarnermut Unammilleqatigiinnermullu Aqutsisoqarfiup taamaasilluni pisuni aalajangersimasuni aalajangiinerni periarfissaatissinnaavaa niuerfimmi annertuumik tigungminnittuusup internetimut appakaaffissaqartitsinissamut pisussaaffimminik naammassinnittarnissaa, internetimut takorluukkamik appakaaffissaqartitsinikkut. Taamatut aaqqiissuteqarnerup aallaavittut tunngavigissavaa atugassarititaasut, akit aamma atorsinnaassutsit internetimut takorluukkamik appakaaffissaqartitsinermiittut internetimut appakaaffissaqartitsivinnertulli annerusutigut periarfissiinissaat.

Internetimut takorluukkamik appakaaffissaqartitsineq isumaqartinneqarpoq attaveqaammik neqerooruteqartartup niuerfimmik annertuumik tigungminnittuusup attaveqaatip ilaanik, kiffartuussinernik imaluunniit assigisaanik kiffartuussinernik atugassiisussaana, kiisalu atugassarititaasut aamma akusut aammalu attaviit, kiffartuussinernit assigisaallu pisussaaffiliussaasut internetimut appakaaffissaqartitsinermut naapertuuttuunissaat ataavartumik internetimut appakaaffissaqartitsisoqanngikkaluartoq. Allatut oqaatigalugu attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq internetimut appakaaffissaqartitsiumalluni

qinnuteqartoq internetimut appakaaffissaqartitsinermik tunineqassaaq, internetimut appakaaffissaqartitsivinnertulli atorsinnaatigisumik.

Nioqqut nalinginnaasumik internetimut takorluukkamik appakaaffissaqartitsinermik pisussaaffilerneqarsinnaasoq tassaasarpoq internetimut appakaaffissaqartitsinerup ilaani inissaq imaluunniit ataatsimoorussamik attavimmi inissaq.

Internetimut appakaaffissaqartitsinerup pisussaaffiata annertussusia, tamatumani aamma nioqquteqartartumik niuerfimmi annerpaamik tigumminnittumut internetimut takorluukkamik appakaaffissaqartitsinermik pisussaaffiliisoqassanersoq, niuerfimmi aalajangiinerni ataasiakkaani aalajangersarneqartassaaq.

Pisussaaffiliunneqarsinnaasut killingi (piviusumik imaluunniit takorluukkamik) internetimut appakaaffissaqartitsinermi, killiligaavoq atsikkutigiissaartumik ileqqumi, siunnerfeqartumik internetimut appakaaffissaqartitsinermik pisussaaffik akulerunnerussanngitsoq, pisariaqartut sinnerlugit, unammilleqatigiinnermi ajornartorsiutaasut suussusissarsiniarneranni, isiginiagassanut allanut sanilliullugu. Tamannalu ilaatigut kinguneqassaaq Atuisartoqarnermut Unammilleqatigiinnermullu Aqutsisoqarfiup niuerfimmi killilersugaanngitsumik unammilleqatigiinnermut qanittumi pisussaaffilersuinissamut tunuarsimaartussaananeramik, niuerfinni unammilleqatigiinnermi aqqissuussaanikkut ataavarnerusunik ajornartorsiuteqarfiusunut sanilliullugu.

Atuisartoqarnermut Unammilleqatigiinnermullu Aqutsisoqarfiup niuerfimmi annertuumik niuernermik tigumminnittuusoq pisussaaffilerpagu, internetimut appakaaffissaqartitsinermik neqeroornissaanut, imaluunniit internetimut appakaaffissaqartitsinermut naapertuuttumik piumasqaataasoq akuerippagu, piumasqaataasoq taamaallaat itigartinneqarsinnaassaaq nalilersuinermik tunngaveqartumik, attaveqaasiinissaq teknikkikkut periarfissaqarnersoq – naammassineqarsinnaanersoq, - imaluunniit attaveqaatip immikkuullarissusia attatiinnassallugu pisariaqarnersoq.

Neqerooruteqartartoq niuerfimmi niuernermik annertuumik tigumminnittuusoq internetimut appakaaffissaqartitsinermik neqerooruteqanngippat, pisussaaffigisaminut naapertuuttumik, imaluunniit kissaateqarneq naapertuuttoq itigartippagu, itigartinneqartup itigartitsineq Atuisartoqarnermut Unammilleqatigiinnermullu Aqutsisoqarfimmut suliassanngortissinnaavaa, inatsisissatut siunnersuummi § 23 p imaluunniit § 23 q naapertorlugu, soorluttaaq neqerooruteqartartup niuerfimmik annertuumik tigumminnittuusup suliassanngortissinnaagaa apeqqutigalugu itigartitsineq eqqortuliornerunersoq. Neqerooruteqartoq niuerfimmi annertuumik tigumminnittuusoq naapertuutissanngitsoq ingerlatseqatigiiffimmut qinnuteqaat akuerissallugu, niuerfimmik annertuumik

tigumminnitsuusup apeqqut Atuisartoqarnermut Unammilleqatigiinnermullu Aqutsisoqarfimmut suliaassanngortissinnaavaa.

Niuerfimmi niuerneramik annertuumik tigumminnitsuusoq pisussaaffiligaasorlu internetimut appakaaffissaqartitsinissamut, qinnuteqaataasunillu tamanik naapertuuttunik akuersisussaataitaasoq, taamaattoq pisussaatinneqarsinnaanngilaq internetimut appakaaffissaqartitsiniarnissamut ikkussussallugit periarfissaqanngitsunik, taamaattoq takuuk siuliani internetimut takorluukkamik appakaaffissaqartitsineq.

Internetimut appakaaffissaqartitsinissamik imaluunniit peqatigiilluni ataatsimut atuisitsinnaatitsinissamik itigartitsisarnermut atatillugu apeqqummut atatillugu inatsisissatut siunnersuummut oqaaseqaatini § 23 d-mut innersuussisoqassaaq.

Atugassiissuteqartarneq paasineqassaaq attartortarnertut allatigullu assingusunik aaqqissuussisarnerlut.

Neqerooruteqartartoq niuerfimmi annertuumik tigumminnitsuusoq, pisussaaffilerneqartorlu internetimut appakaaffissaqartitsinissamik, pisussaaffilerneqarsinnaavoq internetimut appakaaffissaqartitsisarnermini pissuserissaarnissaanut, eqqortumik periaaseqarnissaanut piffissaliussamilu suliamik nammassisaqartarnissaanut. Tassaniipput neqerooruteqartartoq allaffissornermut atatillugu internetimut appakaaffissaqartitsilersuinermini aaqqissuussinernik, piumasaqaatinik paasinninnernik iliuutsinillu allanik pilersitsissanngitsoq kinguaarsaassutaasinnaasunik, killilersuutaasinnaasunik imaluunniit internetimut appakaaffissaqartitsinissap pinngitsoortinnissaanut pissutaasinnaasunik, taamatut iliorneq illersuiniarnermik tunngavilimmik immikkut tunngavissaqartinnagu.

Pissuserissaarnissamik naapertuuttumik iliornissamik aamma piffissaliussanik eqqortitsisarmissamut tunngasunik piumasaqaatit isigineqassapput atasutut eqaatsumik niuerfimmi sukkasuumik ineriartorfiusumi, teknikkimik nutaaliaasumik atuiffiusumi ineriartortitsiviusumilu ingerlatsisoqarneraniit. Tamanna periarfissiisinnavaoq neqerooruteqartartoq annertuumik tigummissuusup internetimik ima atuisitsisinnaalersillugu attaveqatigiissutinik imaluunniit kifpartuussissutinik elektroniskiusunik ataqatigiissaakkanik kikkunnut tamanut neqerooruteqartartut allat internetimut appakaaffissaqartitsinerini pisussaaffilikkani atuisinnaanerannik ajornartorsiortitsilerluni allaallu ajornavitsilerlugu.

Imm. 1-imut

Internetimut appakaaffissaqartitsinerni ilaapput attartortarneq attaveqatigiinnermi immikkut illersugaanngitsunik isorartuumi attavinnik, tamatumani aamma avitsisarlungi atuisarnerit, aammalu attavinni aaqqissuussinerit immikkuullarissut allat, sumiiffinni assigiinngitsuni

ataqatigiissitsisarfiit inissisimasut aamma. Attaveqaatit kabilit atortorissaarutitaqanngitsut nassitsisarnernut, assersuutigalugu kanngussak attavik, qaamarnup aqqutaa – lysleder aamma koaksialkabler – akoqanngitsut, nalunaarasuartaaserinermut aqqutit immikkut illersugaanngitsut (radiup maligaasaanik nassitsissutit) tamatumani aamma pineqartunut ilaapput.

Taaguummilu aamma ilaapput maligaasanik kaaviiartitsiviit aalajangersimasut aamma nioqqutit illersugaasut taaguummi ilaasut.

Nr. 2-mut

Pisussaaffik isumaqatigiinniartarnissanut ilumoortunik siunertalimmik tunngaviatigut imaqarpoq attaveqaatinik niuerfimmi neqerooruteqartartup niuerfimmik annertuumik tigungminnituusup piviusorsiorturnik isumaqatigiinniartarnissaa isumaqatigiissuteqarniarluni. Piviusorsiorturnik siunertaqannginnertut assersuutitut taaneqarsinnaavoq isumaqatigiinniarneq pisunik sivitsorsaaniarnernarmik imaqartoq attaveqaasersuisartumit ingerlanneqartoq.

Nr. 3-mut

Internetimut appakaaffissaqartitsinernik ingerlatsiinnarnissamut pisussaaffeqarneq isumaqarpoq atortorissaarutit siusinnerusukkut atortinneqarsinnaasimasut ingerlatiinnarneqartussaasut, attaveqaatinillu neqerooruteqartartup niuerfimmi niuernermik annertuumik tigungminnituusup attaveqaqatigiinnermut atortorissaarutitik atorunnaarsitsisinnaannginnera. Tamatumani aamma ataatsimut attaveqaateqarnermut atortorissaarutitik il.il., imaluunniit iliuuseqarsinnaanngitsoq attaveqaatinut atatillugu ajorseriartitsisinnaasunik unammillertuusinnaasulluunniit atugaannik mangiaasinnaanngitsoq.

Atuisartoqarnermut Unammilleqatigiinnermullu Aqutsisoqarfiup atortorissaarutitut internetimut appakaaffissaqartitsinernik siusinnerusukkut akuerineqarsimasunut attasiinnarnissamik pisussaaffiliinermini neqerooruteqartup annerpaamik tigungminnituusup attaveqaatimi ineriartortinnissanut annertusarnissanullu aammattaaq attaveqaatit pisoqalisimasut atorunnaarnissaannut periarfissai ilanngullugit eqqarsaatigisariaqarpai, unamillertaasinnaasut unammillernikkut atugassaasa attatiinnarnissaannut naleqqiullugit.

Pissutsit tunngavigalugit taakkua imminnut akerliusut isiginiagassat assersuutigalugu naammassiniarneqarsinnaapput internetimut takorluukkamik appakaaffissaqartitsinernik atuinikkut, takuuk ersarinnersumik siuliani imm. 1, imaluunniit ikaarsaariarnermi aqqissuussinernik pilersitsisarnerit.

Atuisartoqarnermut Unammilleqatigiinnermullu Aqutsisoqarfiup taamaasilluni niuerfimmi atugaasunut tunngatillugu aalajangiinnermini pisussaaffiliussinnaavaa internetimut

appakaaffissaqartitsinermik ingerlatsiinnarnissaq siusinnerusukkut akuersissutigineqarsimasoq, pisussaaffiit naleqqussarsinnaallugit, taamaasilluni attaveqaatinik annertuumik niuerfimmi tigumminnituusup inissisimanageranik pisariaqanngitsumik allannguisoqarnissaa pinngitsoorniarlugu, attaveqaateqarneq ingerlatsiinnarniarlugu attaveqaatinut kiffartuussinernulluunniit pioreersunut.

Nr. 4-mut

Aalajangersakkamut siunnersuummi pineqarput tunisaasunik tuniseqqissinnaanerit, niuerfimmi annertuumik tigumminnituusup nioqputai ineriikkat nioqquteqartartumut allamut tunineqarsinnaatillugit, tassanngaaniillu atuisartunut tunineqarsinnaanerit ammatillugu.

Nr. 5-imut

Kiffartuussinernik neqerooruteqartarnermut imaluunniit kiffartuussinernik ineriartortitsinernut aalajangiisuvoq neqerooruteqartartut niuerfimmi niuernerimik annertuumik tigummitut periarfissaqartut attaveqaatinut atatillugu killiligaanngitsunik periarfissaqarnissaat saqqumisup ilusaanut, protokollinut imaluunniit teknologiimi atortorissaarutinut il.il. allanut.

Nr. 6-imut

Ataatsimut attaveqaatinik atuisoqartarnissaanut pisussaaffiliisinnaanerup siunertaraa attaveqaasersuinerni aporfissaasinnaasut annikillisarnissaat aammalu nalunaarasuartaaserinermi unammillernerup annertusarnissaa.

Ataatsimut ineqartitsinermik taaguummi pineqarpoq attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnet tamanut neqerooruteqartartut allat aamma periarfissaqartinneqassasut atuisinnaanissaannut, namminneq qitiusumik ingerlatsivimminnik – centraliminnik – pisariaqartunillu nassiussuisarnermut atortorissaarutiminnik, attaveqaasersuutiminnik, attaviillu atatsimootitsissutaannik il.il. ikkussuisarsinnaanissaat, attaveqaatinut ingerlatsivinni niuerfimmi niuernerimik annertuumik ingerlatsisuusut namminneq pigisaminnik atortorissaaruteqarfigisaanni, imaluunniit inissisimaffiutaanni allani, annertuumik attaveqaatinik ingerlatsisuusup nammineq pigisaani, attartugaani allatulluunniit atorsinnaasaani.

Taamaattumillu aallaavittut killiliisoqanngilaq sumiiffiit pineqartut oqaluserinerini, attaveqaatinik neqerooruteqartartup niuerfimmi niuernerimik annertuumik ingerlatsisuusup ingerlatsivigisaanut atatillugu. Ataatsimut ineqartitsisinnaanerimut pisinnaatitaaneq sumiiffinni tamani, tamatumani aamma attaveqaatinut atassusiisarfinnut atatillugu, ataatsimut

ineqartitsisinnaanermut pisussaaffiup unammilleqatigiinnermi ajornartorsiutaasut suussusilerneqartut aaqqiissutissarsiniartarneranni.

Ataatsimut ineqartitsisinnaanermi internetimut appakaaffissaqartitsinermut pisinnaatitaanerup ilagisinnaavaa atuisinnaaneq aamma aserfallatsaaliisinnaaneq, nammineq atortorissaarutinik unammilleqatigiinnerup iluani ajornartorsiutaasunik suussusilersorneqartartunik isiginninneq tunngavigalugu. Pisinnaatitaanerullu assersuutigalugu ilagisinnaavaa pisinnaatitaasup allamik pingajuusumik, tamatumani aamma neqerooruteqartartuusumik, ikkussuisitsisinnaanera aamma aserfallatsaaliisitsisinnaanera, ataatsimut ineqarfigitap iluani.

Aalajangersakkamilu aamma ilaasinnaapput pisut, ataatsimut ineqartitsinissamut periarfissaqartitsiviunngitsuni, illuummi pineqartumi, aqquernup sinaani ikkussuisarfimmi skaavimmi il.il. Pissutsini taamaattumi neqerooruteqartartoq niuerfimmi niuerneramik annerpaamik tigumminnittuusooq pisussaaffiligaasinnaavoq aningaasartuutitaqanngitsumik nassiussuisarnermi annertussuseq pisariaqartinneqartoq allanut, sumiiffinnut kissaatigineqartunut, atugassanngortissallugu, kingornalu ataatsimoortumik ineqartitsineq malittarisaliuunnerit naapertorlugit tunniunneqarluni (takorluukkamik ataatsimoortumik inissaqartitsineq).

Attaveqaatitsigut aallakaatitsisarnerup annertoqatigissavaa sumiiffimmi ataatsimoorussamik nassiussuisinnaanerup kissaatigineqarsimasup annertussusia. Siuliani internetimut takorluukkamik appakaaffissaqartitsinissamut pisussaaffiisa siunertai allaaserineqartut tamatumani innersuunneqassapput.

Niuerfimmut tunngasumik aalajangiinerni ataasiakkaani takorluukkamik ataatsimut ineqartitsisarnermi pisussaaffiit annertussusiat aalajangerneqartassaaq.

Attaveqaatinik neqerooruteqartartup niuerfimmi annertuumik tigumminnittuusup qinigassaraa ataatsimoorussamik aallakaatitsissutit ineqartinneqartarnerisa qanoq aaqquissuunneqarnissaat. Tamanna assersuutigalugu pisinnaavoq aqquernup sinaani atortorissaarutit skaavianni ataatsimi, DSLAM-imut atortorissaarutinik taaneqartut katersorneqarfigisaanni inissiisarfimmi skaavimmi annertunerusumi, neqerooruteqartartut arlaqartut atortuminnik ataatsimoortitsiffigisinnaasaanni, imaluunniit immikkut aqquernup sinaani nammineq atortorissaarusiinnikkut.

Aalajangersagaq tamakkiisumik nalunaarsuinernik imaqqanngilaq nioqqutit aamma sumiiffimmiittut pillugit, ataatsimoortumik inissinneqartussaatinneqarsinnaasut eqqarsaatigalugit. Aalajangersagassatullu siunnersuutaasup killiliussaasa iluanni pisussaaffiliussassanik aalajangersaasoqarsinnaavoq, niuerfimmi pineqartumi namminermi

pissutsinut naleqqussagaasunik. Tamanna pisariaqarpoq nalunaarasuartaaserinermut ingerlatsivimmi assut sukkasuumik ineriartorfiusumi.

Nr. 7-imut

Aalajangersagassatut siunnersuut siunnerfeqarpoq kiffartuussinernut pisariaqartinneqartunut atortorissaarutit nutaat imminnut suleqatigiissinnaanissaannut, attaveqaatiniit atuisunut.

Inatsisissatut siunnersuummi § 23 a, imm. 2 naapertorlugu attaveqaqatigiissutinik imaluunniit kiffartuussissutinik elektroniskiusunik ataqatigiissaakkanik neqerooruteqartartut tamarmik pisussaaffilerneqarsinnaapput atortorissaarutit nutaat imminnut suleqatigiissinnaanissaannut qularnaarisarnissamut, atuisunullu attaviliisarnissanut.

Aalajangersakkamut siunnersuutaasup aalajangiuppaa aamma attaveqaatinik niuerfimmi annertuumik tigumminnittuusut pisussaaffilerneqarsinnaasut internetimut appakaaffissaqartitsinernik kiffartuussinernut immikkut pineqartunut, atortorissaarutinit aamma assigisaannut, tamatumunnga atatillugu. Taamaattoq immikkoortuni pineqartuni arlariinni pisussaaffiliussaasinnaasut assigiinngillat.

Inatsisissatut siunnersuummi § 23 a, imm 2 naapertorlugu atuisunut attaviliisarnermi imaluunniit atortorissaarutit nutaat imminnut suleqatigiissittarnerini ajornartorsiutaasartut tigussaasuusassapput imaaliinnarlutillu paasineqarsinnaasuullutik, pisussaaffiliisoqannginnerani.

Tamatumali illuatungaani attaveqaatinik neqerooruteqartartut niuerfimmi niuerneramik annertuumik tigumminnittuusut pisussaaffilerneqarsinnaapput qularnaarumallugu atuisut imaluunniit atortorissaarutit nutaat imminnut suleqatigiissinnaaneranni attaviit, immikkut pisunut namminernut aalajangersimasunut tunngasuunngikkaluarpataluunniit. Tamatumani pissutaavoq attaveqaatinik neqerooruteqartartut niuerfimmi niuerneramik annertuumik tigumminnittuusut, taamatut niuerfimmi inissisimanertik pissutigulugu attaveqaatinik nakkutiginnissinnaanerummata nakkutiginninnerullutillu, neqerooruteqartartullu allat apeqqutaatinnagit iliorsinnaassuseqarlutik.

Nr. 8-mut

Qarasaasiami programmit aqqissuussinerillu, tamatumani aamma ingerlatsinermut tapersiissutaasartut, paasineqassapput aqqissuussinertut pisariaqartutut qularnaarumallugu nalunaarasuartaaserinermi unammilleqatigiinnerup piviusuunissaa. Assersuutigalugu tassaasinnaapput aserfallatsaaliinermi atortorissaarutit, kukkuniaatit imaluunniit inniminniisarnerni atortorissaarutit.

Nr. 9-mut

Internetimut appakaaffissaqartitsinerni attaveqaasersinnaanermut ilaapput tigussaasumik imaluunniit pissusissamisoortumik attaveqaqatigiinnermi atortunut sunulluunniit attavilersinnaaneq, tamatumani aamma tamanna paasissutissanik nassiussuinermit katersinermullu tunngasuuppat, nassiussuinerup nassiussukkallu katersortarneri, attaveqaasersuisarneq aamma nassiussuineq aaqqissuussamik.

Nr. 10-mut

Kiffartuussinerit kinaassutsimut tunngasut, nunap suatungaani inissisimaneq aamma najuunneq, tassaapput qarasaasiami paasissutissanik katersiviit – database-t imaluunniit attaveqaatinut nalunaarsuiffiit, atortorissaarutit tamatumunnga atasut assigisaallu, sulianik ingerlatsinerni pingajuusup naammassisaqarfiusumik ingerlatsisinnaaneranut aamma pilersaarusiorsinnaaneranut isumaqartut imaluunniit sunniuteqartut.

Imm. 2-mut

Aalajangersakkamut siunnersuummi qularnaarniarneqarpoq Atuisartoqarnermut Unammilleqatigiinnermullu Aqutsisoqarfiup pisussaaffilersuinnginnissaa unammilleqatigiinnermi, ineriartornermik unammilleqatigiinnermillu akornusiisinnaasunik ungasinnerusumut, aamma nunat tamalaat akornini kiffartuussinerit. Tamatumalu ilaatigut kingunerissavaa Atuisartoqarnermut Unammilleqatigiinnermullu Aqutsisoqarfiup pisussaaffinnik aalajangersaanermini isiginiassagaa kiffartuussinermik tunngaveqartumik unammillernerup unammillernermi inissisimamera, unammillertit namminneq atortorissaarutaannik tunngaveqartoq.

Atuisartoqarnermut Unammilleqatigiinnermullu Aqutsisoqarfiup pisussaaffiit ataasiakkaat ilusilersorneranni isiginiassavaa pisussaaffiup pininnaatitaaffiit ilisimasanik tunngavillit sunnersinnaanera, tamatumani aamma nioqqutissat meqqii, piginneqqaartussaataaneq aamma patent-it, niuerfimmi niuerneramik annertuumik tigumminnittuusumit pigineqartut imaluunniit pingajuusunit pigineqartut.

Isiginiagassat nakkutigineqartussat eqqartorneqartut tamakkiisuunngillat, pineqartunilu immikkut nakkutilliilluni isiginiaasoqassalluni.

§ 23 k -mut

Imm. 1-imut

Assigiinngisitsinninnissamut pisussaaffeqarneq paasineqassaaq naligiimmik pinninnissamik piunasaqartoqarneranik, atugassarititaasuni assigiissuni, kiisalu naapertuilluartumik pissuserissaartumillu oqimaaqatigiissitsinermik tunngavilimmik periaaseqarnissaanik. Tamanna paasineqassaaq attaveqaqatigiissutinik imaluunniit kiffartuussissutinik

elektroniskiusunik ataqatigiissaakkanik kikkunnut tamanut neqerooruteqartartuni marlunni arlaqartuniluunniit atugassarititaasut aamma akiusut, neqerooruteqartartumut niuerfimmi niuermik annerpaamik tigumminnittumut, assigiinngisitsinnginnissamut pisussaaitaasumut, pissutsit atugassarititaasut assigiissimappata aallaavittut assigiittussaasut.

Assigiinngisitsinnginnissamik pisussaaffittut aamma paasineqassaaq attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq niuerfimmi niuermik annerpaamik tigumminnittuusumut taamatut pisussaaffiligaasimasumut isumaqatigiissuteqartoq, pisinnaatitaammat atugassarititaasut aamma akiusut assigisaasa atortinneqarnissaannut, niuerfimmik annertuumik tigumminnittuusup nammineq illup iluani atortuutitaanik, tamatumani aamma ingerlatseqatigiiffinnut allanut aamma suliffeqarfinnut, ingerlatseqatigiiffissuup nammineq iluani, suleqatigisanullu aamma allanut. Assigiinngisitsinnginnissamillu pisussaaffeqarnermut apequtaanngilaq niuerfimmi annertuumik tigumminnittuusup pineqartup paasinninnera aamma aaqqissuussinera nammineq nioqqutiminik assigisaanillu.

Pisussaaffimmut ilaapput nioqqutit pingaarnert avataasigut nioqqutaasut allat, imaluunniit nioqqutit nutaat ilanngunneqartartut nioqqutinut pingaarnernut. Tamanna atuuppoq apequtaatinnagu nioqqutit nutaat ingerlatsiviup iluani nioqqutaanersut, imaluunniit avammut nioqqutaanersut.

Imm. 2-mut

Aalajangersagassatut siunnersuutaasukkut qularnaarneqassaaq kiffartuussinerit imm. 1-imi nalunaarneqartut, niuerfimmi annertuumik tigumminnittuusumut neqeroorutigineqartut, taassuma ingerlatseqatigiiffissuata ataani ingerlatseqatigiiffinnut suleqatigisaanulluunniit neqeroorutigineqartut killilerneqassanngitsut nioqqummut ataatsimut, kisianni aalajangersagaq aamma kiffartuussinernut, nioqqutit arlaqartut katitserlugit aaqqissuussaasumut atuuttusoq. Tamatumunnga assersuut tassaasinnaavoq nioqqutigeqqinneqartartoq, ataatsimoortunik annertuumik nioqquteqartarneq ineriikkatut, nioqqutissianit arlalinnit katitsigaasunik, assersuutigalu ilassummik, assartuinermik imaluunniit atortorissaarusuinermik.

Assigiinngisitsinnginnissamik pisussaaffimmi tamatuma saniatigut ilaapput ilaatigut akilersuutit, kiffartuussinerit aamma atortorissarutit. Tamatumani assersuutigalugu aamma pineqarput piffissaq nioqqutaasunik tunniussiviususaaq, inniminniisarnermi periaatsit aamma qarasaasianut – database-nut – il. il. isersinnaatitaaneq, ilaasartoq nioqqutit assigiinngitsut ilaattut, ilassusit kiffartuussissutit imaluunniit atortorissarutit.

Nalunaarasuartaaserinermik ingerlatsivillu assut sukkasuumik ineriartortuummat, taaguut ”sanilliunneqarsinnaasut” eqaatsumik isiginiarneqassaaq. Assersuut alla kiffartuussinernut

sanilliunneqarsinnaasunut atatillugu BSA aamma kanngussak akuiagaangitsoq. Nioqqutit, kiffartuussinerit aamma atortorissaarutit ullumikkut sanilliunneqarsinnaangitsutut isigineqanngitsoq, piffissap ingerlanerani sanilliunneqarsinnaaleraannaapput.

Assigiinngisitsinninnissamik ileqqoqarneq atortussaatinneqarpoq atugassarititaasut aalajangersimasut imaluunniit akiusut aalajangersimasut isumaqatigiissutaasut allat akiusullu isumaqatigiissutini aalajangersimasuni tunngavigalugit. Taamaasilluni aalajangersagassatut siunnersuutaasooq innersuullugu periarfissaanngilaq immikkut toqqartuissalluni atugassarititaasunik isumaqatigiissutini assigiinngitsuni, internetimut appakaaffissaqartitsinissamut isumaqatigiissuteqarnermut atatillugu, akiusut aamma atugassarititaasut atuuttuusut isiginiarnagit. Pisuni aalajangiisuussaaq atugassarititaasut aamma akiusut imminnut sanilliullugit assersuunneqarsinnaanersut.

Assigiinngisitsinninnissamik aalajangersaanermut atatillugu Atuisartoqarnermut Unammilleqatigiinnermullu Aqutsisoqarfiup isiginiassavaa eqqumaffigalugulu nalunaarasuartaaserinermik suliaasaqarfimmi ineriartorneq assut sukkasuumik pimmat, tamannalu isiginiarlugu pisussaaffiit qaqugumut atortuunissaat aalajangersartarlugu.

Assigiinngisitsinninnissamik pisussaaffeqarneq taamaasilluni aaqqissuussinerunngilaq uninnaanartoq, kisiannili Atuisartoqarnermut Unammilleqatigiinnermullu Aqutsisoqarfimmit naleqqussarneqartartussaalluni, unammillermi pissutsit unammillerfiusumi namminermi atuuttuusut isiginiarlugit. Atuisartoqarnermut Unammilleqatigiinnermullu Aqutsisoqarfiup tamatumunnga atatillugu periarfissaqarfigissavaa piunasaqaateqartarsinnaaneq unammilleqatigiinnermi isumaqatigiissutaasartuni saqqumisut ilusissai eqqarsaatigalugit, niuerfimmi niuerneramik annertuumik tigungminnitsuusut ingerlataasa assigiinngitsut akornanni. Saqqumisut ilusissai pineqartut iluanni isumaqatigiissutaasuni ilanngullugit aaqqissuunneqassapput, taakkunanilu ilaassallutik atugassarititaasut, akit, teknikkimut tunngasut allallu.

Imm. 3-mut

Aalajangersakkami siunertaavoq Atuisartoqarnermut Unammilleqatigiinnermullu Aqutsisoqarfiup periarfissaqartinneratigut unammillernermik siuarsaaviusussamik ineriartortitsinissamut piffissaliinikkut, neqerooruteqartartunut tamanut internetimut appakaaffissaqartitsinernik neqerooruteqartartunit tamanit pisisartunut tamanut attaveqaatinik niuerfimmi niuerneramik annertuumik tigungminnitsuusut internetimut appakaaffissaqartitsinerit nioqqutaasut allannguuteqarnissaannut paasissutissanik kingullernik pissarsisinnaanermut periarfissaqartinnerisigut piffissaqartitsilluni atuisartunut nioqqutit pitsaanerulersinneqarsinnaasarnissaat.

Aalajangersakkap kinguneraa Atuisartoqarnermut Unammilleqatigiinnermullu Aqutsisoqarfiup niuerfimmum tunngasunik aalajangiinerni tigussaasunik piumasaqaatinik aalajangersaasarnissaa, internetimut appakaaffissaqartitsinernut nutaanut allanngortinneqartunulluunniit piumasaqaataasussat uninngatinneqartassasut neqeroorutigineqarnissaminut piffissami aalajangikkami, neqerooruteqartartut allat piffissaqarsinnaaqullugit nioqqutinut nutaanut tunngasunik qisuariarnissanut.

§ 23 l-imut

Akimut ersittuutitsinissamut pisussaaffiup ilaatigut kinguneraa attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunntu tamanut neqerooruteqartartoq internetimut appakaaffissaqartitsinermik noqqaasoq, internetimut appakaaffissaqartitsinermut atugassarititaasunik aamma akiusunik neqerooruteqartup piumasarinnaasaanik ilisimatinneqassammat, atugassarititaasut akillu assigiissaakkamik neqeroorutiniinnerat pissutigalugu, imaluunniit atugassarititaasut aamma akiusut isumaqatigiissutaasuni allani atuuttuummata, internetimut appakaaffissaqartitsinermut nioqqummut pineqartumut atatillugu, taamalu assigiinngisitsinnginnissamut pisussaaffik naapertorlugu pineqartumut aamma atuussinnaallutik. Kiisalu aamma paasissutissiisoqassaaq atugassarititaasut aamma akiusut qanoq ataqatigiinnerat pillugu.

Niuerfimmik annertuumik tigumminnittuusup akimut ersittuutitsinissamik pisussaaffilerneqarneranut atatillugu, aamma ilaatigut aalajangersarneqassapput imarisassanut piumasaqaataasussat minnerpaat, paasissutissat suut ilaassanersut tamanulluunniit takusassarineqassanersut, paasissutissat qanoq immikkuualuttortalersugaatigissanersut, qanorlu tamanut tusagassiineq aaqquissuunneqassanersoq. Aalajangersaaneq pissaaq niuerfimmi unammillernermi atugassarititaasut tunngavigalugit.

Imm. 1-imut

Pisussaaffimmippu namminerisamik paasissutissiisarnissaaq, Atuisartoqarnermut Unammilleqatigiinnermullu Aqutsisoqarfiup aalajangersarsimasaanik, susassaqtunut atugassiinikkut.

Assersuutigalugu Atuisartoqarnermut Unammilleqatigiinnermullu Aqutsisoqarfiup piumasarinnaavaa niuerfimmi niuernermik annertuumik tigumminnittuusup tamanut takusassiarisassagai teknikkimut tunngasunik nalunaarsuutit, attaveqaatini ilisarnaatit, piumasaqaatit aamma atugassarititaasut attaveqartitsinermi atuisarnermilu, kiisalu tamatumunnga akiusut. Atuisartoqarnermut Unammilleqatigiinnermullu Aqutsisoqarfiup ilanngullugu aamma piumasarinnaavaa neqerooruteqartartup paasissutissat aalajangersimasut tamanut takusassiarisassagai, internetimut appakaaffissaqartitsinermi nioqqutaasut aamma allannguinissat tamatumani pilersaarutigineqartut ilanngullugit.

Imm. 2-mut

Aalajangersagassatut siunnersuutaasut siunertaraat qularnaassallugu atugassarititaasut aamma akiusut tamanit malinnaavigineqarsinnaanissaat, attaveqaatinik niuernermik annertuumik tigungminnitsuusup neqeroorutigisagai. Assigiissaakkanik neqerooruteqartussaaneermik piunasaqarsinnaaneq pisussaaffiuvoq Atuisartoqarnermut Unammilleqatigiinnermullu Aqutsisoqarfiup tunniussinnaasaa, niuerfimmi niuernermik annertuumik tigungminnitsuusumut, neqerooruteqartatup assigiinngisitsinnginnissamik pisussaaffilerneqarneranut atatillugu, takuuk inatsisissatut siunnersuummi § 23 k.

Taaguummi ”qilertaanngitsut” ilaatigut pineqarpoq assigiissaakkamik neqeroorutaasut imaqaassanngitsut piunasaqaatinut taarsiullugu pisisup iliuusissaanik isumaqatigiissuteqarnissamut atatillugu, soorluttaaq inerteqqutaasoq poortukkatut aaqqitanik qilertanngortitsinerlu neqeroorutini nalinginnaasuni ilaatitaqartoqartarsinnaanera.

Neqeroorutininik assigiissaakkanik suliaqartarnerup taarsinngilaa pisussaaffik, niuerfimmi niuernermik annertuumik tigungminnitsuusup isumaqatigiinniarsinnaassusia internetimut appakaaffissaqartitsinissamut, imaluunniit isumaqatigiissummik allannguinnissamut attaveqaammut atatillugu, immikkuullarissumik atugassarititaasunik akinillu imaqartumik. Neqerooruteqartartoq niuernermik annertuumik tigungminnitsuusoq assersuutigalugu taamaasilluni assigiissaakkanik neqeroorutaasut innersuullugit internetimut appakaaffissaqartitsineq imaluunniit peqatigiilluni ataatsimut atuisitsisinnaatitsineq naapertuuttoq itigartiinnarsinnaanngilaa, atugassarititaasunik allanik akilersuisitsisarnernillu allanik imaqartoq, neqerooruteqartartoq pisussaaffiligaasimappat neqeroorutit taamaattut naapigiartassallugit.

Imm. 3-mut

Assigiissaakkamik neqeroorutit ataatsimoortitaanngitsumik pisartagarsinnaanermut atuuttoq piffissami sumiluunniit, minnerpaatut imaqassaaq atugassarititaasunik niuerfimmi aalajangiinerni aalajangersarneqarsimasunik.

Imm. 4-mut

Assigiissaakkamik neqeroorutit tamanut takusassiarinninnerup saniatigut aamma Atuisartoqarnermut Unammilleqatigiinnermullu Aqutsisoqarfimmut nassiunneqartussaaneerinik piunasaqaat siunertaqarpoq qularnaarinissamik Atuisartoqarnermut Unammilleqatigiinnermullu Aqutsisoqarfiup neqeroorutininik niuerfimmi niuernermik annertuumik tigungminnitsuusut tamatigut neqeroorutit nalinginnaasut kingulliit aallaavigalugit periaaseqartarnissaannik.

Imm. 5-imut

Atuisartut attaviinut qilertaanngitsunik appakaassinnaaneq pillugit neqeroorut nalinginnaasoq tamatigut, minnerpaamik, piumasat niuerfimmi aalajangiinerni allassimasut imarisassavai.

§ 23 *m-imut*

Niuerfimmi niuernermik annertuumik tigungminnitsuusut naatsorsuutiminnik immikkoortunut agguisarnissaannik pisussaaffilerneqartarnissaannik siunnerfeqarneq tunngaveqarpoq paasissutissanik immikkualuttortalersugaanerusunik peqarnissamik, inatsisit naapertorlugit neqerooruteqartartut naatsorsuutaannit paasineqarsinnaasunut sanilliullugu. Immikkoortunut agguksanik naatsorsuuserineq ingerlatanik assigiinngitsunik neqerooruteqartartup ingerlatsinerannik ataatsimoortumik ingerlatsinertulli eqqortigisuusussaapput, aammalu neqerooruteqartartut assigiiat akornanni assigiinngisitsisoqannginnissaannik aamma unammilleqatigiinnermi suliassaqrarfiit akornanni ikiorsiissuteqartoqartarsinnaaneranik pinaaveersaartitsissutaasussaalluni.

Naatsorsuutit ima immikkualuttortalersugaatigissapput illup iluani akiliutaasut, imaluunniit pisiat niuerfiusut akornanni imaluunniit kiffartuussinerit sunaassusersineqarsinnaassallutik, taamaasilluni assigiinngisitsinnginnissamik piumasaqaat kiffartuussinerit neqeroorutigineqartut akornanni, illup iluani neqeroorutaasartut aamma avammut neqeroorutaasartut immikkut suussusersineqarsinnaassallutik.

Pisussaaffiup annertussusissaa Atuisartoqarnermut Unammilleqatigiinnermullu Aqutsisoqarfimmit aalajangersarneqartassaaq, nalilersuineq tigussaasoq aallaavigalugu, aammalu unammillernermi pissutsit atuuttut tunngavigalugit, tamatumani aamma unammillernermi ajornartorsiutaasut niuerfimmi paasineqartut, aammalu inatsisip siunertaanik siuarsaaneq tunngavigalugu.

Atuisartoqarnermut Unammilleqatigiinnermullu Aqutsisoqarfiup piumasaqaataanut assersuutit eqqaaneqarsinnaapput:

- Naatsorsuutit immikkoortukkaartut pingaarnertut imarisassaasa nalunaarsorneqarneri, tamatumani aamma assersuutigalugu naatsorsuutini naammassisanut naatsorsuutit takuneqarsinnaassasut, aningaasaliissutaasut naatsorsuutaat, aamma nioqquteqarfiit assigiinngitsut akornanni niueqatigiinnerup naatsorsuusiorderi.
- Ingerlatsiviup niuerfiup immikkoortup nammineertup aammalu suliffeqarfimmi immikkoortut sinnerisa ingerlatat akornanni suliak akilersorneqartarnerinut ileqqut, tamatumani aamma sullissinernut akiliutissat niuerfiusumi akiusut naapertorlugit akilerneqartassasut, imaluunniit illup iluani akigitat atorlugit.
- Isertitat aamma aningaasartuutit agguanneqartarnerannut ileqqut.

- Naliusussamik aalajangiisarnermi aalajangersimasumik periaaseqartoqassasoq, tamatumani assersuutigalugu aningaasartuutaasimasut piviusut imaluunniit atuuttut tunngavigineqarnissaat (Historic Cost Accounting aamma Current Cost Accounting).
- Ingerlatsinermut naatsorsuutit aamma niuerfiusumut tunngasumik naatsorsuutit nalimmassarneqartarnissaat naligiissaarisooqartarnissaalu, niuerfimmi niuernermik annertuumik tigummisuunngitsumut, naatsorsuutinut inatsisit naapertorlugit suliaasussanut.
- Naatsorsuutinik suliaqarnermi uppersaasersuinissamut piffissaliussat, naatsorsuutit qaqugu tunniunneqarnissaat kukkunerisuiisoqarneq allallu.

Naatsorsuutit suliarineqarsimanissaat piumasarineqassaaq internetimut appakaaffissaqartitsinerinnuunngitsoq, kisiannili aamma ingerlatanut allanut internetimut appakaaffissaqartitsinernut attuumassuteqartunut. Neqerooruteqartartoq allequtaasut peqataasoq niuerfimmi niuernermik annertuumik tigumminnittuusooq taamaasilluni aamma naatsorsuusiorsinnaavoq neqeroorutiminut immikkuualuttukkaanut atatillugu, neqeroorutini taakkunani internetimut appakaaffissaqartitsineq aaqqissuussamik ingerlanneqartarpat.

Naatsorsuutit immikkoortunut agguarneqartarnerinik nakkutilliinermut atatillugu Atuisartoqarnermut Unammilleqatigiinnermullu Aqutsisoqarfimmit ingerlatsivik arlaannaannulluunniit attaveqartuunngitsoq toqqarneqarsinnaavoq, naatsorsuutit aningaasartuutinik tunngavillit tamanut takusassiarineqartunik malittarisassiat allaasineqarsimasut tunngavigalugit nakkutiginninnermut atatillugu. Atuisartoqarnermut Unammilleqatigiinnermullu Aqutsisoqarfiup tamatumunnga ilaliullugu piumasarisinnaavaa niuerfimmik annertuumik tigumminnittuusooq avataaneersumit kukkunerisuiisumit naatsorsuutit pillugit oqaaseqaateqartitsisassasoq.

Atuisartoqarnermut Unammilleqatigiinnermullu Aqutsisoqarfiup ukiumut ataasiarluni tamanut takusassiarisassavai, assersuutigalugu quppersakkamini, nakkutilliinermut pineqartumit inernerusut.

Atuisartoqarnermut Unammilleqatigiinnermullu Aqutsisoqarfiullu aamma naatsorsuutinut tunngatillugu paasissutissat tamanut takusassiarisinnavai, tamatumani aamma isertitanut pingajuusumit pissarsiaasut, assertuutigalugu taamaattut piumasarineqarpata. Siunertaasoq tassaavoq siuarsassallugu ammasumik aamma unammillernermik tunngavilimmik niuerfik, tamatumani aamma suliat akimut ersittuunissaat aamma assigiinngisitsisoqannginnissaa siuarsarniarlugu.

§ 23 n-imut

Aalajangersakkami siunertaavoq pingaarnertut periarfissiiniarneq akinik nakkutilliinermi nutaanik imaluunniit akuleriissitanik periaaseqarnissap periarfissaqartinnissaa.

Imm. 1-imut

Atuisartoqarnermut Unammilleqatigiinnermullu Aqutsisoqarfiup nalunaarutikkut aalajangersartassavai inatsimmi killiliussaasut iluanni, tamatumani aamma imm. 4-mi isiginiagassat, akinik nakkutilliinermi periaatsit qanoq ittut atortinneqassanersut, takuuk imm. 8.

Soorluli nalinginnaasumik oqaaseqaatini ersittoq inatsisissatut siunnersuut siunnerfeqarpoq akiusunik aqutsinissamik niuerfimmi annertuumik tigumminnittuusunut tunngatillugu.

Periaatsit taakkualu atortinneqarnissaat inatsisissatut siunnersuut naapertorlugu nalunaarummi aalajangersaavigineqartussaapput, takuuk imm.8. Aaqqissuussinermilu taamaattumi taava Atuisartoqarnermut Unammilleqatigiinnermullu Aqutsisoqarfiup tigussaasunik aalajangertassavaa periaatsit qanoq ittut, imaluunniit periaatsit akuleriissitat qanoq ittut niuerfimmi atortuutinneqarnissaat. Tamannalu niuerfimmu tunngasumik aalajangiinerni aalajangersimasuni pisassaaq.

Akinik naatsorsuisarnermi naatsorsueriaatsit qanoq ittut atorineqartussaansut Atuisartoqarnermut Unammilleqatigiinnermullu Aqutsisoqarfimmit aalajngersarneqartassaaq. Tamannalu ersarinnerusumik aaqqissuuttariaqarsinnaavoq, nalunaarusiakkut suliarineqartumik, tamatumani assersuutigalugu periaatsit assigiinngitsut akuleriissillugit periaaseqarsinnaaneq. Piumasaqaatit allat aamma atortinneqarsinnaapput akinik naatsorsuisarnermi periaasiusussat atorineqarsinnaasut nalunaarummi ersikkunik, takuuk imm. 8, aammalu immikkut nalilersuineq pineqartoq tunngavigalugu imm. 4-mi pissutsit pineqartut isiginiarneqartussat isumagineqarsimappata, naligiissaarinnissamik ileqqoqartussaannermi nalinginnaasumi sanilliussinernut naapertuuppata.

Niuerfimmu tunngasumik aalajangiinermi aalajangersarneqartussaassaaq periaatsit qanoq niuerfinni aalajangersimasuni atortuutinneqassanersut, niuerfiusumi unammillerfiusumi ajornartorsiutaasartut aaqqiissutissarsiniartarnerini. Atuisartoqarnermut Unammilleqatigiinnermullu Aqutsisoqarfiup akinik aalajangersaanermi piumasaqaatit aalajangersagassai assigiinngitsunik iluseqalersinnaapput, tamatumani aamma annerpaamik akiusussat, minnerpaamik akiusussat, akit agguaqatigiissitsinerusut allallu.

Piumasaqaateqartoqarpat akit qaffasinnerpaaffissaannik aalajangersaasoqarnissaanik, taava niuernermik annertuumik ingerlatsisuusut piumasaqaataasut allat isiginiatigalugit nalunaarasuartaaserinerup aqunneqarnerani atortuusut, imaluunniit inatsisit allat aalajangersagaat, aalajangersaasinnaasassapput akigititassaminnik, qaaffasinnerpaaffissaatitaasup ataaniittunik. Killiliussassallu pineqartut isiginiarlugit

minnerpaamik akigititassaq tamatuma assigisaanik saneqqunneqarsinnaassaaq qaffasinnerusunik akigititassanik aalajangersaalluni.

Kiisalu aamma immikkut aalajangersaasoqarsinnaavoq Atuisartoqarnermut Unammilleqatigiinnermullu Aqutsisoqarfimmit niuerfimmut aalajangersakkami, niuerfimmik annertuumik tigumminnittuusup akigititanik aalajangersagaasunik eqqortitsisusaaqnerani agguaqatigiissitsineq naatsorsorneqassasoq piffissaliussap aalajangikkap iluani agguaqatigiissitsinertut, nioqputit ataatsimoortukkaartut assigisaalluunniit eqqarsaatigalugit, imaluunniit akigititatut sukkulluunniit eqqortinneqartussaasunik.

Assersuutitut eqqaaneqarsinnaavoq niuerfimmi niuerneramik annertuumik neqerooruteqartartut amerlasuunnorgorlugit niuertut mobil-inut attavilersuutinik nioqquteqartut, piffissami pineqartumi piumasagaatinik pisussaaffiligaasut LRAIC-mi periaaseq naapertorlugu, Atuisartoqarnermut Unammilleqatigiinnermullu Aqutsisoqarfimmit siumoortumik ilisimatitserneernikkut kiffartuussissutiminnik immikkoortukkaanut agguisinnaasut, tamatumani aamma piffissani aalajangersimasuni akigititanut assigisaannullu. Aalajangiisuvoq neqerooruteqartartup annerpaamik akiusussanik aalajangersagaasunik eqqortitsisimanagera, pisuni taamaattuni tassaasoq agguaqatigiissillugit akiusut Atuisartoqarnermut Unammilleqatigiinnermullu Aqutsisoqarfimmit aalajangikkat.

Imm. 2-mut

Aalajangersagassatut siunnersuutaasup killilerpai niuerfiusumi pissutsit, Atuisartoqarnermut Unammilleqatigiinnermullu Aqutsisoqarfiup akinik nakkutilliinissamut pisussaaffiliivigisinnaasai.

Akigititat kiggiseqqaneri paasineqassaaq unammilleqatigiinnermut taaguutit nalinginnaasut iluanni. Akigititat kiggiseqqaneri nalinginnaasumik paasineqartarpoq assigiinngissutaasut immikkuualuttukkaartumik akigititat neqerooruteqartartumi niuerneramik annertuumik tigumminnittumi, unammillertut immikkuualuttortalersukkanik niuertut allat assingusunik nioqqutaasa akigisassaattut, mikivallaartutut unammillerneq akilersinnaasumik nammanneqarsinnaaqullugu. Imatut paasillugu mikivallaartoq unammillertuusut isertitassaannik qularnaarinissamut.

Imm. 3-mut

Imminut akilersinnaassusissaata naammaginartup naatsorsorneqarnerani aningaasaliissutaasut eqqarsaatigalugit Atuisartoqarnermut Unammilleqatigiinnermullu Aqutsisoqarfimmit pisinnaatitsisoqarsinnaavoq imminut akilersinnaanissaanut matussutissamik ilanngussisoqarnissaanut, assersuutigalugu atortunut aamma illuutinut matussutaasussanik, pisariaqassusia tunngavigalugu aningaasaliissutaasut nalingannik naleqqusaanermut

atatillugu, taassuma pigisanik nalinginik ingerlaavartumik annertussusiliisarnerani ingerlatsinerullu imminut akilersinnaanera eqqarsaatigalugit.

Erniortitsinerup naammaginatup nalilersorneqarnerani attaveqaatinut nutaanut aningaasalersuisoqarnissaa kaammattorniarlugu, tamatumani aamma attaveqaatit aqquataasa kinguaariit tulliit aningaasalersuiffigineqarnissaanni (NGN imaluunniit NGA), nalorninartuusinnaasut immikkualuttut isiginiarneqassapput, attaveqaatinut aningaasalersuinissani nutaani, tamatumani aamma taamaattut nioqqutit aalajangersimasut ikiorsertarpatigit, piffissami pineqartumi aningaasalersuiffiusumi piumaneqassusii nalorninaateqartut.

Atuisartoqarnermut Unammilleqatigiinnermullu Aqutsisoqarfiup taamaasilluni ilaatigut isiginiartussaavai ineriartortitsinermut pilersitsiartornermullu aningaasartuutit, nioqqutit nutaat kifartuussinerillu qanoq sukkatigisumik atorluarneqalissanersut, akigititassallu immikkualuttunut naatsorsuutigisat.

Imm. 4-mut

Akinik nakkutilliinermit periaatsinik atuinernut ataatsimut ippoq Atuisartoqarnermut Unammilleqatigiinnermullu Aqutsisoqarfiup pisussaaaffiliisarnera, niuerfimmi niuernermit annertuumik tigungminntuusumut, naammassisaqarluarnissamik siuarsaanissaq unammillernermillu attanneqarsinnaasumik peqarnissaa, kiisalu atuisartut niuerfimmi pineqartumi annertusiartortunik iluaqutissarsiassaqaqartarnissaat.

Akinik aalajangersaasarnermi periaasissamik ilusilersuinermit kiisalu nalilersuineq pisariaqarpat akinik aalajangersaasarnerni nalilersuinermit atatillugu periaatsit assigiinngitsut atorlugit, Atuisartoqarnermut Unammilleqatigiinnermullu Aqutsisoqarfiup aalajangersagassatut siunnersuummi siunnersuutaasut isiginiartassavai.

Atuisartoqarnermut Unammilleqatigiinnermullu Aqutsisoqarfiup eqqaaneqartutut periaaseq periaatsilluunniit arlallit naleqqussarsinnaavai, nalunaarummi ersittussat, takuuk imm. 8, niuerfinnut pineqartunut atatillugu imaluunniit periaatsit assigiinngitsut akuleriissillugit atorsinnaallugit.

Atuisartoqarnermut Unammilleqatigiinnermullu Aqutsisoqarfiup taamaasilluni akinik nakkutilliinermit periaaseq naatsorsuinerit Atuisartoqarnermut Unammilleqatigiinnermullu Aqutsisoqarfimmit suliarineqartut naapertorlugit ingerlassinnaavai, niuerfimmi niuernermit annertuumik tigungminntuusup kisitsisaatai paasissutissat tunngavigalugit, tamatumani aamma assersuutigalugu periaaseq "LRAIC-metode" atorsinnaallugu. Periarfissaq alla tassaavoq periaatsimik toqqaanissaq, niuerfimmi niuernermit annertuumik

tigumminittuusup uppersaasiisarnissaa pisussaaffiusoq, akit atornewartut aningaasartuutaasunik aallaaveqartuusut, pisussaaffiliussaasut naapertorlugit, tamatumani aamma assersuutigalugu pisussaaffik attaveqaatinik neqerooruteqartartup akit naapertuilluartut eqqortissagai.

Imm. 5-imut

Aalajangersakkap siunnersuutaasup siunertaraa pinngitsuussallugu niuerfimmik annertuumik tigumminittuusup internetimut appakaaffissaqartitsisussaasup akiusut aqutat atorlugit ingerlatsisuusup sinnilimmik matussutissarsinnaanera pinngitsoortissallugu, kiffartuussinerit arlariit, tamarmik imminnut aningaasartuutitut matussutissartallit atorinneqarnerini, attaveqaatinik attaveqaatilluunniit ilaannik (agguaassilluni atuineq) ataatsikkut atuinnginnissat. Taamatut pisoqarsinnaavoq elektroniskiusunik attaveqaatinik atuisoqarsinnaappat neqerooruteqartartunit arlalinnit, imminnut atasuunngitsunit, assersuutigalugu oqarasuaatinik, bredbånd-imik aamma tv-mik. Kiffartuussinerit assigiinngitsut neqerooruteqartartumit ataatsimit neqeroorutigineqarsinnaapput, taamalu matussutissat sinnerlugit matussutissarsisoqarsinnaalluni, aningaasartuutaasut kiffartuussinernut pineqartunut agguanneqarsimangippata.

Assersuutitut taaneqarsinnaavoq accessnet-imik atuineq. Attaveqaat siunertamut ataasiinnarmut atornewartarpat, assersuutigalugu naliginnaasumik oqarasuaammik atuisarnernut imaluunniit bredbånd-imut, taava attaveqaammik ingerlatsinerimut aningaasartuutit attaveqaasiisimasumit / kiffartuussinerimik ingerlatsisuusumit akilernewartassapput. Attaveqaat oqarasuarnernut aammalu bredbånd-imut atornewartarsimappat (avitsilluni attaveqaatinik iluaquteqarneq), taava sinnilimmik matussutissarsisoqarsinnaavoq, neqerooruteqartartut arlariit / kiffartuussinerit arlariit ingerlaavartumik aningaasartuutitik tamakkiisunik akilersuippata.

Aalajangersakkap siunnersuutigineqartup Atuisartoqarnermut Unammilleqatigiinnermullu Aqutsisoqarfik periarfissippaa pisuni taamaattuni aalajangersaasarnissaanut qanoq aningaasartuutit kiffartuussinerit assigiinngitsut akornanni agguanneqartassanersut.

Aalajangersarneqarpoq aningaasartuutit agguanneqassasut naligiissumik assigiinngitsunik neqerooruteqartartut akornanni. Tamatumunnga atatillugu allannguut pilersinneqarpoq Atuisartoqarnermut Unammilleqatigiinnermullu Aqutsisoqarfik periarfissinniarlugu nalileereernikkut aningaasartuutit agguanneqartarnerannik assigiinngisitaartumik agguassisinnaanernut, kiffartuussinerit assigiinngitsut tunngavigalugit, attaveqaatinik atuinernup annertussusianik tunngavilimmik. Atuisartoqarnermut Unammilleqatigiinnermullu Aqutsisoqarfiup nalilersuinermini isiginiassavaa aningaasartuutitik agguassisarnermi aqqiissuusineq qanoq periaaseqartinneqarnerseq, unammillernernut sunniutissat niuerfimmi

pineqartumi eqqarsaatigalugit. Aningaasartuutit oqimaaqatigiissumik agguanneqartarnissaanni naligiimmik agguassinikkut aaqqissuussisoqarsinnaavoq.

Assersuutit eqqaaneqarsinnaapput attaveqaatinik kanngussammik attartornermut aningaasartuutunik agguassisarneq. Kiffartuussinerit marluk kanngussammi attaveqaammik frekvens-it immikkoortup ilaanni atorunikku, aningaasartuutit marluullutik avissavaat, tamarmik immikkut affaa. Tamanna isumaqarpoq oqarasuaatip aqputaanik ataatsimoortumik atuisup aningaasartuutit affaat akilissagai. Affaanut kingullermut aningaasartuutit attaveqaammik bredbånd-imik neqerooruteqartartup akilissavaa. Taamatut aningaasartuutunik avitsisarnissamik aaqqissuussineq toqqarneqarpoq oqimaaqatigiissitsiniarluni, attaveqaqatigiinnermut aamma kiffartuussinerit immikkoortut naapertuuttumik avinneqartinniarlugit. Elektroniskiusunik attaveqaatinut allanut aningaasartuutit immikkut pisunut nalilersuisoqareerneratigut allatut agguarneqarsinnaapput.

Aalajangersakkamik siunnersuutigineqartumik assigiinngitsumik atuisoqarnerisq immikkut naliliinermik tunngavilimmik aalajangerneqassaaq. Assersuutigalugu nalinginnaasumik oqarasuaatikkut attaveqarneq aamma bredbånd-ikkut attaveqarneq tassaapput elektroniskiusunik attaveqaqatigiinnermi atortorissaarummik assigiinngitsumik atuneq. Kisiannili IP-mik imaluunniit bredbånd-ikkut oqarasuarneq kiffartuussineruvoq bredbånd-ikkut attaveqaat pioreersoq atorlugit ingerlatsineq, taamaattumillu tassani assigiinngitsunik atuisoqarani. Iltersuutit malitassat tunngaviusinnaavoq kiffartuussineq pineqartoq allamik atortorissaarummik iluaqteqarani atorneqarsinnaanersoq.

Ilutsimi atorneqartumi tunngaviussaaq neqerooruteqartartup annerpaamik tigumminnitsuusup neqerooruteqartartullu allat attaveqaqatigiissutit elektroniskiusunik ataqtigiissaakkanik atuisartut, ilanngullugu neqerooruteqartartup annerpaamik tigumminnitsuusup suliffeqarfiani immikkoortortaqarfiit, tamakku akornanni attaveqaqatigiissutit elektroniskiusut ataqtigiissaakkat atornissaat pillugit annerusumik minnerusumilluunniit paasissutissanik paarlaasseqatigiittarnissaq.

Paasissutissat paarlaasseqatigiissutigineqartut taamaallat atorneqarsinnaapput siunertanut atorneqarfissaminut tunniunneqarnermini, taamaattumillu paasissutissat assersuutigalugu niuernerimik sassartaarinerimik atorneqarsinnaanngillat.

Imm. 6-imut aamma 7-imut

Neqerooruteqartartoq niuerfimmi niuernerimik annertuumik tigumminnitsuusup pisussaaffiligaagaangat akinik nakkutiginninnissamik, pisariaqarsinnaavoq ilutigisaanik qularnaassallugu paasissutissanik aallersinnaanermi tunngavissat aningaasartuutit tunngatillugu, assersuutigalugu nakkutilliinermut atatillugu atorneqartussanik, imaluunniit

akinik aalajangersaasarnerni periaatsini atorneqartussanik. Tamannalu qularnaarneqartarpoq aningaasartuutitut immikkut naatsorsuuteqarnissamik pisussaaffeqartitsinikkut.

Aalajangersakkami killiliussat inissinneqarput tigussaasumik aningaasartuutitut naatsorsuusiornissamat pisussaaffimmut tunngatillugu, pissutsit immikkut ittut niuerfimmi tassani atuuttuusut tunngavigalugit, attaveqaatinik niuerfimmi niuerneramik annertuumik tigungminnituusup pisussaaffigisaa, niuerfimmi ajornartorsiutaasut suussusissarsineqarsimasut aaqqiivigineqarnissaanni.

Atuisartoqarnermut Unammilleqatigiinnermullu Aqutsisoqarfik pisussaaffiliisinaavoq niuerfimmi niuerneramik annertuumik tigungminnituusunut aningaasartuutitut tunngasumik paasissutissanik nassiussaqaartassasut, akinik nakkutilliinermut tamatumunngalu ileqqussanik aalajangersaanernut atorneqartussanik, tamatumani aamma qanoq akulikitsigisumik paasissutissat nassiunneqartassanersut, aamma naatsorsuutivinnik kiffartuussinernut ataasiakkaanut tunngatillugu nassiussisoqartassanersooq, aamma paasissutissat nassiunneqartussat qanoq immikkoortortalersugaanissaannik, aamma ileqqut qanoq ittut isiginiarneqartassanersut isertitanik aamma aningaasartuutit kiffartuussinernut inissinneqartarnissaanni.

Neqerooruteqartartoq niuerneramik annertuumik tigungminnituusooq pisussaaffeqaruni qularnaassallugu akiusut aningaasartuutinik tunngavilimmik aalajangersagaanissaannik, neqerooruteqartartup nammineq uppernarsartussaavaa akigititami aningaasartuutinik tunngaveqarneri, tamatumunnga ilanngullugu naammaginartumik annertussusilimmik aningaasaliissutaasut erniortinneqarnissaat. Atuisartoqarnermut Unammilleqatigiinnermullu Aqutsisoqarfiup neqerooruteqartartoq qinnuigisinaavaa tamakkiisumik uppernarsaaseeqqullugu akiusunut tunngatillugu, pisariaqarpallu akigititat naleqqussaqqusinnaallugit.

Atuisartoqarnermut Unammilleqatigiinnermullu Aqutsisoqarfik piunasaqarsinnaavoq tamanut takusassiarineqartussamik aningaasartuutit naatsorsorneqartarnerannut aaqqissuussinermik saqqummiusisoqarnissaanik, minnerpaamik ersersitsisumik aningaasartuutaasuni immikkoortunik pingaarnernik, kiisalu malittarisassat qanoq ittut tunngavigalugit aningaasartuutit agguanneqarsimanersut pillugit. Soorluli aamma imm. 6-ip oqaasertaani ersittoq taanna aningaasartuutit naatsorsorneqartarnerannik aaqqissuussinerni minnerpaamik saqqummiussinerusussaavoq. Tamanna niuerfiusumi pissutsit pissusissamisoortippasuk Atuisartoqarnermut Unammilleqatigiinnermullu Aqutsisoqarfiup aalajangiinerni ataasiakkaani nalunaarsorsinnaavai pissutsit allat aningaasartuutit naatsorsorneqartarnerannut naatsorsuutini ersersinneqartussat suussanersut.

Neqerooruteqartartulli aamma namminerisaminik aningaasartuutitut naatsorsuutininik aaqqissuussinermini immikkoortut allat ilanngullugit saqqumitissinnaavai.

Imm. 8-mut

Aalajangersagassatut siunnersuutaasup kinguneraa Atuisartoqarnermut Unammilleqatigiinnermullu Aqutsisoqarfik niuerfimmi aalajangiinermi maleruagassiorsinnaammat akinik nakkutilliinermi periaatsit suut atortinneqassanersut.

Atuisartoqarnermut Unammilleqatigiinnermullu Aqutsisoqarfiup akinik nakkutilliinermut periaatsit qanoq ittunik atuisoqarnissaanut aalajangersaasarnera pisassaaq Atuisartoqarnermut Unammilleqatigiinnermullu Aqutsisoqarfimmit malittarisassat killiliussaasut iluanni, tamatumani aamma imm. 4-mi isiginiagassat naapertorlugit.

Aalajangersakkamut siunnersuutaasup siunertaraa akimut ersittuutitsiniarneq Atuisartoqarnermut Unammilleqatigiinnermullu Aqutsisoqarfiup akinik nakkutilliinermi periaaserisaanut atatillugu, aamma piumasaqaatit nakkutilliinermut atatillugu atortuusut pillugit.

Atuisartoqarnermut Unammilleqatigiinnermullu Aqutsisoqarfik niuerfimmut tunngatillugu aalajangiisarnermi aalajangersimasuni akinik nakkutilliinernut atatillugu periaatsit atornerqartut imaluunniit akinik nakkutilliinermi periaatsit assigiinngitsut akuleriimmik atornerqartut aalajangersartassavai.

Atuisartoqarnermut Unammilleqatigiinnermullu Aqutsisoqarfiup malittarisassanik imm. 8 naapertorlugu aalajangersaanermi, aamma akinik nakkutilliinernut periaasissaminik aalajangersaanermi imm. 4 naapertorlugu isiginiartassavaa piumasaqaataasooq, aaqqissuussineq sunaluunniit aningaasartuutitut matussutissaqartitsinissamut periaaserluunniit akinik aalajangersaanermut atatillugu atornerqarsinnaasooq, siunnerfeqarmat naammassisaqarluarnissamik siuarsaniarnermik aammalu unammillernermik attanneqarsinnaasumik ingerlatsinissamik atuisartunullu iluaqutissanik annertusaanissamik.

Akinik naatsorsuisarnernut periaasissanik atorluarsinnaasunik nalunaarsuinerup saniatigut naatsorsuutaavoq malittarisassap atornerqartup ersarinnersumik aalajangersaavigissagaa qanoq akinik nakkutilliinernut periaasiusussat aaqqissuunneqartassanersut aamma atortinneqassanersut, tamatumani aamma pisussaaffiit aamma pisinnaatitaaffiit inuussutissarsiummi ingerlatsisut peqataanerannut aammalu periaatsinik suliaqartarnermi akuunerannut, akimut ersittumik ingerlatsinermut periaatsinik atortinneqartussanik suliaqarnermi, kingornagullu taakkua malinnaatsittarneranni aamma allanngortitsinermi.

Pisinnaatitsissullu taamaasilluni atorneqarsinnaavoq suliassanut piffissaliussassanut pilersaarusiornernut akinik aalajangersaasarnerni periaasissanik suliaqartarnernut aammalu suliani taakkunani inuussutissarsiortut peqataatitarnissaannut. Tamatumalu saniatigut aalajangersaasoqarsinnaavoq pituttuisunik piffissaliussassanik inuussutissarsiummi inuussutissarsiortut aningaasartuutitut nalilersuisarneranni atortinneqartussanik, aammalu piffissaliussanik aalajangersimasunik neqerooruteqartartup pisussaaffeqartup paasisutissanik tigussaasunik tunniussaartarnissaanut atatillugu.

Pisinnaatitsissummi aalajangersarneqartarsinnaassaaq periaatsit qanoq ittut atorneqassanersut naatsorsueriaatsinik suliaqarnerni, tamatumani aamma qanoq annertutigisumik neqerooruteqartartut akisussaasuussanersut aningaasartuutitut uuttuummik ilutsimik ineriartortitsinermut atatillugu.

Ilutigisaanik erseqqissarneqarsinnaavoq Atuisartoqarnermut Unammilleqatigiinnermullu Aqutsisoqarfiup akinik aalajangersaasarnernut periaasissamik immikkuualuttortalimmik aalajangersaasarnera maannamutut aalajangiinertut suliaasassasoq.

§ 23 o-mut

Aaqqissuussamik immikkoortitsinerup siunertaraa attaveqaatinik neqerooruteqartartoq arlalitsigut peqataasoq niuerfimmi annertuumik tigungminnitsuusoq pisussaaffilerneqassasoq ingerlatat ingerlatsinikkut immikkoorteqqanissaannut qularnaarumallugu ingerlatsinikkut naligiilluinnartumik internetimut appakaaffissaqartitsinermik pilersitsisarnissaq atuisunut ataasiakkaanut, tamatumani aamma neqerooruteqartartup ingerlataanut immikkoortunut allanut.

Internetimut appakaaffissaqartitsinermut nioqqutit naleqquttut ilaatigut pineqarput qilertakkuutaanngitsunik atuisartutut attaveqaatit aamma assigisaat internetimut appakaaffissaqartitsinermut nioqqutit ilassutaasut. Internetimut appakaaffissaqartitsinermut nioqqutit allat nalilerneqareernermikkut aamma taaguummi pineqartumi ilaasinnaapput, niuerfimmi attaveqaatitsigut ajutoorneq niuerfimmi annertuumik tigungminnitsuusoq arlalinnik ataatsimoortukkaanik aammali ataasiakkaanik niuruteqartuusimappat.

Imm. 2-mut

Aalajangersakkakut siunnerfiuvoq pisussaaffik taamaallat atortinneqartassasoq pisuni immikkut ittuni, aammalu aatsaat Atuisartoqarnermut Unammilleqatigiinnermullu Aqutsisoqarfiup paasisimappagu pisussaaffiit tunniunneqarsimasut inatsisissamut siunnersuummi § 23 i, imm. 2, nr. 1 – 5-imi unammilleqatigiinnermi ajornartorsiutit nassaarineqarsimasut aaqqiivigisinnaanngikkai.

Aalajangersakkap pisuni immikkut ittuni aatsaat atortinneqarsinnaaneranut tunngavilersuut tassaavoq ingerlatanik tigussaasumik immikkoortitseqqanissamut pisussaaffiliisarneq assut annertuumik akulerunnerummat. Nioqqutinik annertuukkaanik immikkoortitseqqanerup unammillernermi ajornartorsiutinik aaqqiiviginninniarnermik siunertaqartumik, niuerfimmi aalajangersimasumi, pisuni amerlanerni niuerfinni allani kinguneqartussaasarpoq, ajornartorsiutit suussusissarsivigineqarfigisaasa avataanni. Taamaattumillu tamanna nalinginnaasumik attsikkutigiissumik naliliinermi isiginiartariaqarpoq, pisussaaffiit tunniunneqassanersut eqqarsaatigalugu.

Ingerlatat tigussaasumik avissaarteqqaneqarnissaannik pisussaaffimmik atuisoqarnissaanut niuerfimmut tunngatillugu aalajangiisoqarsimasariaqarpoq, tassanilu ingerlatat immikkoorteqqaneqarnissaannut aalajangiisoqarsimasariaqarluni, imaluunniit tamanna pisussaaffinnut allanut ilaasariaqarluni, ingerlatat imarisassaannut periaasissanullu piunasaqaatinut ilanngullugu, niuerfimmik misissuisoqarnissaanik aalajangersakkap kingunerisaanik, takuuk siunnersuummi §§-it 23 e – 23 h.

Imm. 3-mut

Atuisartoqarnermut Unammilleqatigiinnermullu Aqutsisoqarfiup ersarinnerusumik aalajangersaavigissavai ingerlatat avissaarteqqaneqarnissaannut pisussaaffiit, isiginiarlugit unammilleqatigiinnermi ajornartorsiutit imaluunniit ajornartorsiutaasinnaasut, tamatumanilu aamma niuernikkut ingerlatsivik namminersortutut immikkuullarissiq pilersinneqassanersiq inatsisitigut immikkoortumik. Assersuutigalugu ingerlatseqatigiiffittut imaluunniit piginneqatigiiffittut, sulisuusunit aamma ingerlatsisuusunit tigussaasumik immikkoorteqqasutut, ingerlatap iluani namminermi nakkutilliinissamut pilersaarusiartallimmik, ingerlatsiviup suliniutaanik allaaserinnittumik, pinngitsoorniarlugu assigiinngisitsisoqarsinnaanera. Piginnittulli kikkuuneri allannguiffiusinnaangilaq.

§§-it 23p – 23r

Ingerlatsiviup immikkoortup nalunaarasuartaaserinermi unammilleqatigiinnikkut aqunneqarnera aaqqissuussaavoq pingasunik immikkoortortalittut: Immikkoortoq siulleq pisussaaffiliussanik siunissamut sammisunik imaqarpoq. Taakkua inatsimmi namminermi pisussaaffiusinnaapput imaluunniit niuerfimmut aalajangiinertigut pisussaaffiusinnaallutik. Immikkoortut appaat inatsimmik malittarisassanillu inatsimmik tunngavilimmik aalajangersakkanik nakkutilliinermik tamatamani aamma niuerfimmut tunngasumik aalajangikkanik imaqarpoq, takuuk inatsisissatut siunnersuummi § 23 p. Immikkoortut pingajuanni periarfissaavoq aaqqiagiinngissutaasut aqunneqarsinnaaneri aammalu aaqqiagiinngissutaasartut aaqqiivigineqartarsinnaaneri, minnerunngitsumik tigussaasumik isumaqatigiissutinut malittarisassatigut, tamanna pisariaqarsimappat. Nalunaarasuartaaserinermut immikkoortumi immikkut unammilleqatigiinnermut tunngasunik

aalajangersaasarnissamut pisinnaatitaaneq immikkoortunut eqqaaneqartunut 3-nut sammititaavoq, ilassuserneqarlunilu immikkut malittarisassamik inatsisissatut siunnersuummi § 23 a, imm. 2-mi, tassanilu pineqarlutik atuisartut aamma suleqatigiissinnaanerup qularnaarneqarnissaa.

Atuisartoqarnermut Unammilleqatigiinnermullu Aqutsisoqarfiup aalajangiisarnernik ingerlatsineranut atatillugu aqutsisoqarfik aalajangiigallarnernik aalajangiisarsinnaavoq, takuuk inatsisissatut siunnersuummi § 23 r.

§ 23 p-mut

Aalajangersagassatut siunnersuummi katsersorneqarput inatsimmi kapitali 5a-mi nakkutilliinermut atatillugu malittarisassat amerlanerit aalajangersakkami ataatsimi, malittarisassallu ilassuserneqarlutik immikkut ittumik malittarisassanik inatsisissamut siunnersuummi § 23 a, imm. 2-mi. Taamaasilluni aalajangersagaq tassaalerpoq nalunaarasuartaaserinermi unammilleqatigiinnermik malittarisassani immikkoortut pingaernerit marluusut aappaat, immikkoortumi siullermi siumut sammisumik pisussaaffinnut tunngasuusut. Nakkutilliisussaanermullu pisussaaffik ilaatigut atorneqarsinnaavoq neqeroorutaasartut nalinginnaasut nakkutiginerannut, assigiinngisitsinnginnissamik aalajangersakkap eqqortinneqarnissaanut, akimut ersittuutitsinissap aamma akinik nakkutilliinermut atasumik aalajangiisarnernut tunngasunut.

Nakkutilliinermut tunngasumik aalajangersakkamut siunnersuut killilerneqarpoq inatsimmut siunnersuummi § 23 i-mut tunngatillugu, pisussaaffiliinerit aamma nakkutilliisussaanermik pisussaaffiup niuernerimik annertuumik tigumiaqartunut tunngatillugu, imaalillugu § 23 i, atorneqassalluni aalajangersaasarnernut, pisussaaffiit suut neqerooruteqartartut niuernerimik annertuumik tigumminnittuusut eqqortsittussaaneraat, nakkutilliinerlu atorneqassalluni paasiumallugu pisussaaffiit naammassineqartarnersut, pisariaqarfiisigullu immaqa tigussaasunik peqqussuteqartoqartarsinnaalluni, eqqortinneqanngitsut iluarsineqarnissaannik.

Nakkutilliinernut tunngatillugu aalajangersagassatut siunnersuut inatsisissatut siunnersuummi § 23 q-miittoq taamaasilluni killilerneqassaaq nakkutilliinerup atorneqarnissaanut inatsimmi kapitali 5 a-p, aamma malittarisassat taanna naapertorlugu suliaasut malinneqartarnersut aammalu pisariaqarfiatigut malinneqanngitsut iluarsineqarnissaannut peqqussuteqartarnissanut, § 23 q-lu atorneqassaluni isumaqatigiinngissutaasut iliuuseqarfigineqartarnissaannut, niuerfimmi niuernerimik annertuumik tigumminnittuusut sutigut pisussaaffimminnik eqqortitsisarnersut eqqarsaatigalugu, ataatsimut isigaluni naliliineq tunngavigalugu, kisiannili pisuni aalajangersimasuni naliliisoqarpat saaffiginnissutaasut isumaqatigiissutinik allannguinnissanut pissutissaqartitsisut, internetimut

appakaaffissaqartitsinernik imaluunniit ataatsimut ingerlaarnermik isumaqatigiissummik allannguissamut.

Tamanna isumaqarpoq Atuisartoqarnermut Unammilleqatigiinnermullu Aqutsisoqarfiup pisut apeqqutaatillugit aalajangiinerit ingerlattarsinnaagai neqerooruteqartartutut pisussaaffillip inatsimmi kapitali 5a-mi pisussaaffiit imaluunniit kapitali 5 a-mi aalajangersakkat naapertorlugit malittarisassiani pisussaaffiit siunnersuummi § 23 p-miittut eqqortinneqarsimanersut, isummerfigissallugulu naapertuuttumik saaffiginnissuteqartoqarsimanersoq isumaqatigiissuteqarnissamut imaluunniit isumaqatigiissummik allannguissamut, internetimut appakaaffissaqartitsinermut imaluunniit ataatsimut ingerlaarnermik atuisarnermut atatillugu, inatsisissatut siunnersuummi § 23 q naapertorlugu.

Atuisartoqarnermut Unammilleqatigiinnermullu Aqutsisoqarfiup nakkutilliinera naammagittaalliuteqarneq tunngavigalugu imaluunniit Aqutsisoqarfiup nammineq pisariaqartitsineranik tunngavilimmik ingerlanneqartarsinnaavoq. Taamaasilluni qularnaarneqassaaq Atuisartoqarnermut Unammilleqatigiinnermullu Aqutsisoqarfiup suliani tamani aalajangiisarsinnaanera, inatsimmi kapitali 5 a aamma malittarisassat taanna naapertorlugit suliaasut tunngavigalugit.

Atuisartoqarnermut Unammilleqatigiinnermullu Aqutsisoqarfiup taamaasilluni qinersinnaavaa nakkutilliinermik aallartitsinissi, saaffiginnissut tunngavigalugu, imarisamigut allarluinnarmut tunngasuusoq. Assersuutigalugu Aqutsisoqarfik suliamik nakkutilliinermut atatillugu aallartitsisinnaavoq, Aqutsisoqarfiup isumaqatigiissuteqarnissamut imaluunniit allannguissamut isumaqatigiissummum tunngatillugu internetimut appakaaffissaqartitsinernik imaluunniit peqatigiilluni ataatsimut atuisitsinnaatitsinernik iluaquteqarnernut atatillugu malugiguniuk neqerooruteqartartup immaqqa pisussaaffini eqqortsittangikkai, inatsimmi kapitali 5a imaluunniit malittarisassat taanna naapertorlugu suliaasut tunngavigalugit.

Atuisartoqarnermut Unammilleqatigiinnermullu Aqutsisoqarfiup neqeroorut nalinginnaasoq tiguguniuk nalilersussavaa neqeroorut nalinginnaasoq inatsimmi kapitali 5 a-mut imaluunniit malittarisassanut taanna naapertorlugu suliaasunut imaaliinnarluni naapertuuttuunersoq. Aqutsisoqarfiup neqeroorummik nalinginnaasumik nalilersuilluni misissuinaera akuersiniarluni suliaangilaq. Naallu Aqutsisoqarfiup aallarniutaasumik nalilersuinermini nalileralaruaa neqeroorut nalinginnaasoq inatsimmi kapitali 5 a-mut imaluunniit malittarisassanut taanna naapertorlugu suliaasunut akerliunngitsoq, imaluunniit tamanna pillugu aalajangiigaluaruni, tamanna akornusiissangilaq Aqutsisoqarfiup nammineerluni imaluunniit

naammagittaalliummik tunngavilimmik neqeroorummut nalinginnaasumut nutaamik aalajangiisinaanera.

Atuisartoqarnermut Unammilleqatigiinnermullu Aqutsisoqarfiup neqeroorummik nalinginnaasumik misissuinerminut atatillugu neqeroorut inuussutissarsiortunut pineqartunut isumasiuilluni tusarniaassutigisinnaavaa. Isumasiuilluni tusarniaanerup siunertaa tassaavoq inuussutissarsiortut misilittagaat neqeroorutitut tunngatillugu taakkunungalu atugassarititaasunut paasisaqarfigissallugit. Tamannami Aqutsisoqarfimmut periarfissiisaaq assigiinngisitaartumik tunngaveqarnerusumik neqeroorutitut nalinginnaasunut atatillugu ilisimasaqalernissamut nalilersuinissamullu, neqeroorutitut nalinginnaasut nalunaarasuartaaserinnermut inatsimmi aalajangersakkanut naapertuuttuunersut eqqarsaatigalugit, aammalu neqeroorutitut nalinginnaasut tunngatillugu atugassarititaasut naapertuilluuttuunersut niuerfimmud tunngasumik aalajangiisarnernut atatillugu. Neqeroorutitut nalinginnaasut atortuulertarput piffissamiit neqerooruteqartartumit tamanut takusassiarineqarnerminniit. Allannguutaasinnaasut misissuinerup kingorna neqeroorutitut nalinginnaasunik kukkuniiaanermut atatillugu iluarsineqartassapput.

Atuisartoqarnermut Unammilleqatigiinnermullu Aqutsisoqarfiup nakkutilliinera aalajangiinernik kinguneqarsinnaavoq, taakkunanilu maluginiarneqarsinnaavoq malittarisassat imaluunniit pisussaaffiit eqqortinneqarsimanersut, aammalu pisariaqarpat neqerooruteqartartoq peqquneqarsinnaalluni immikkut iliuusissanik aalajangersimasunik iliuuseqaqqullugu imaluunniit allanngueqqullugu, eqqortitsinnginneq unitsinniarlugu. Tamatumani aamma Aqutsisoqarfiup assersuutigalugu aalajangiivigisassavaa periaatsit aalajangersimasut malinneqartussaansut, imaluunniit atugassarititaasunik aalajangersimasunik ilanngussisoqassanersoq allannguisoqassanersorluunniit atugassarititaasunik neqeroorutini aalajangersimasuni.

Tamatumani siullertut atuuppoq Atuisartoqarnermut Unammilleqatigiinnermullu Aqutsisoqarfik aalajangiisinnaasoq qanoq malittarisassanik eqqortitsinnginneq paasineqartoq iliuuseqarfigineqassanersoq. Tamannalu assersuutigalugu piumasaqaatit immikkuullarissut aqqutigalugit pisinnaavoq, imaluunniit Aqutsisoqarfiup piumasaqaatinik minnerpaaffissalinnik tunniussineratigut, imaluunniit malitassanik peqqussuteqarneratigut. Atuisartoqarnermut Unammilleqatigiinnermullu Aqutsisoqarfik aalajangiinermi pissutsit qanoq ittuuneri apeqqutaatillugit ilisimatitsisinnaavoq aaqiissutissat allat naammassisaqarfiusussat pilersinneqassasut.

Aappaattullu Atuisartoqarnermut Unammilleqatigiinnermullu Aqutsisoqarfik aalajangiisinnaavoq tigussaasunik aalajangersimasunik iliuuseqartoqassasoq. Tamannalu assersuutigalugu tassaasinnaavoq naammagittaalliuuteqartoqarsimasoq

assigiinngisitsisoqarsimaneranik, aammalu Aqutsisoqarfik tamatuma kingorna aalajangerluni neqeroorutini nalinginnaasuni aalajangersakkanik allannuisoqassasoq, ingerlatsineq akimut ersittunngortinniarlugu, assigiinngisitsisarnerit akiorniarlugit.

Aalajangiineq neqeroorutip nalinginnaasup allanngortinneqarnissaa pillugu assersuutigalugu assigiinngitsunik 2-nik ilusilerneqarsinnaavoq:

Periarfissaq siulleq tassaavoq neqerooruteqartartoq pineqartoq atugassarititaasumik imaluunniit akigititaminik atortuusumik allannguissasoq, taamaasilluni neqeroorut nalinginnaasooq inatsimmi kapitali 5 a-mut imaluunniit malittarisassanut taanna naapertorlugu suliaasunut naapertuuttunngortitsilluni. Allannguineq pineqartoq neqerooruteqartartumut namminermt suliaasaatinneqarpoq. Periarfissaq alla tassaavoq Atuisartoqarnermut Unammilleqatigiinnermullu Aqutsisoqarfiup aalajangiinnermini ersarinnerusunik minnerpaamik piunasaqaatinik ikkussinissaa atugassarititaasunut akinullu tunngatillugu, taamalu nalinginnaasumik neqeroorut inatsimmi kapitali 5 a-mi malittarisassanut naapertuuttunngortillugu.

Pisussaaffiit peqqussutigineqartut eqqortinneqarnissaat qularnaarumallugu Atuisartoqarnermut Unammilleqatigiinnermullu Aqutsisoqarfik piunaffigineqarneq naapertorlugu aalajangiigallarsinnaavoq, takuuk inatsimmut siunnersuummi § 23 s. Aalajangiigallarneq assersuutigalugu imaqaarsinnaavoq missingersuutaasunik atugassarititaagallartunik aamma akinik allanillu. Missingersuutit aallaaveqarsinnaapput uppersaatinik inuussutissarsiornermi illuatungiusumit imaluunniit inuussutissarsiummi ingerlatsisunit allanit saqqummiunneqartunik.

Atuisartoqarnermut Unammilleqatigiinnermullu Aqutsisoqarfiup nakkutilliilluni suliaani inernerusut illuatungeriinnut ilisimatitsissutigineqassapput.

§ 23 q-mut

Aalajangersakkamut siunnersuummi siunertaavoq qularnaassallugu attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartoq internetimut appakaaffissaqartitsinerit imaluunniit peqatigiilluni ataatsimut atuisitsisinnaatitsinerit pillugit isumaqatigiinniarsimasup kisiannili illuatungerisaminik isumaqatigiissuteqarfiginnissinnaasimannngitsup, Atuisartoqarnermut Unammilleqatigiinnermullu Aqutsisoqarfik qinnuigisinnaassagaa akerleriissutaasumik aalajangiiffiginneqqullugu, internetimut appakaaffissaqartitsinerimut aamma peqatigiilluni ataatsimut atuisitsisinnaatitsinerimut aamma atugassarititaasunut akiusunullu tamatumani tunngatillugu, neqerooruteqartartuni ataaseq pisussaaffiligaappat saaffiginnissutit naapertuilluartut internetimut appakaaffissaqartitsinissamut imaluunniit peqatigiilluni ataatsimut atuisitsisinnaatitsinissamut naapigiarneqartassasut. Attaveqaasersuisartut

Atuisartoqarnermut Unammilleqatigiinnermullu Aqutsisoqarfik qinnuigisinnaavaat akerleriissutaasunik aaqqiiviginninniarnermi ikiorseeqqullugu, illuatunngerinni ilaasup nalilerpagu tamanna pisariaqartinneqartoq, internetimut appakaaffissaqartitsinermi imaluunniit peqatigiilluni ataatsimut atuisitsisinnaatitsinermi. Suliami akuleruttoqarnissaanik suliassanngortitsisoqarsinnaavoq internetimut appakaaffissaqartitsinermik imaluunniit peqatigiilluni ataatsimut atuisitsisinnaatitsinermik piumasaqartumit, imaluunniit internetimut appakaaffissaqartitsinernik imaluunniit peqatigiilluni ataatsimut atuisitsisinnaatitsinernik pisussaaffiligaasumit.

Imm. 1-imut

Aalajangersakkamut siunnersuutaasup Atuisartoqarnermut Unammilleqatigiinnermullu Aqutsisoqarfik piginnaanilerpaa aalajangiisarnissamut, pisumi pineqartumi naammaginantumik tunngavilimmik qinnuteqartoqarnermaq isumaqatigiissuteqarnissamut, imaluunniit isumaqatigiissummik allannguinnissamut, internetimut appakaaffissaqartitsinernut imaluunniit peqatigiilluni ataatsimut atuisitsisinnaatitsinermut atatillugu. Tamatumalu saniatigut aamma Atuisartoqarnermut Unammilleqatigiinnermullu Aqutsisoqarfik atugassarititaasunik aamma akiusussanik aalajangersaasinnaavoq, isumaqatigiissummi pineqartumi isumaqatigiissummilluunniit allannguinnermi, aalajangiinikkut pisariaqartinneqartumi, takuuk ataaniittoq.

Aalajangersakkamut siunnersuutaasoq killiligaavoq nakkutilliinnermut tunngasunik aalajangersakkamut tunngatillugu inatsisissamut siunnersuummi § 23 p-mi, ugguuna, nakkutilliinnissamut aalajangersagaq atorneqartussaalluni paasisinnaajumallugu inatsimmi kapitali 5 a-mi, imaluunniit taanna naapertorlugu malittarisassiani aalajangersakkat eqqortinneqartarsimanersut, pisariaqarpallu iliuusissanik aalajangersimasunik pilersitsisoqasalluni eqqortitsinnginneq unitsinniarlugu, § 23 q-lu atorneqassalluni akerleriissutaasunik suliaqarnerni qaangiiniartarnernillu aqutsinermi, neqerooruteqartartup ataatsimut naliliineq naapertorlugu pisussaaffimminik naammassinnissimanerani, taamaattorli pisumi naliliineq naapertorlugu naliliisoqarluni naammaginantumik imaluunniit naammaginangitsumik tunngavilimmik qinnuteqartoqartoq, isumaqatigiissuteqarnissamut imaluunniit isumaqatigiissutaasunik allannguinnissamut, internetimut appakaaffissaqartitsinernut imaluunniit peqatigiilluni ataatsimut atuisitsisinnaatitsinermut atatillugu.

Atuisartoqarnermut Unammilleqatigiinnermullu Aqutsisoqarfiup naliliineranut aallaaviussaaq saaffiginnissutaasoq naapertuuttuunersoq, taannalu tassaavoq tunngavigisaq ileqqoq, akerleriissutaasut niuerfimmi tassani illuatungeriit akornanni nammineq aaqqiissutissarsiniarneqartarnissaanni. Taamaattumillu aallaaviussaaq naliliineq, soq neqerooruteqartartup suliassanngortitsilluni saaffiginnissuteqartup isumaqatigiissutaasoq

atuuttoq atorunnaarsinnginneraa, nutaamillu isumaqatigiinniarnermik aallartitsilluni imaluunniit neqeroorummik nalinginnaasumik tigusilluni.

Aalajangiinnermut atatillugu, saaffiginnissut naapertuuttuunersoq, Atuisartoqarnermut Unammilleqatigiinnermullu Aqutsisoqarfik attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut akornanni isumaqatigiinngittoqartillugu, aammalu neqerooruteqartartunit qinnuteqaat naapertorlugu, - atugassarititaasunik aamma akinik aalajangersimasunik aalajangersaasinnaavoq, internetimut appakaaffissaqartitsinnermut imaluunniit peqatigiilluni ataatsimut atuisitsisinnaatitsinnermut atatillugu. Taamaasillunilu Atuisartoqarnermut Unammilleqatigiinnermullu Aqutsisoqarfiup pisussaaffiup inatsisissatut siunnersuummi § 23 a, imm. 2 imaluunniit § 23 i naapertorlugu atuuttuusup isorartussusia aalajangersarsinnaavaa, neqerooruteqartartunut ataasiakkaanut internetimut appakaaffissaqartitsinnermik pilersitsisoqarnissaanik imaluunniit peqatigiilluni ataatsimut atuisitsisinnaatitsinissamut atatillugu.

Atugassarititaasut aalajangersimasut aamma akiusussat aalajangersarneqartarput pisinnaatitaasup niuerfiusumi pineqartumi unammillernissamut periarfissaasa iluanni, kiisalu aamma pisinnaatitaasup internetimut appakaaffissaqartitsinissamut imaluunniit peqatigiilluni ataatsimut atuisitsisinnaatitsinissamut periarfissaasa atugassarititaasut tunniunneqartut iluanni. Atugassarititaasut aamma akiusut naapertuuttuussapput pisussaaffimmu pineqartumut atatillugu, pisinnaatitaasumut atugassiissutaasuni.

Aalajangersimasunik akerleriissutsinik pilersoqarpat pisussaaffiillu annertussusiisa qulaajaavigineqarnissaat pisariaqalerpat, apeqqut pineqartoq nakkutilliinnermut inatsisissatut siunnersuummi § 23 p-mi aalajangersagaq naapertorlugu qulaajaasoqassaaq. Tamatuma kingorna Atuisartoqarnermut Unammilleqatigiinnermullu Aqutsisoqarfik suliami pineqartumi aalajangiissaaq, pisut pineqartut tunngavigalugit naapertuuttumik internetimut appakaaffissaqartitsinnermik pilersitsinissamut imaluunniit peqatigiilluni ataatsimut atuisitsisinnaatitsinnermik ilanngussisoqarnissaanut saaffiginnittoqarsimanersoq pillugu.

Imm. 2-mut

Aalajangersagassatut siunnersuummi aalajangiunneqarpoq, aalajangersagaq atorneqassappat piunasaqaataasoq attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartut peqataasut ilaat minnerpaamik ataaseq internetimut appakaaffissaqartitsinnermik pilersitsinissamut imaluunniit peqatigiilluni ataatsimut atuisitsisinnaatitsinnermut ilanngunnissamut qinnuteqaammik akuerinnittussatut pisussaaffiligaareersimassasoq.

Imm. 3-mut

Pinngitsoorniarlugu akerleriissutaasup iluarsiivigineqarnissaata kinguarsarneqarsinnaanera, Atuisartoqarnermut Unammilleqatigiinnermullu Aqutsisoqarfik aalajangiisassaaq imm. 1 tunngavigalugu sapinngisamik sukkanerpaamik, aammalu sapinngisamik kingusinnerpaamik qaammatit 4 qaangiunneranni, suliassap Atuisartoqarnermut Unammilleqatigiinnermullu Aqutsisoqarfimmut suliassanngortinneqarneraniit, suliassaq allatut imm. 4 naapertorlugu sularineqartussanngorlugu akerleriissutinik suliassatut naammassineqanngippat.

Imm. 4-mut

Aalajangersakkamut siunnersuutip Atuisartoqarnermut Unammilleqatigiinnermullu Aqutsisoqarfik periarfissippaa akerleriissutaasumik periarfissat allat aqputigalugit sulariarsinnaanermut, nalilerneqarpat tamanna akerleriissutaasup aaqiivigineqarsinnaaneranut pitsaanerumik periarfissiisoq.

Atuisartoqarnermut Unammilleqatigiinnermullu Aqutsisoqarfik taannaavoq naliliisussaq aaqiissuteqarniarnermi periarfissaq sorleq atussallugu naleqqunnerunersoq, Aqutsisoqarfiup suliassamik sularinninnissaani. Aqutsisoqarfiup taamaasilluni nalilissavaa imm. 1 naapertorlugu aalajangerneq pituttuisuunersoq, imaluunniit akerleriissutaasumik aaqiiniarnermut periaatsit allaanerusut atorineqartariaqalernersut.

Atuisartoqarnermut Unammilleqatigiinnermullu Aqutsisoqarfiup aalajangernera suliassap qanoq sularineqarnissaanik, pisortat ingerlatsiviini ingerlatsisut aalajangiinerattut pissanngilaq, kisiannili periaasissamik aalajangiinerulluni illuatungeriinnut nalunaarutigineqartussaq. Taamaattoq aallaaviussaaq illuatungeriit ilalersuinissaat, akerleriissutaasup suleriaatsit allaanerusut atorlugit aaqiiviginiarnissaanut, taamaanngippat naatsorsuutigineqarsinnaassanngimmat akerleriissutaasoq periaatsit allat atorlugit aaqiivigineqarsinnaassasoq.

Akerleriissutaasunut tunngatillugu isumaqatigiissitsiniartarneq periaatsit allat atorlugit Atuisartoqarnermut Unammilleqatigiinnermullu Aqutsisoqarfimmit isumagineqarsinnaavoq, taamaattoq aamma ingerlanneqarsinnaalluni Atuisartoqarnermut Unammilleqatigiinnermullu Aqutsisoqarfiup avataani, assersuutigalugu inuussutissarsiummik ingerlatsisut akornanni isumaqatigiinniarnertut allatullu.

Akerleriissutaasunik isumaqatigiissitsiniaaneq Atuisartoqarnermut Unammilleqatigiinnermullu Aqutsisoqarfimmit isumagineqarpat, taava Aqutsisoqarfiup illuatungeriit ikiorsissavai isumaqatigiinniarnernanni, internetimut appakaaffissaqartitsinernut imaluunniit peqatigiilluni ataatsimut atuisitsisinnaatitsinermut atuisarnermut tunngasumik isumaqatigiinniarnernanni. Isumaqatigiinnerlu taanna isumaqatigiissuteqarnermik aamma

kinguneqartinneqarsinnaavoq, pisussaaffiliussaareersunik malinninngitsunik. Tamannalu assersuutigalugu pisinnaavoq illuatungeriit isumaqatigiissuteqarsinnaappata, assersuutigalugu akiusut ilaasa akinik aqunneqartumik aaqqissuussinermiit nikingasumik inissinneqarnerisigut. Aqutsisoqarfiulli pisuni taamaattuni sulii nalinginnaasumik nakkutilliinermik pisussaaffimminik isumaginnittussaassaaq, Inatsisartut inatsisaanni nr. 8, 13. juli 1994-imeersumi pisortat ingerlatsiviini sulianik ingerlatsisarneq pillugu, aalajangersakkat § 7 naapertorlugit atuuttut tunngavigalugit, taamalu illuatungeriit allatigut isumaqatigiissitsiniarnikkut aaqqiinerminni naammattumik malittarisassat suliaassarfimmi atuuttut pillugit paasissutissinneqarnerisigut.

Naalakkersuisut ersarinnerisunik akerleriissutaasut pillugit isumaqatigiissitsiniartarnernut malittarisassiorsinnaapput, tamatumani aamma akerleriissutaasut allatut aaqqiissutissarsiniarneqartarnerat pillugu, atortussanngortinneqartarsinnaasunik, taamaattunullu periaasissanik aalajangersaasinnaalluni, tamatumani aamma isumaqatigiinniarnernik ingerlatsinerup unitsinneqarsinnaaneranut tunngatillugu, taamaattoq tak. imm. 5

Imm. 5-imut

Aalajangersakkamut siunnersuutip kinguneraa suliami illuatungiusoq akerleriissutaasut allatut aaqqiissutissarsiniartarnerannut ingerlateqqinneqarsimasumi peqataasoq Atuisartoqarnermut Unammilleqatigiinnermullu Aqutsisoqarfimmut qinnuteqarsinnaammat suliami aalajangeeqqullugu, suliamik nalinginnaasumik suliaqareernermi. Taamatut qinnuteqartoqarnera isumaqassaaq allatut aaqqiissutissarsiorluni sulineq unitsinneqassasoq.

Atuisartoqarnermut Unammilleqatigiinnermullu Aqutsisoqarfimmut suliami aalajangiisoqarnissaa pillugu saaffiginninneq sukkulluunniit saaffiginnissutigineqarsinnaavoq, suliaq akerleriissutaasup allatut suliarineqarnissamut ikaarsaareerneratigut.

§ 23 r-imut

Aalajangersakkamut siunnersuummi aalajangiigallartarnerit atorneqarnissaat siunnersuutaavoq, ingammik piffissaq apeqqutaatillugu, ajornakusoorpat aalajangiiniarnissaq pissutsit atuuttut iluanni, pinngitsaaliissutaasumilli pineqaatissiisummik akiliisitsinissaq pissusissamisoortinneqanngippat imaluunniit naammattutut isigineqanngippat.

Inatsisissatut siunnersuutip kingunerisaanik aalajangiisarnernut pisinnaatitaanermut malittarisassat nalinginnaanerusuunissaat siunnersuutigineqarpoq. Ataatsimut isigaluni naatsorsuutigineqarpoq tamanna annertunngitsumik pingaaruteqassasoq, aalajangiisarnerit pissutsit atuuttut naapertorlugit pingaarnertut akinik nakkutilliinermut sammisuunerusarmata.

Taamaattoq itigartinneqarsinnaanngilaq aalajangersagaq aamma suliani allani pingaaruteqarsinnaammat.

Pingaarnertut aalajangersakkamut siunnersuut 2-nik siunertaqarpoq: Siullertut attaveqatigiissutinik imaluunniit kiffartuussissutinik elektroniskiusunik ataqatigiissaakkanik kikkunnut tamanut neqerooruteqartartumut Atuisartoqarnermut Unammilleqatigiinnermullu Aqutsisoqarfimmu paasissutissanik tunniussisussaataanerisa saneqqunniarneqarsinnaanera soqutiginaateqarunnaarsissallugu. Aappaattullu Atuisartoqarnermut Unammilleqatigiinnermullu Aqutsisoqarfik periarfississallugu sukkasuumik aalajangiigallarsinnaanissamut, paasissutissat pigineqareersut aallaavigalugit, tamanna pisariaqarpat, internetimut appakaaffissaqartitsineq imaluunniit peqatigiilluni ataatsimut atuisitsinnaatitsineq pissusissamisoortumik naammassineqarsinnaappat. Isiginiagassat taakkua 2 ataatsikkut atortuusinnaapput.

Siunnersuut siunnerfeqanngilaq periarfissanik killiliinissamut, Kalaallit Nunaanni eqqartuussivinni tunniunneqartunik periaaseq aalajangersimasoq atorineqarpat ajoqusiisoqarsinnaaneranut, imaluunniit aalajangersimasumik nalilersuisoqarneratigut aalajangiinissamut qaqugumiit aalajangiineq atortuulissanersoq eqqarsaatigalugu.

Imm. 1-imut

Aalajangersakkakkut aalajangiunneqarpoq Atuisartoqarnermut Unammilleqatigiinnermullu Aqutsisoqarfik aalajangiisinnaasoq pissutsit atuuttut paasissutissallu pigineqartut tunngavigalugit, neqerooruteqartartup paasissutissat uppersaartillu naammattut nassiutinngippagit, aalajangiinissamut tunngaviusinnaasut, takuuk inatsimmi § 30. Pisumi aalajangersimasumi immikkut nalilersuineq apequtaavoq, paasissutissat pigeriikkat tunngavigalugit aalajangiisoqartariaqarnermoq, imaluunniit paasissutissat pissarsiariniartariaqarnermoq, akitsuummik pinngitsaaliilluni akiliisitsisarnikkut, takuuk inatsisissamut siunnersuummi § 37, immaqa tamatumani aalajangiigallarneq ilanngullugu. Nalilersuinermilu ilanngunneqassaaq nalinginnaasumik pisortatut oqartussaasut qularnaartussaammassuk aalajangiineq eqqortumik tunngavilimmik naammattunillu paasissutissanik tunngavilimmik pisartussaasoq. Nalilersuinermi aamma ilanngunneqassaaq akerleriittunik soqutigisaqartarnermoq, taamalu pissutissaqarnermoq aalajangiineq piffissaliussap aalajangersimasup iluani pisariaqartoq, aamma neqerooruteqartartoq naammattunik paasissutissanik pissarsiniarnissaminut naammattumik piffissaqarsimanersoq, kiisalu aamma pisortatut oqartussaasut naammattunik paasissutissanik tunngavissaqarnermoq taakkua tunngavigalugit aalajangiinissamut.

Atuisartoqarnermut Unammilleqatigiinnermullu Aqutsisoqarfiup qularnaartussaavaa neqerooruteqartartup paasisimaneraa Aqutsisoqarfik isumaqanngitsoq neqerooruteqartartup

paasissutissat saqqummiutissallugit pisussaaffigisani saqqummiussimagai, kiisalu neqerooruteqartartoq paasissutissanik nassiussinissamut piffissalernerqarsimasoq.

Nalilersuinermik tunngavilimmik akinik aalajangersaaneq ilaatigut pisinnaavoq paasissutissat pigineqartut aallaavigalugit, paasissutissat soqutigisaqartuni pingajuusup aningaasartuutaanut tunngavigalugit, aamma tamatumani paasissutissat nunanit allaneersut tunngavigalugit, aamma danskini imaluunniit nunani allamiuni nioqqutit assigisaannut akigititat isumaqatigiissutillu peqatigiilluni ataatsimut atuisitsisinnaatitsinermik atuisarnerni imaluunniit internetimut appakaaffissaqartitsisinnaanermi periarfissanik atuisarnerni atuuttut tunngavigalugit.

Aalajangiinerlu aallaavittut paasissutissat pigineqartut tunngavigalugit pisoq, tassaassaaq inaarutaasumik aalajangiineq, aallaavittullu aalajangiinermik nutaamik suliaqartoqartussaavoq siunissamut sammititaasumik paasissutissanik nutaanik pissarsisoqarpat. Taamaattoq imaassinnaavoq pisariaqartassasoq immikkut ittuni kingusinnerusukkut aalajangiinerup aaqiivigineqartariaqarsinnaanera, paasissutissat pigineqareersut kisiisa tunngavigalugit aalajangiinerusimasoq, pisuni taamaattuni imm. 6-imi aalajangersakkamut siunnersuutaasoq atortinneqartassaaq.

Imm. 2-mut

Aalajangersakkamut siunnersuutaasoq siunertaqarpoq Atuisartoqarnermut Unammilleqatigiinnermullu Aqutsisoqarfik periarfississallugu sukkasuumik aalajangiisarnissanut, tamanna pisariaqaraangat. Pisariaqartitsinerlu taamaattoq amerlasuutigut tunngaviligaasassaaq utaqqiisaasumik qularnaarigallarnissamik, imaluunniit aaqjissuussamik suliami "maleruagassaqarnissamik" pisariaqartitsinermik, internetimut appakaaffissaqartitsineq imaluunniit ataatsimut ingerlaarneq periarfissaqartinniarlugu.

Pissutsit pineqartut amerlanertigut pisassagunarput saaffiginnittoqaraangat qinnuteqaammik isumaqatigiissuteqarnissamut imaluunniit isumaqatigiissummik allannguinnissamut internetimut appakaaffissaqartitsinerni imaluunniit peqatigiilluni ataatsimut atuisitsisinnaatitsinerni. Taamaattoq mattutereerneqarsinnaanngilaq aamma pisariaqartitsineq pilersinnaammat allatigut, assersuutigalugu naammagittaalliortoqarnerani, neqerooruteqartartoq niuerfimmi niuerneramik annertuumik tigumminnittuusoq pisussaaffimminik eqqortitsisanngitsoq, neqerooruteqartartut allat tunngaannut sammisumik.

Tunuliaqutaasinnaavoq isumaqatigiinniarneq imaluunniit ajornartorsiutaasut tigussaasut. Pissutsit aamma imaassinnaapput neqerooruteqartartoq paasissutissanik naammattunik nassiussisanngitsoq, takuuk inatsimmi § 30, taamalu aalajangiisoqarsinnaanani, kisiannili pissusissamisoorani imaluunniit illersorneqarsinnaanani paasissutissat pigineqartut

tunngavigalugit aalajangiisoqarnissaa, naliliisoqarlunili piffissaqartoqanngitsoq pinngitsaaliissummik akitsuummik akileequisoqarnissaa, takuuk inatsimmi § 37.

Pisuni taama ittuni Atuisartoqarnermut Unammilleqatigiinnermullu Aqutsisoqarfik aalajangiigallarsinnaavoq, paasissutissat pigineqartut tunngavigalugit. Aqutsisoqarfiullu tamatuma kingorna suliap ingerlanneqarnera ingerlatseqqissavaa, inaarutaasumik aalajangiisoqarnissaa siunertaralugu, paasissutissat tamakkiisut tunngavigalugit, pisariaqarpat pinngitsaaliissutaasunik akitsuutinik akiliuteqartitsisarnikkut, takuuk inatsimmi § 37.

Aalajangiigallarneq ingerlanneqartarmat tunngaviusumik paasissutissat annikinnerusut tunngavigalugit, naatsorsuutaavoq Atuisartoqarnermut Unammilleqatigiinnermullu Aqutsisoqarfiup siunnerfigissagaa inaarutaasumik aalajangerneq sapinngisamik piaarnerpaamik pissasoq.

Imm. 3-mut

Tamanna pisinnaavoq paasissutissat nutaat saqqummerpata.

Imm. 4-mut

Aalajangersakkamut siunnersuummi erseqqissarneqarpoq aalajangiigallarneq atuutissasoq inaarutaasumik isumaqatigiissuteqarnissamut imaluunniit inaarutaasumik aalajangiisoqarnissaanut.

Illuatungeriit susassaqtut isumaqatigiissuteqarpata, tamanna isigineqassaaq qinnuteqaammik imaluunniit naammagittaalliummik suliamut aallaaviusumik utertitsinertut, taavalu Atuisartoqarnermut Unammilleqatigiinnermullu Aqutsisoqarfik aalajangiissaaq suliami tassani qanoq iliuuseqaqqissanani. Suliami illuatungeriit peqataasut nalunaarpata kissaatigalugu suleqatigiinneq aalajangiinerugallartoq Aqutsisoqarfimmit suliaq tunngavigalugu ingerlatseqqinniarlugu, tamanna illuatungeriit suliami peqataasut isumaqatigiissuteqarnerattut isigineqassaaq.

Soorluli inatsisissatut siunnersuummi § 23 p-mut oqaaseqaatini ersittoq Atuisartoqarnermut Unammilleqatigiinnermullu Aqutsisoqarfiup isumaqatigiissutaasoq allaluunniit utertitsinermut tunngaviusoq apeqqutaatinnagu nakkutilliinermut suliaq aallartissinnaavaa, tamanna Aqutsisoqarfiup tunngavissaqartikkuniuk.

Imm. 5-imut

Inaarutaasumik aalajangiineq suliarineqarpat utaqqiisaasumik aalajangiinermik suliaqartoqareernerani, illuatungeriit suliami susassaqtut atugassinneqassapput, soorlulusooq inaarutaasumik aalajangerneq utaqqiisaasumik aalajangernermiit

aallartsittuusooq. Inaarutaasumillu naatsorsuusiordermi isiginiarneqassaaq illuatungiusooq erniatigut annikinngitsunik annaasaqarsimasooq aalajangiinerugallartup piffissami atuuffigisaani.

Aalajangersagassamut siunnersuutaasooq tunngaveqarpoq naatsorsuutigineqarmat suliami susassaartut nalorninartorsiutinik nammagassartalinnik tigumiartussaasut, Atuisartoqarnermut Unammilleqatigiinnermullu Aqutsisoqarfiup aalajangiisariaqarneratigut suliami tamakkiisumik qaammarsaavigineqanngitsumi.

Imm. 6-imut

Aalajangersagaq siunnersuutigineqartoq siunertaqarpoq soqutiginarunnaarsissallugu neqerooruteqartartup paasissutissanik saqqummiussisussaasup, takuuk inatsimmi § 30, paasissutissanik naammattunik saqqummiinaveersaarsinnaanera, Atuisartoqarnermut Unammilleqatigiinnermullu Aqutsisoqarfiup inaarutaasumik malittarisassat naapertorlugu aalajangiinissaanut.

Aalajangersakkap kinguneraa utimoortumik utertitsinissamik naatsorsuusiorderneq imm. 5-imi taamaallaat atortinneqassasooq, kingumoortumik utertitsinissaq suliami pingajuusumik iluaqusiisussaappat.

Suliami pingajuusooq tassunga atatillugu paasineqassaaq soqutigisaqartut allat paasissutissanik uppersaatini nassiussinngitsoq pinnagu.

Aalajangersakkamut siunnersuutaasumut tunngaviuvoq ileqqooq, taanna akisussaasooq aalajangiinissap pineqartup naammassineqarsinnaannginneranut, paasissutissanik tamakkiisunik tunngavilimmik, taamalu tamakkiisumik qaammarsaavigineqarsimasumik aalajangiisooqarsinnaannginneranut akisussaasuusooq, qaninninerpaajusooq nalorninartorsiutaasunik nammattussatut, taamalu aalajangiineq imarisamigut allaanerusinnaasooq, aalajangiinerup paasissutissanik tamakkiisunik tunngavilimmik suliarineqarneranut sanilliullugu. Taamaasilluni naatsorsuutaavoq aalajangersakkap pineqartup atortinneqarnerani isiginiarneqassasooq pisuussutiginnngisanik pissuteqarnersoq, soorluttaa kingumoortumik utertitsisoqarnissaanut naatsorsuusiorderneq kiffaannngissuseqarnerulluni suliarineqarsinnaassasooq.

Nr. 2-mut.

Imm. 3 nutaaq § 30-mut ilanngunneqassaaq Atuisartoqarnermut Unammilleqatigiinnermullu Aqutsisoqarfik nunani avannarlerni unammilleqatigiinnermut oqartussat sinneri sinnerlugit paasissutissanik piniarsinnaaqullugu nunani namminermi unammilleqatigiinnermut malittarisassat atortuutinneqarnissaat siunertaralugu. Aalajangersagaq taanna tunngavigalugu

paasissutissanik paarlaasseqatigiinneq illugiissumik tunngaveqassaaq kiisalu paasissutissat tiguisussani assiganik nipangiussisussaaitaanermik pisussaaffeqassallutik, aammalu taamaallaat peqatigiit marluk imaluunniit amerlasuut akornanni isumaqatigiissummi siunertanut aalajangiunneqarsimasunut atorneqassallutik, § 34 naapertorlugu.

Nr. 3-mut

§ 31-mi imm. 4 nutaaq taamatuttaaq ilanngunneqarpoq Atuisartoqarnermut Unammilleqatigiinnermullu Aqutsisoqarfik periarfissinniarlugu nunani avannarlerni unammilleqatigiinnermut oqartussat sinneri sinnerlugit nakkutilliilluni misissuisinnaaqullugu nunani namminermi unammilleqatigiinnermut malittarisassat atortuutinneqarnissaat siunertarlugu. Nakkutilliilluni misissuineri taamaattuni § 32-mi aalajangersakkat sukumiinerusut atortuutinneqarputtaaq, taamalu nakkutilliilluni misissuinerit toqqammavissai sukumiinerusut aalajangersaaffigalugit.

Imm. 4-mut

§ 33-ip oqaasertai nutarsarneqassapput imaalersillugu politiit nakkutilliilluni misissuinerit pillugit § 31, imm. 4 naapertorlugu nakkutilliilluni misissuineri aamma ikiuisinnaalersillugit, nunani avannarlerni unammilleqatigiinnermut oqartussat sinneri ikiorniarlugit.

Imm. 5-imut

Imm. 5-imut. Aalajangiineq nutarterneqarpoq imaalerluni aalajangikkat Unammilleqatigiinnermut Ataatsimiititaliap aamma Atuisartoqarnermut aamma Unammilleqatigiinnermut Aqutsisoqarfiup aalajangigai allaffissornikkut oqartussanut allanut ingerlateqqinneqarsinnaassanngitsut.

Imm. 6-imut

Niuerfimmi immikkoortumi unammilleqatigiinnermut aqutsineri malittarisassat ilanngunneqarnerisigut aamma pineqaatissiisutaasinnaasut malittarisassanut nutaanut ilanngunneqarput.

Aalajangersakkami annerusumik § 38 maanna atuuttoq ingerlateqqinneqarpoq, taamaattorli suliaqarfimmi aalajangersimasumi inatsimmik imm. 1-imi, nr. 8-mi aamma 9-mi unioqutitsineri pineqaatissiisinnaaneq aammalu imm. 8-mi pineqaatissiinissap uuttornerani toqqammaviit suut atorneqassanersut ilassutigineqarput.

Inatsimmik unioqutitsineri suliffeqarfiit qanoq angitigisumik akiliisinneqartarnissaannut toqqammavigisat maanna atuuttut erseqqissarneqarput. Tassa imaappoq, suliffeqarfiit akiliisinneqassatillugit unioqutitsinerup annertussusia, sivissusua aamma suliffeqarfiup kaaviiartitai sulii eqqarsaatigineqartassammata.

Naatsorsuinermi piviusumi unioqutitsinerup annertussusaata nalilersornerani aningaasat tunngaviusussatut taggitat aallaavigineqassapput, unioqutitsinerup pingarpallaanngitsutut, pingartutut imaluunniit assut pingartutut oqaatigineqarsinnaanera naapertorlugu.

Akiliisitsinerup annertussusissaanik naatsorsuinermi piviusumi annertunerusumik suliffeqarfiup kaaviiartitai eqqarsaatigineqassapput, imaalersillugu pingartumik aamma assut pingartumik unioqutitsinerit suliffeqarfimmut aningaasatigut kaaviiartitaanut naleqqiullugit annertuumik aningaasartuuteqartillugu. Tassani siunertaq tassaavooq unioqutitsinernut assigiinnut akiliisitsisarnerit aningaasatigut suliffeqarfimmut mikisunut aamma angisuunut assigiimmik sunniuteqarnissai. Akiliisitsinerup annertussusissaanik naatsorsuinermi piviusumi unioqutitsinerup sivilissusia suli aammattaq eqqarsaatigineqassaaq.

Ilimagineqarpoq unnerluussisussaataasut piumasarissagaat unammilleqatigiinnermut inatsimmik unioqutitsinermut pingarpallaanngitsumut aningaasat aallaavigineqartussatut taggitat 4 mio. kr. tikillugit annertussuseqartariaqarput. Unammilleqatigiinnermut inatsimmik unioqutitsinermut pingartumut aningaasat aallaavigineqartussatut taggitat 4 mio. kr.-niit 20 mio kr. tikillugit annertussuseqartariaqarput, unioqutitsinermullu assut pingartumut aningaasat aallaavigineqartussatut taggitat 20 mio. kr.-niit qummut annertussuseqartariaqarlutik.

Najoqqutarineqarlutik maanna atuuttut, immikkoortitsinerit tassaallutik unioqutitsineq sivilissumik ingerlasimasooq (ukioq 1 inorlugu), akunnattumik sivilissuseqartoq (ukiut 1-5) taavalu sivilissumik ingerlasimasooq (ukiut 5 sinnerlugit) ingerlatiinnarnissai siunnersuutigineqarpoq. Najoqqutarineqarlutik maanna atuuttut, unioqutitsinerup qanoq ingasatsigisimanera naapertorlugu aningaasat aallaavigineqartussatut taggitat annertusiartortarlutik unioqutitsinerup sivilissusiata kingunerisaanik, aamma ingerlatiinnarneqartussatut siunnersuutigineqarput.

§ 2-mut

Nr. 1-imut

Aalajangersagaq atorunnaarsinneqarpoq pissutsit taakkua siumut sammisumik unammilleqatigiinneq pillugu malittarisassani nutaani aqunneqarmata. Atorunnaarsitsisoqassaaq marloqiusanik malittarisassaqaassanngimmat.

Nr. 2-mut

Aalajangersagaq atorunnaarsinneqarpoq pissutsit taakkua siumut sammisumik unammilleqatigiinneq pillugu malittarisassani nutaani aqunneqarmata. Atorunnaarsitsisoqassaaq marloqiusanik malittarisassaqaassanngimmat.

Nalunaarasuartaaserinermi atuisartut naammagittaalliutaat atuisartunut malittarisassat nalinginnaasut naapertorlugit suliaqarineqartassapput.

Nr. 3-mut

Aalajangersagaq atorunnaarsinneqarpoq pissutsit taakkua siumut sammisumik unammilleqatigiinneq pillugu malittarisassani nutaani aqunneqarmata. Atorunnaarsitsisoqassaaq marloqiusanik malittarisassaqaassanngimmat.

§ 3-mut

Siunnersuutigineqassaaq inatsit atortuulissasoq ulloq 30. december 2017.